

KOAHOLLO EA MOLIMO

 Ha re tsoe re sa eme nakoana ha re inamisa lihlooho tsa rōna thapelong.

² Morena oa rōna ea Mosa, re leboha haholo monyetla ona ho bokana 'moho holima lefatše pele Morena a Khutla. Kajeno re hlahlobe lipelō tsa rōna, ka Lentsoe la Hao, ho bona haeba re sa lutse Tumelong, re tle re itokisetse, hoo, hora ea ho Hlaha ha Hae. Re be kamoo Mangolo a boletseng, "Ho nkoa hammoho, le ba robetseng, ho kopana le Morena sebakeng, re be le Eēna kamehla."

³ Re U leboha ka Moea oa makhonthe oa Bokreste o holima lefatše le joale, hara batho, haele moo ba sa ntse ba lumela Uena le Lentsoe la Hao. Ka baka leo re qela mahlohonolo a Hao holima rōna kajeno, U tle u fafaletse mang le mang oa rōna tlhoko eo a e hlokang, re tle re nosetsoe ka Lentsoe, re tle re holele ho beoa libetsa tsa tšebetso matsohong a Hao, tsa letsatsi lena la ho getela. Hoba re kopa sena ka Lebitso la Morena Jesu Kreste, Molisa oa rōna e moholo, eo re mo shebeletseng ho hlaha. Amen.

Le ka lula fatše.

⁴ 'Me ke batla ho tlaleha e le monyetla o moholo hoseng hona ho tla koano hape. Re masoabi ha re hloka malulo a lekaneng. Re tla leka, bosiung bona, joale ho rapella bakuli; kajeno, hoseng hona, ho tla batla ho ba thata.

⁵ 'Me—'me ke ne ke tla hatisa Molaetsa ona kajeno. Ke... Morena o bonahetse a sebetsana le 'na mabapi le ona, oh, khoeli e le 'ngoe kapa tse peli tse fetileng, 'me o molelele. 'Me ha ke tsoile likopanong ha ke fumane nako, kaha re lumella metsotso e mashome a mararo, e mashome a mane a tšebeletso. 'Me ebe re... Kaha batho ba tlameha ho ea mosebetsing le linthong, ke fumane ho le molemo ho khutsufatsa Melaetsa ea ka. 'Me ha ba ka ba fumana nako ea ho o hatisa kantle mane, eaba ke hopola ho ema hofihlela ke khutlela tabernakeleng mona ke ntano o hatisa ho tsoa mona. 'Me o batla o le molelele, kea tseba le eme, 'me ke—ke tla potlaka ka bokhoni ba ka. 'Me, joale, le ke ke la ntlhopha ha 'le ananya litulo, kapa e ka bang eng, ho 'na ho tla—ho tla itokela ka botlalo kaha lena e le letsatsi le ikhethang mohla re etsang likhatiso tsena.

⁶ 'Me kantle tšimong re fumane littaleho tse khōlō tsa lintho tseo Morena a li entseng, empa mohlomong re tla bua haholoanyane bosiung bona ha re ka e khethela nako, ho e khethela nakoana.

⁷ Me joale re tšepa Morena a tla hlohonolofatsa mang le mang oa lona. Kea tseba lipelō tsa lona li tletse thabo, li

emetse ho Khutla ha Morena. Ea ka le eona, e a phophoma, ho bona lintho tse hlahang tjena. Le—le khohlano ea lichaba, le kereke maemong a eona, le ho bona lipontšo tsa ho Khutla ha Hae, ka tlhaho le ka semoea, le ho tseba hobane nako ena ho Hlaha ha Hae e haufi haholo, pelō ea rōna e thabisoa ke ho tseba hoba re tla fetoloa le leng la matsatsi ana. Re tla fetoloa ho tsoa ho libopuoa tseo re leng tsona.

⁸ Joale, kea lumela, haeba ke utloisia, ba hoketse mehalia nqa e 'ngoe, ho thoe Molaetsa ona o fihla Phoenix le ho—le likarolong tse fapaneng, ka mohala. 'Me rea tšepa haeba ho le joalo... Ha ke tsebe; ke boleetsoe seo pejana ke kena. 'Me—'me batho bohole kantle mono ba hlide ba thabela bophelo bo botle le—le Khanya ea Morena holima bona.

⁹ 'Me joale—joale re tlil'o phetla Lentsoe la Morena. 'Me re mona ho thabela le ho utloa seo re... Ha re—re tle koano 'me re... Ha ho motho ea leng teng ea tsebang motho ea ka lulang mochesong o mokana, mohopolo e le ho itulela mona feela. Re ttile mona ka morero o le mong, 'me ona, "ho tsamaela haufi le Molimo." Ke phetho seo re ka se etsang, ke ho lumela hoba Morena Jesu o na le rōna. 'Me re mona ho—ho tsamaea haufi le Eèna ho feta.

¹⁰ Joale mocheso ona o batla o mphothoma. Ke batla ke tloaetse mocheso o ommeng oo oa kantle koana Tucson, e leng... Mongobo ona oa mona joale; mocheso oa rōna mono o feta mocheso ona, empa o omme. Ka linako tse ling mocheso oa rōna ke phesente e le 'ngoe ea mashome a mabeli, mohlomong, ntho e kang eo, eka ho phela tlasa tente ea oksejene. Empa mona o na le—le—le phofuli, 'me u etsa hore u batle u ikutloa u "hlotliloe ka botlalo," kamoo re ka buang. U a imeloa, kea tseba, 'me lona bommè ba tšoereng masea le lona batho ba emeng, ba holileng le ba bacha, le hatellane ka mokhoa oo. 'Me joale re—re tsepile Molimo ho le putsa haholo ka sehlabelo sa lona.

¹¹ Ha ke utloisia Moena Roy Borders o teng mona nqa e 'ngoe. Ke utloile a tsebisoa, empa kea kholoa ha a khona ho kena. Ho lokile. Ke eèna motsamaisi oa likopano.

¹² Joale ke batla ho tsebisa hoba ea kileng a ba hara rōna o tlohile ho e aba 'moho le Morena hoseng hona, monna, Moena Jackson ho tsoa Sturgis, Michigan. Ha ho mang ea tsebang kamoo a tsamaileng kapa mabapi le eèna. O ne a ipheletse hantle, eaba feela o... Kea kholoa ba mo fumane a shoele, kapa ho hong. Ha ke—ke a fumana linttha tse feletseng. 'Me re leboha Molimo haholo kaha Moena Jackson e ne e le Mokreste. Ke mo qetetse lilemo tse ngata tse fetileng, empa o kile a lula hara rōna 'me ke e mong oa rōna. Molimo a phomotse moea oa hae o khabane! Ho tsamaea ka mokhoa oo, realumela hoba e ne e le ntho e itseng, e le nako ea hae ho tsamaea. Morena ha a re hlokamelisa letho, kapa eèna ka eona, a mpa a itsamaela. E hlahile joalo. 'Me ke batla

ho letsetsa mohatsa'e hang ha ke khona, ke 'molelle mahlomola a rōna. 'Me re batla ho leboha Molimo ka bophelo ba hae bo khabane ba Bokreste, le molemo oa hae mona lefatšeng, 'me haholo ho rōna mona phuthehong ena ea lehae.

¹³ Joale bosius bona, ke tsebisitse ho rapella bakuli bosius bona, 'me ke tla bua haholo ka bakuli bosius bona.

¹⁴ Empa khetlong lena, joale ha re phetleng Lentsoeng ka kotloloho, hobane ho petetsane 'me ho a chesa. Re tla fetela Lentsoeng ka kotloloho. Ke batla ho bala libaka tse peli tsa Lengolo hoseng hona, halelele, ho ntlhophisetsa motheo oa seo ke batlang ho se bua.

¹⁵ 'Me, joale, ekare ba ka tšoara teipi, Moena Sothmann le bao, pele ba e rekisa, haele ntho e ka etsoang, 'me ke—ke rata ho e mamela pele re... pele e kena ho bohole.

¹⁶ Joale ho...ke batla ho bala ho Bafilipi, khaolo ea 2, 1 ho fihla 8; le Bakorinthe ba Bobeli 3, ho qala ka 6, le ho kenyeletsa khaolo ea 4 ea Bakorinthe ba Bobeli, ho haha motheo feelsa. Joale ho Bafilipi, khaolo ea 2, ke tla bala pele.

Pele ho palo, ha re rape leng.

¹⁷ Morena Jesu, Lentsoe la Hao ke 'Nete. 'Me horeng ena eo re phelang ho eona ea tlokotsi, sechaba se khahlano le sechaba, maloetse, lithothomelo tsa lefatše libakeng tse ngata, lipelō tsa banna lia ema, tšabo, re bona mongolo leboteng. Joale, mono ke selikeng sa tlhaho, hore lefatše lohle le bone sena. Empa joale selika sa moea se teng, le sona, 'me re bona ho hlaha lintho tse khōlō, 'me re batla ho bua ka tsona kajeno.

¹⁸ Hlohonolofatsa Lentsoe la Hao pelōng tsa rōna. Re tseba ho se motho Leholimōng kapa lefatšeng ea loketseng ho nka Buka ena, ho manolla Litiiso, kapa ho E sheba, le hona. Empa ho hlahile e Mong, Konyana e hlabiloeng, e mali, e ttileng ea nka Buka, 'me e-na le tokelo 'me ea E manolla. Oho Konyana ea Molimo, manollela lipelō tsa rōna Lentsoe la Hao kajeno, e tle e be tšeliso. Re bahlanka ba Hao. Tšoarela libe tsa rōna, Morena. 'Me ntho efe e ka thibang Lentsoe ho tsoa ka matla a maholo le ka tšusumetso kajeno holima maphelo a rōna, e tlose, Morena, tšitiso efe, re tle re fuoe tšitiso tshole Lentsoe la Hao le re baletsoeng tsona. Re e kopa ka Lebitso la Jesu. Amen.

¹⁹ Bafilipi 2.

Ka baka leo ekare ha tšeliso e le teng ho Kreste, ha ho le khotthatso ea lerato, ha ho le kopano ea Moea, ha ho le lereko le mohauhelo,

Le ke le phethise thabo ea ka, ka ho ba le khopolo e le 'ngoe, le lerato le le leng, le moea o le mong, le—le ho ikutloa ho le hong feelsa.

Le se ke la etsa letho ka khang leha e le ka boithoriso ba lefeela; empa e mong le e mong ka boikokobetso a lekanya hobane e mong ba mo fetisa.

E mong le e mong a se ke a hlokomela ho tseo e leng tsa hae feela, a mpe a hlokomele le tseo e leng tsa ba bang.

Le fele le be le pelō, e bileng hape le ho Kreste Jesu:

Eo, leha a ne a ema ka sebopaho sa Molimo, a sa kang a lekanya hobane o a utsoa ha a iketsa ea lekanang le Molimo:

Athe o iphèlisitse, ka ho nka sebopaho sa mohlanka, ka ho iketsa ea tšoanang le motho:

'Me ha a hlahile a le joaleka motho, o ikokobelitse, a iketsa ea utloang ho fihla lefung, le lefung la sefapano.

²⁰ Ha re ka phetla joale ho Bakorinthe ba Bobeli, khaolo ea 3, re tla qala ka temana ea 6, le ho bala ho isa ho ea 18, le ho theohela tlase khaolong ea 4.

E leng eèna hape o re fileng matla a ho ba basebeletsi ba selekane se secha; e seng sa letere, empa e leng sa moea: hobane letere eona e a bolaea, empa moea o a phelisa.

'Me ekare ha tšebeletso ea lefu, e ngoliloeng ka liletere tse betloang majoeng, e ne e na le khanya e khòlò, bana ba Iseraèle ba ba ba sitoa ho shalima Moshe mahlong ka baka la khanya ea sefahleho sa hae; athe ke e neng e tla fela:

Tšebeletso ea moea e tla ba le khanya e fetisang hakakang?

Hobane tšebeletso ea tsuo ha e bile khanyeng, haholoholo tšebeletso ea ho loka e feta ka khanya hakakang.

Efela se neng se na le khanya pele ha se sa na khanya, ha se bapa le khanya ena e fetisang haholo.

Hobane se neng se tla fela ha se ne se tle ka ho khanyang, haholo ho na le... se sa feleng se tiea ka ho khanyang hakakang.

Joale ka baka la ho ba le tebello e kalo, re tšoanelia haholo... bolela ka matla a maholo, re bolela ka matla a maholo.

Ha re etse joaloka Moshe, ea neng a ipea lesira mahlong, bana ba Iseraèle ba tle ba se ke ba talima qetello ea ntho e felileng:

Empa likelello tsa bona li ne li thatafatsoe: hobane le joale ha ho baloa litaba tsa selekane sa khale lona lesira leo le felisoang ke Kreste; le sa ntse le le teng.

Empa le kajeno ea bokajeno, ha ho baloa litaba tsa Moshe, lesira le sa ntse le sirense lipelōng tsa bona.

Empa mohla e tla sokolohela ho Morena, lesira le tla tlsooa.

'Me Morena ke Moea: 'me moo Moea oa Morena o leng...tokoloho e teng.

Joale rōna bohole, ba talimang seiponeng khanya ea Morena, ka mahlo a se nang lesira re fetohela setšoantsong se le seng le eèna ka khanya e lebisang khanyeng, e leng ka Moea oa Morena.

Ka baka leo ha re ntse re e-na le tšebeletso eo, ka mohau o re hlahetseng, ha re tepelle;

Empa re lahlile lintho tse patoang le tse sa tšepeheng, 'me ha re tsamaee ka mano 'me ha re tsoakanye lentsoe la Molimo; empa ka ho hlahisa 'nete re itsoa matsoalong a batho bohole pela Molimo.

Ekare ha evangeli ea rōna e koahetsoe, e koahelletsoe bao ba timelang:

²¹ Morena a ekeletse mahlohonolo a Hae palong ea Lentsoe la Hae!

²² Joale, sehlooho sa ka hoseng hona, ke tšepe Molimo a tla se senola. 'Me nako efe, ho lona ba nkang liteipi 'me le mamela, kea tšepe kea kholoa hoba—hoba kutloisiso ea lona ke ea moea mabapi le seo Molimo esale a leka ho se tlisetza Kereke se mpa se sa boleloe phatlalatsa. Ua bona? Ke ntho, ka linako tse ling, re tlameha ho buoa lintho re li patahanya, ho ntša ba bang, ba bang ba ngale, ba bang li ba qosa ho—ho—ho nahaniisa. Empa e etsoa ka morero. E tsoanela ho etsoa joalo.

²³ Hape ba bang ba ka re, “U re Molimo a ka etsa joalo ka morero?” O hlile a e etsa. O sa e etsa le joale.

²⁴ O buile tsatsi le leng, mohla A likiloeng ke likete tse Mo teetseng hare, A re, “Ha le sa je Nama ea Mora Molimo, kapa Mora motho, la noa Mali a Hae, ha le na Bophelo ka ho lona.”

²⁵ Ebe le re polelo ea mofuta oo e ka nahaniisa ngaka ea meriana kapa mooki, kapa motho ofe ea hlalefileng a ka nahanaang ka polelo e joalo, athe Monna eo o kakatletse tšebeletso e kang ea Hae? Khele, a ka re, “Ho ja nama? Ke lelimo! Ho noa mali a motho? Ke senoamali! Ka mantsoe a mang, O batla ho re fetola malimo le linoamali.” Eaba mokhupi ohle o siroha o Mo furalla.

²⁶ 'Me O ne a likiloe ke setlamo sa bareri, sa ba mashome a supileng, ba khethiloeng. Eaba O ba shalima, A re, “Le tla nahana'ng ha le bona Mora motho a nyolohela moo A tsoileng teng?” Joale, ha A ka a e hhalosa. Ha A ka a hhalosa

mokhoa; ke Pauluse ea e entseng hamorao. A mpa a E bua feela. Ua bona? 'Me mohla taba ena, O itse, "Le tla reng," ho bareri bana, "ha le bona Mora motho a nyolohela moo A tsoileng teng?"

²⁷ Ntle le pelaelo banna bao ba itse, "Joale, be butle. Oh, re ja ja le Eèna. Re tsoasa lihlapi le Eèna. Re robala le Eèna. Re-re tseba moo A hlahetseng teng. Re bone kotjè e Mo—Mo koietsang. Monna enoa a ka rialo... Ena ke polelo e thata."

²⁸ 'Me Bibebe e itse, "Ha ba ka ba hlola ba tsamaea le Eèna." Ba Mo ngala.

²⁹ Eaba O setse le ba leshome le metso e 'meli. O ne a khethile ba leshome le metso e 'meli, athe e mong oa bona ke liabolosi, O boletse. 'Me eaba O sokolohela ho bona.

'Me ho se mang ea ka hlalosang seo A sa tsoa se bolela. "Ebe ba tla ja Nama ea Hae ba noe Mali a Hae joang? 'Me ebe O theohile joang, athe O tsoaletsoe hantle mona lefatšeng?" Ua bona? Keha ba sa E utloisise.

'Me eaba O sokolohela ho baapostola, 'me A re, "Na le lona le batla ho tsamaea?"

³⁰ 'Me ke mohla Moapostola Petrose a hlahisang polelo eo ea tonana, "Morena, re ka ea ho mang na?" Ua bona? "Hoba rôna re khotsoe. Re tsebisisa ruri hoba ke Uena, homme Uena u inotši, ea tšoereng Lentsoe la Bophelo la hora ena." Ua bona? "'Me re khotsoe ke hoo." Ua bona, ba sa khone ho E hhalosa. Bao...

U ke ke ua hhalosa tumelo. Ke ntho eo u e lumelang, 'me e tiile hoo ho seng letho ho tlatsa sebaka sa eona.

Ka baka leo, ba tsebile hoba Lentsoe le ngoletsoeng mongoaha oo ba phelang ho oona, mongoaha oa bo-Messia, hore O nyallane le eona hantle. 'Me na ba ka hla ba khutlela likerekeng tse batang tseo, tse fofõ tseo ba tsoileng ho tsona? Ha thoe, "Re ka ea kae?" Ua bona? "Re hlile re khotsoe hoba U tšoere Lentsoe la Bophelo." Ua bona? 'Me ha ba—ba khona ho E hhalosa, ba mpa ba E lumetse. Ua bona?

³¹ 'Me Jesu o e buile ho hlaolela letšoelé la Hae, ua bona, hofihlela A teanya sehlopha 'moho. 'Me hara batho bao bohle, bao, ke ba leshome le motso o mong feela ba utloisisitseng na E ne e le Mang. Ba Mo tsebile e le Molimo, 'me Molimo a inotši. Joale, eona...

³² Sehlooho sa ka hoseng hona ke ho senola, kapa, ho koaholla Molimo oo.

³³ Molimo esale, mongoaheng o mong le o mong, a ipatille kamora lesira, mengoaheng eohle, feela E le Molimo ka linako tsohle. Ua bona? Empa esale A Ipatela lefatše, le ho Itšenolela Bakhethoa ba Hae, joaleka baapostola mohlang oo. Joale, oo e ne e le Molimo o buang ka ho Kreste.

³⁴ Joale, motho haesale, e bile semelo sa motho, esale a batlile ho bona (ka namana) Molimo oo. Haesale a batlile ho E bona. Motho o bopile libopuo a tse kang Eèna. Ba nahana ka... Maindia a ne a rapela letsatsi. 'Me—'me re fumana, koana Afrika, libopeho tse fapaneng tsa liphoo folo, le lilo. Le holimo... linqalo tse hoammeng tsa Alaska, 'me—'me ba hopola Molimo enoa a nkile libopeho tsena. Kamoo Pauluse a buileng mane Athene mohlang oo, leralleng la Marsa, a ba bolella ka tumelo-khoela ea bona ka Molimo o sa tsejoeng ona, athe, ba tsebile A le teng ba mpa ba sa Mo tsebe.

³⁵ 'Me re fumana esita le morao koana ho Jobo. Jobo o tsebile hoba Molimo o teng. O e tsebile. 'Me ha ho e—e—e motho, ea kelello e chatsi, o a tseba hoba Ntho e tlameha ho ba teng nqa e 'ngoe. 'Me, joale, Jobo keha a batlile ho buisana le Eèna.

'Me ke batla le hlokomele seboleho seo Molimo a khethileng ho qoqa le Jobo ka sona. Molimo o ne a saretse mohla A ne a bua le Jobo. A saretse kahara setsokotsane, ho theoha ka setsokotsane. Lea lumela Molimo o sa tla ka setsokotsane la ba la khona ho se bona? [Phutheho e re, "Amen."—Mong.]

³⁶ Ba 'maloa ba lutse mona, palo e itseng, ba neng ba etile le rôna mohla A fihlang ka setsokotsane. Ra bolelloa letsatsi pele, Moena Banks Wood le bao, mohla A reng, "Thonaka lejoe lena, le lahlele sepakapakeng, u re, 'HO RIALO MORENA! U tla e bona hang-hang.'" Eaba ke thonaka lejoe, koana qhooeng ea thaba, ka le lahlela sepakapakeng, 'me eona... ehlide, ha le lepella, la fehla setsokotsane, ua bona, lehahla la lona.

³⁷ U tlameha ho etsa ho hong ho hlahlangoa ke ho hong. Jesu o nkile bohobe a bo ngoatha, eaba o atisa sekotoana seo sa bohobe. A nka metsi, a tshela nkhong. Elia o nkile letsoai, a le tshela lefisong; a rema thutsoana, a e lahlela metsing. E tsoantšisa ho hong.

'Me ka ho thonaka lejoe lena ho le lahlela sepakapakeng, ha le lepella la fehla setsokotsane.

³⁸ Tsatsi le latelang, khele, keha moreri e mong a kene le rôna letšolong la ho tsoma. A eme haufi, a re ho 'na, "Na ebe Morena o u bontša lipono kantle tjee feela, Moena Branham?"

³⁹ Ka re, "E, empa ka tloaelo mona ke tlife ho phomola." 'Me eaba pono e fihla ka eona nako eo.

⁴⁰ 'Me Moena Borders, kea kholoa o ka ntle joale, o ne a le teng. Moena Banks Woods, kea kholoa, le, oh, le ba 'maloa holimo mono, ba robeli kapa ba leshome. 'Me Moena Banks Woods o e shebeletse. Hantle holima thaba, hantle mose oane mabapa, hantle feela, nka re halofo ea meile ho tloha moo Mangeloi a supileng a hlahleng, etsoe ke tlohole mona ka morero oo mono, a khutlileng ho bolela... mabapi Litiiso tse Supileng. E ka ba halofo ea meile ho tloha mono.

⁴¹ 'Me tsatsi le hlahlamang, ha ntho ena e tsoelapele, khele, eona...ka re ho moena, moena enoa, ka re, "Bothata ba hao, u lometsoa ke alegi ka hara leihlo. Lingaka li lekile ka lilemo ho e thibela 'me ha li khone. Ba re u tlil'o...e tlil'o ja leihlo la hao." 'Me ka re, "Empa se tšoenyehe, Morena Jesu o hlomphile tumelo ea hao." Eaba o liha sethunya sa hae. 'Me ka re, "'mè oa hao," hantle seo a neng a le sona le bothata ba hae.

'Me a re, "Ke 'nete."

⁴² Moena Roy Roberson ho tsoa kerekeng mona, o teng, kea kholoa bohle lea mo tseba. Ka ho mo tseba e le mokaubere, le ho tseba se neng se tla hlaha, ka bea letsaho la ka lehetleng la hae; ka re, "Moena Roberson, hlokomela, u be seli, ntho e mathating oa ho etsahala."

⁴³ Ka khutlela moo ke tlamehang ho ema teng, 'me sepakapakeng ha lepella setsokotsane, sa phollelsa khohlo eo, se hlaha holimo, se le matla hofihlela se petsola mafika, boahlamo ba li-inchi tse robeli kapa tse leshome, a betseha qhooeng ea thaba, sa a tsoibila bohole ba lijarete tse makholo a mabeli. 'Me sa phaila hararō, eaba se ntša Puo. Ua bona?

⁴⁴ 'Me bohle ba eme mono. Moena Banks, o teng joale, a nyoloha a re, "Na ke seo u re joetsitseng sona maobane?"

Ka re, "E, monghali, ke sona."

A re, "Joale, Le itseng?"

⁴⁵ Ka re, "Joale, le etselitsoe ho tsejoa ke 'na feela, Moena Banks, ua bona, hobane e ne e le...Le ka harola batho matsoalo."

⁴⁶ Empa La tsoelapele, la etsahala ho ella...la toba nqa leboea. Nthoana, matsatsi a 'maloa hamorao La otla leoatle, le bone se hlahileng mathokong a Fairbanks. E ne e le pontšo ea kahlolo. Joale re fumana hoba—hoba Molimo o sa...U a bona, le ka hlahafatsa batho. 'Me ka hona ba ne ba...E ne e tlamehile ho etsahala, ua bona. E tlameha feela ho etsahala. Lintho tse tlamehang ho etsahala li tlameha ho etsahala, le hona. Ua bona, e tla etsahala, le hona.

⁴⁷ Moshe o kile a lakatsa ho bona Molimo, eaba Molimo o mo laela ho ema holima lefika. 'Me, holima lefika, Moshe a ema a bona Molimo a feta, 'me mokokotlo oa Hae e ka mokokotlo oa monna. Molimo o ne o le kahara setsokotsane, 'me Molimo... eare Moshe a sa eme holima lefika.

⁴⁸ Kea kholoa le bone setšoantšo kantle mono tsatsi le leng, re ne re eme pela lefika lona leo. 'Me Leseli leo ke lena, Lengeloi la Morena, hona moo Le phaitseng teng. Ho ema... Le manehiloe letlapeng la litsebiso mono joale, hape.

⁴⁹ Lemohang, Jehova oa Testamente ea Khale ke Jesu oa Testamente e Ncha. Ua bona? Ke Molimo o le mong, o mpa a fetola sebopheho sa Hae.

⁵⁰ Joale, motho o buile letsatsi le leng, e—e—e moreri oa Baptise koana Tucson, “U ka rialo joang hore—hore Jesu le Molimo ke Motho a le mong?”

⁵¹ Ka re, “Be, e bonolo haholo ha u ka hlomola monahano oa hao, ua hloma moevelo oa Bibele. Ke Boleng bo le bong. Molimo ke Moea; Jesu ke ’mele oo A neng a saretse kahara ona. Ua bona?” Ka re, “Joaloka lapeng la ka. Ho mohatsa ka, ke monna oa hae. Hape ke na le morali e mocha, Rebekah, ke ntata’e. Hape ke na le setloholo, lebitso la sona ke Paul, ke ntata’e moholo. Ke monna, ntate, le ntatemoholo. ’Me mohatsa ka ha a na litšanelo tsa ntate kapa tsa ntatemoholo ho ’na; litšanelo tsa ka ho eèena ke tsa monna feela. ’Me morali oa ka ho ’na ha a na litšanelo tsa monna kapa tsa ntatemoholo; ke ngoana oa ka. Ua bona? Empa koana batho ba bararō bana bohole ke motho a le mong. Ua bona? Ke Molimo; Ntate, Mora, le Moea o Halalelang, empa e le litšanelo tsa makhathe.” Molimo o a tšoana, ke Molimo o tšoanang.

⁵² Molimo o ile oa Iphetola, ho fetola sebopetho sa Hae. Ha le ka elella mona ho Bafilipi, O itse, “Ha a ka a lekanya hobane o a utsoa, empa o nkile *sebopetho* sa motho.”

⁵³ Joale, lentsoe la Segerike mono la *sebopetho*, ke le tsomme letšeare lohle maobane, ke leka ho le nahana, ke fumana, eaba ke tsoa ka lentsoe lena la “en morphé.” Le peletoa e-n m-o-r-p-h-e. Ha ke sheba Segerike, ho fumana seo en morphé e neng e le sona... Nka tšoha ke le qapolisa ka phoso, empa lebaka la ka ho le peleta, mohla teipi e lokolloang, batho ba tla khona, bona baithuti, ba tla tseba seo ke—ke se bolelang ka lona. Eèena, mohla en morphé ena, e bolela hore O ile a Iphetola. Eèena, O ile a theoha. Joale, lentsoe la Segerike mono le bolela, ho re, “Ke ntho e neng e sa bonoe, koana e ntse e le teng, ’me eaba e a fetoha ’me leihlo le khona ho e bona.” Ua bona?

⁵⁴ Joaleka Elia, mane Dothane. Ua bona, e—e mohlanka o sitiloe ho bona Mangeloi ao ohle a larileng ka mathoko, eaba Molimo o a fetola; ha a ka a theola Mangeloi, empa A fetola pono ea mohlanka. ’Me keha lithaba li tletse Mangeloi, le mollo, le mapere a mollo, le makoloi a mollo, li teetse moporofeta oa Hae hare. Ua bona, bao, O fetotse pono. E—e ntho eo e se e le teng mono.

⁵⁵ Ka hona, ke leka ho rialo, Molimo o ’nileng oa ba teng o teng mona. Ntho feels A e entseng mohla A ne a fetoha motho, O fetotse maseke oa Hae. Ua bona? Eèena—Eèena, en morphé ena, O—O Iphetotse ho tsoa ho seo A neng a le sona ho ea ho seo A leng sona, kapa maseke oa Hae, tema e ’ngoe.

⁵⁶ E tšoana le terama e khôlô. Joalokaha ke buile hoseng hona, ke boela ke qhautsa Shakespeare enoa. Khale koana nako e fetileng. Empa mohla Shakespeare a na ngola e—e—e terama, e... a ngolla Morena James oa Engelane, eitseha a...

semelo sa Macbeth. Ua bona, Shakespeare o ne a sa lumele baloi; empa tšoantšisong ena, morena o ne a lumela baloi, a tlameha ho kenyeletsa baloi ke hona. Ua bona? 'Me joale, ho finyella sena, ba fetola moifo.

⁵⁷ Becky mona, ho *Carmen*, ba e tšoantšisitse mono e—mono sekolong seo a sa tsoa apesoa ho sona liveke tse 'maloa tse fetileng. Joale, koana motho a ka tšoantšisa likarolo tse tharō kapa tse 'ne. Ho etsa joalo, o—o ne a fetola maseke oa hae. Ka linako tse ling a tsoe, e le semelo *sena*; 'me khetlo le latelang a tsoe, e le semelo se seng. Empa ke motho a le mong ka linako tsohle.

⁵⁸ 'Me ke Molimo oo. O Iphetotse ho tloha ho—ho tloha ho Topallo ea Mollo, a fetoha Monna. Eaba O Iphetola ho tsoa mono, a khutlela ho Moea hape, A tle a khone ho aha ka ho motho. Molimo o sebetsa ka ho motho seo A na a le sona ka 'nete. Jesu Kreste, e ne e le Molimo o sebetsang kahara Monna, kahara Monna *feela*. Kahara Monna *feel*a, ke seo A neng a le sona. O ne a fetohile ho tloha ho Topallo ea Mollo, 'me a kene kahare; e ne e le lesira lehoatateng, le patileng Molimo ho Israele. Moshe o bone setšoano sa 'mele oa Hae, empa hantle-ntle O ne a patiloe ka mora Topallo ena ea Mollo ka linako tsohle, eona e ne e le Logos e tsoileng ho Molimo.

⁵⁹ Joale mona rea fumana, ho tloha Pentekosta, Molimo ha o sebetsa ka *hara* motho, kapa tema... joale O ntse a sebetsa *ka* motho. Ua bona? Mohlang oo O ne a sebetsa ka *hara* Monna, Jesu. Joale O sebetsa *ka* motho eo A mo khethetseng morero ona. Molimo, ka sebopreho sa motho, O ile a Iphetola ho tsoa seboprehong sa—sa e...sa Molimo, ho etsoa sebopreho sa motho.

⁶⁰ O tlie ka mabitso a mararō, mabitso a bara ba bararō. O tlie ka Mora...ka lebitso la Mora oa—oa motho, Mora oa Davida, le Mora oa Molimo; mabitso a bara ba bararō.

⁶¹ Joale, pele O tlie ka Mora oa Da—...Mora motho, hobane E ne e le Moporofeta. Joale, Jehova ka Sebele o bitsitse Ezekiele le baporofeta, "mora motho, u bonang?" Jesu ha A eso Ipitsa Mora Molimo; O ne a Ipitsa Mora motho, hobane e—e Mangolo a ke ke a robjoa.

Ha ho letho le ka robjoang Mangolong. Lentsoe le leng le leng le tlameha ho lula joalo. Ke e lumela joalo. Ehlide E tlamehile joalo, ha se kahobane ke e lumela, hoba E le Lentsoe la Molimo.

⁶² Joale ha u ka elelloa tšimolohong, Lentsoe le le leng, lehlaku la pele kahara Bibebe, ho Genese 1, re fumama ntho eohle... Maloetse ohle, mahlamola ohle, lipelō tsohle tse robehileng, le sohle se kileng sa hlahela moloko oa batho, se tlie ka hobane motho a le *mong* a sitiloe ho lumela Lentsoe le le *leng*, le bakile sena sohle. Mono ke qalong ea Bibebe. Qetellong ea Bibebe, Tšenolo 22, ona Molimo oo o itse, "Ekare

ha e mong a fokotsa Lentsoe nthong Ena, kapa a eketsa lentsoe le le leng ho Eona.” Ua bona, e ka khona e be Lentsoe ka Lentsoe, ka seemo sa Lona feela.

⁶³ Ka baka leo, ha ho le joalo, le ho nka nthoana e kang eo ke tlang ho... motho ha a phetse ho ntlhasela ka basali ba pomang moriri oa bona. Joale, ho ’na, hang feela ha a etsa joalo, ha ke tsotelle na ke mohalaleli hakae le tsebo ea hae e kae na, o sa ntse a fosahetse. O apara lishoto le liphahlo tse kang tseo; ha ke tsotelle seo a se etsang, o khona ho bina ha kae, o khona ho rera ha kae, sohle seo a ka se etsang, o phela bophelo ba mofuta mong, ho sa ntse ho robiloe Lentsoe le le leng leo. Ua bona? Ua bona, eka khona e be Lentsoe le leng le le leng. E seng polelo; Lentsoe, Lentsoe le le leng! Ka hona, Bibele ha se ea boitlhalosetso ba motho. E tšoanetse ho ba Lentsoe ka Lentsoe, kamoo Le ngoliloeng. Re tšoanelo ho lumela Seo.

⁶⁴ ’Me ha se ho Le lumela feela, empa ho Le phela. Haeba re sa Le phele, re tla be re sa Le lumele; re mpa re ipolela joalo feela. Joalokaha ke... Ha ke khutlela ho seo ke se buileng, barutuoa bao ha ba khona ho Le hlalosa, ba mpa ba Le lumetse, leha ho le joalo, ’me ba ipoletse ba phela ka lona. Mohla bohole ba tlohang ba Le furalla, ba ile ba Le tiisetsa! Ba Le lumetse! Le rōna re etsa joalo. Le lona le tšoanelo ho etsa joalo. Ho sa tsotelehe seo mang a se buang, re a Le lumela re ntano tsamaea ka Lona. Ha u sa etse joalo, e tla ba ha u Le lumele.

⁶⁵ Joale le elelloe kamoo A tlileng, O ne a tlamehe ho tla e le Mora motho, hobane Lengolo le Halalelang le boletse A tla etsa hoo, “Molimo o tla ba hlahisetra Moporofeta.” Ka baka leo A ke ke a tla a Ipitsa Mora Molimo, hobane e ne e se lekhathe leo. E ne e le Mora motho ea porofetang, ho phethahatsa, le ho ba senolela lintho tse entsoeng, le ho bapisa seo A neng a le sona. Ka hona holima lefatše O ne a tšoana le Mora motho.

⁶⁶ Shebang mosali eo oa Moserofenisia ea Mo mathelang, ’me ho thoe, “Uena Mora Davida, nkauhele!” Ha A ka a phahamisa le hloooho ea Hae feela. O ne a se na litšoanelo ho Èèna joaleka Mora Davida. E ne e le Molichaba.

Ho a tšoana le morali oa ka ha a na litšoanelo ho ’na joaleka monna; kapa, mohatsa ka, e le morali. Leha koana, e le morali oa ka le mohatsa ka, ke morali oa ka Evangeling. Empa, lefatšeng, ha a na litšoanelo tsa ho mpitsa e—e ntate. Ua bona?

Joale lemohang, mosali enoa oa Molichaba keha a se na litšoanelo ho Èèna joaloka Mora Davida. Empa sefov Bartimea, ua bona, e ne e le Mojuda. Joale, O tlie joaloka Mora motho.

⁶⁷ U tlameha ho tseba mantsoe ana le lintho tsena. Sheba Hattie Wright mohlang oo, mohla Khutlo ea Borarō. Le sa e hopola. Holima lintho tsohle, mosali eo o buile ntho e lokileng. U tlameha ho bua lentsoe le lokileng leo, ntho e lokileng ho Molimo.

⁶⁸ Lemohang joale, pele O tlie joaloka Moporofeta, 'me ba Mo thakhisa. O thakhisitsoe ke ba Habo ka Sebele. O tlie joaloka Mora motho.

⁶⁹ Eare hoba Moea o Halalelang o fihle, mohlang oo E ne e le Mora Molimo. Molimo ke Moea. E ne e le Moea o Halalelang, Mora Molimo. O phetse mengoaheng ea kereke joaleka Mora Molimo.

⁷⁰ Joale, mehleng ea Sekete sa Lilemo, E tla be e le Mora Davida, a lutse Teroneng ea Ntate oa Hae, Davida. Ke Mora Davida, joale.

⁷¹ 'Me, le hopole, lipakeng tsa Mora Molimo... Mongoaha oa kereke ea Laodisea, ba ile ba Mo ntsetsa kantle. 'Me ho Luka, O itse O tla senoloa hape joaleka Mora motho, Moporofeta, a phethahatsa ntho eohle. Ua bona? Mangolo a tlamahana 'moho ka phetheho. Mora motho, Mora Molimo, Mora Davida. E ne e le eng? Ke Molimo o le mong ka linako tsohle, a mpa a fetola sebopreho sa Hae, en morphe. O mpa a se fetola feela. Ho Eèna ke terama e khòlò. O ntse a tšoantsisa.

⁷² O tlie joaloka Mora motho, Moporofeta. Ho sebetsa hantle feela. Esita le mosajana eo hara libe tsa hae tsohle, mono selibeng, o Mo eleletsoe. O itse, "Rea tseba Messia ea bitsoang Kreste, o a tla, O tla etsa tseo." Ua bona, o lemohile kahobane e ne e le Peō e reriloeng-pele. Eaba o...

Kanthe, ba bang bohole ha ba E elelloa. Ba ne ba se na letho ho elelloa ka lona. Ba ne ba le sebeng, le ho qaleng.

⁷³ Hoba, bakeng sa liketso tsa Hae, O fetola sebopreho sa Hae. Mohlang oo O tlie ka sebopreho sa Mora motho.

Ho mongoaha oa bahlabolli, Wesley, Luther, le bohole ho theoha joalo, re ba fumana ba e shobile, ba etsisitse Baiseraele, hoo ha A hlaha matsatsing qetelo, mongoaheng oa pentekosta, joaleka Moea o Halalelang, ba ileng ba O latola. Ba etsisitse Israele.

'Me joale O etsang? Ho khutla joaloka Mora motho. 'Me hape, ho tloha moo, Mora Davida. Le bona kamoo re atametseng? Mora motho, Mora Davida, Mora Molimo. O senoloa matsatsing a qetelo joaloka Mora motho, ho latela Malakia 4, liporofeto tsohle tse lebahangan le hora ena. Ha ho sa sebetsoa le kereke ka mora hoba A...Ba Mo ntšelitse kantle; koana kantle, o kokota monyako. Peō e 'ngoe e reriloeng-pele e sa le teng ka mono, le joale. O tlamehile ho ba finyella.

⁷⁴ 'Me Molimo, ka ho motho, o ne a Ikhokhothile. Ho Joele 2:28, rea fumana, O itse, "Ke tla tšela, matsatsing a qetelo, Moea oa Ka." Joale, ha u ka elelloa lentsoe mono, lentsoe la Segerike. E ka ba ke fositse, empa leo ke khonneng ho le fumana...

⁷⁵ U tšoanela ho bea mantsoe leihlo. Ka linako tse ling Senyese mane se bua habeli. Joaleka lentsoe leo re le bitsang,

“molimo.” Molimo o ne o hlole maholimo le lefatše, Genese 1. Empa joale, ka hara Bibebe, E itse, “Tšimolohong Elohim.” Joale, Elohim, Senyesemane se re “molimo,” empa ruri e ne e se eona *Elohim*. Ntho efe e ka ba molimo, ho latela lentsoe *molimo*; u ka etsa sesèto molimo; o ka etsa piano eane molimo; u ka etsa ntho efe molimo.

⁷⁶ Empa lentsoe *Elohim* ha le joalo; Le bolela, “Ea leng teng ka bo-eèna.” Ua bona? Piano eo e ke ke ea eba teng ka bo-eona, ha ho letho le ka bang teng ka bolona. Ka baka leo, lentsoe *Elohim*, le bolela, “Ea bileng teng ka mehla.” *Molimo* e ka ba ntho efe le efe. Na le bona phapang lentsoeng leo? [Phutheho e re, “Amen.”—Mong.]

⁷⁷ Joale, mohla E ne e bua mona ho thoe O *ikhokhophile* ka Sebele, kapa ho *tšolla*, joale, re ka e nahana tjena, ho re O “hlatsitse,” lentsoe la Senyesemane la ho *khokhatha*, kapa ho *tšolla* se tsoang ho Eèna, ua bona, ntho e ’ngoe e fapaneng le Eèna e tsoile ho Eèna. Empa lentsoe *kenos*, ka Segerike, ha le Mo bolele a “hlatsitse,” kapa ntho... Sephaka sa Hae se phochohile, kapa leihlo la Hae le tsoile, motho e mong.

⁷⁸ Ke ho re, O Iphetotse, O “Itšetse kahara,” (Amen!), kahara maseke o mong, kahara sebopaho se seng. Ha ho a tsoa motho e mong ho Eèna, ea bitsoang Moea o Halalelang, empa E ne e le Eèna ka Sebele. Lea e tšoara? [Phutheho e re, “Amen.”—Mong.] Eèna ka Sebele o Itšetse kahara batho. “Kreste ka ho lona!” E khabane joang, e babatseha joang, ho nahana, Molimo o Itšelang kahara ngoana motho, kahara molumeli. “Ho tšela!” E ne e le karolo ea terama ea Hae, ho etsa joalo.

Molimo, bottlalo bohole, Bomolimo bohole bo ne bo ahile ka ho Motho enoa, Jesu Kreste. E ne e le Molimo, homme Molimo a le mong. Ha se motho oa borarō kapa motho oa bobeli, kapa motho oa pele; empa Motho *eo*, Molimo o siretseng kahara nama ea motho.

⁷⁹ Timothea oa Pele 3:16, “Ruri ha ho khang ea letho ehlile sephiri sa borapeli se sehôlo; hoba M-o-l-i-m-o, Elohim,” M-o-l-i-m-o ka tlhaku e khôlô, kahara Bibebe. U ka khutlela morao, mang le mang. E lebisa ho eona, ho ea manthla, E itse, “Elohim.” “Tšimolohong, Elohim.” Ua bona? “’Me, Elohim, ruri ha ho khang ehlile sephiri sa Elohim se sehôlo; hobane Elohim o ne a etsoe nama, ’me re Mo amme.” Elohim, o siretseng kahara nama ea motho! Jehova e moholo ea na a koahetse sepakapaka sohle, nako, le hohle, a etsoa motho. Re Mo amme, Elohim. “Tšimolohong, Elohim. Me Elohim o ne a etsoe nama, a aha hara rôna.”

⁸⁰ Eng? Tsela ea Hae ke ena, likarolo tsa terama. O tlameha ho e tšoantsisa joalo, mokhoa oa Hae oa ho Itšenolela rôna e le motho e mong ea fapaneng. Re na le pheletso, ’me O tseba seo. Hape re utloisia joaloka batho ba fellang. Re tseba joaloka

batho ba fellang. Re tseba ho latela lithokutlo tsa rōna, 'me se seng sohle re tlameha ho se lumela ka tumelo. Re tlameha ho tlaleha Molimo o leng teng; leha re Mo bona, kapa che, re a e lumela, leha ho le joalo. Ua bona? E le teng kapa e le sieo, re sa ntse re e lumela kaha Molimo a itsalo.

⁸¹ Joaloka Abrahama, o ne a sa bone mora eo, lipontšo li le sieo, kemaro ea—ea Sara e sa hlahe, le linako tsa hae kapa le letho, empa koana Molimo o boletse. Litšepo tsohle, esita le popelo ea hae—ea hae keha e shoele, le bophelo ba hae bo felile ka ho eèna, le e—e molapo oa bophelo ba hae o se o omme, 'me bophelo ba hae—ba hae bo omme ka ho eèna. "'Me ha a ka a sisinyeha pallong ea Molimo ka ho se lumele, empa a ipha matla, a ntse a rorisa, a tseba hobane Molimo o khona ruri ho phethisa seo A boletseng A tla se etsa."

Kajeno re tlameha ho lumela Lentsoe leo joalo. Ebe e ka etsahala joang? Ha ke tsebe. Molimo o e buile, 'me ke phetho.

⁸² Motho e moholo enoa ea sa bonoeng ke mang? Ke mang Enoa eo Abrahama a 'moneng liponong? Hantle qetellong, leha ho le joalo, A bonahatsoa ka nama, pele mora a fihla. Molimo ka Sebele o tlie ho Abrahama ka sebopoho sa monna, nakong ea qetelo. Ho bonahatsoa! O kile a Mo bona ka Leseli le le nyenyane; a Mo bona ka lipono; a utloa Puo ea Hae; litšenolo tse ngata. Empa pele ho mora oa tšepiso, o Mo bone ka sebopoho sa monna, a ba a buisana le Eèna, a Mo fepa nama le seno. Ua bona? Lemohang, Molimo o ne a Itširile kahara nama ea motho.

⁸³ Karolo ea mokhoa oa Hae ke ena. Ka mokhoa ona O Ipontša rōna, ho bonahatsa Lentsoe la Bosafeleng, Molimo, Jehova ea entsoeng nama. Joaleka ho Mohalaleli Johanne 1, "Lentsoe le ne le le tsimolohong, 'me Lentsoe le ne le le ho Molimo, 'me lona... Elohim o ne a le tsimolohong, 'me Elohim o ne a... o fetotsoe Lentsoe, 'me Lentsoe e ne e le Elohim. 'Me Lentsoe le ne le etsoe Elohim." Ua bona? Ke ntho e le 'ngoe, e rarolohang feela.

⁸⁴ Joaloka bokhetheho, ua bona, bo ahile ka ho Molimo. Bokhetheho ke mohopoloo oa hao. Molimo tšimolohong, Mohlolehi, ebile E ne e se Molimo. E ne e le Mohlolehi. Esitile E ne e se Molimo; Molimo ke tlota e rapeloang, kapa ntho e itseng. Ua bona? Ka baka leo E ne e se le hoo. E ne e le Elohim, Mohlolehi. Empa ka ho Eèna keha ho ahile mehopolo eo A batlang ho e fetola pōpō e ka angoang. 'Me eaba O etsa'ng? A ntoo bua Lentsoe, 'me Lentsoe la fetoha pōpō. Setšoantsō sohle ke seo, ho qala Genese ho fihla ho Tšenolo. Ha ho phoso ea letho. Ke Elohim ea ipōpang hore A tle a angoe, ho phopholetsoa. 'Me mohla Sekete sa Lilemo, Elohim o lutse Teroneng, ua bona, ke hantle, basebeletsi ba Hae bohole ba Mo teetse hare, e leng bao A ba rerileng pele lefatše le theoa.

⁸⁵ Ho joaloka monna ea teang mangenengene kapa a bopella mangenengene, sebōpelli. Tleloko e ka 'ngoe e tlameha ho lla e fapana le e 'ngoe. Thepa e 'ngoe, empa ke tšepe e kana, setala se se kana, le borase bo bokana, ho hlahisa "lekolilo."

⁸⁶ Molimo o sebelitse joalo. O tsoalisitse enoa ka eane, enoa ka eane, ho enoa ho eane, hofihlela A fumane hantle seo A se batlileng. O ile A theoha ka mokhoa oo. Molimo o ile oa Ikoahölla kahara Topallo ea Mollo ka baporofeta, le ho kena ka ho Mora Molimo, athe, E ne e le Molimo. Ua bona, ke Molimo o le mong o ntseng o hlahisa ka tšoanelo, ho tloha phethehong ho isa phethehong, ho tloha khanyeng ho isa khanyeng. Le Kereke e tsamaea joalo.

⁸⁷ Lemohang, ho haola le mongoaha, ho a tšoana, ka baporofeta ba Hae, O ile a Itšenola. Bao e ne ehlile e se baporofeta, e ne e le melimo. O itsalo. Hoba, seo ba se buileng e ne e le Lentsoe la Molimo. E ne e le nama eo Molimo a siretseng kahara eona. E ne e le melimo. Jesu o buile, ka sebele sa Hae, ho re, "Le Nqosa kang ha Ke Ipitsa Mora oa Molimo, athe melao ea lona e bitsitse bao Lentsoe la Morena le tlileng ho bona melimo?" Ua bona?

⁸⁸ Ka baka leo e ne e le Molimo bopiloeng kahara monna ea bitsoang moporofeta. Ua bona? 'Me Lentsoe la Morena le ttile ho monna enoa, ka baka leo e ne e se moporofeta eo; moporofeta e ne e le lesira, empa Lentsoe e ne e le Molimo. Lentsoe la motho le ke ke la sebetsa joalo. Le bona seo ke se bolelang? Le ke ke la sebetsa ka mokhoa oo. Empa hantle-ntle e ne e le Molimo. Ua bona, E ne e le Lentsoe la Molimo ka sebopinho sa motho, ea bitsoang "monna."

Lemohang, ha A ka a fetola tlhaho ea Hae, ke sebopinho sa Hae feela. Baheberu 13:8, e itse, "Ke Eèna maobane, kajeno, le kamehla." Ka hona ha A ka a fetola tlhaho ea Hae mohla A ne a fihla. Ke Moporofeta eo kamehla, hohle ho theoha le mongoaha, ke ntho e le 'ngoe: Lentsoe, Lentsoe, Lentsoe, Lentsoe. Ua bona? A ke ke a fetola tlhaho ea Hae, empa O fetotse sebopinho sa Hae. Baheberu 13:8, ho itsoe, "Ke Eèna maobane, kajeno, le kamehla." O fetotse maseke oa Hae feela.

⁸⁹ Joalokaha le 'na ke fetohile ho tloha ho monna, eare mohla ngoana oa ka a tšoaloang, ka fetoha ntate. Mohla setloholo sa ka se ne se tsoaloa, ke ntatemoholo. Ua bona? Empa, 'na ha ke fetohile; e sa ntse—e sa ntse e le 'na. Ua bona? (Le Molimo o joalo.) Ke mpa ke fetotse ea ka... Ua bona, empa e le ho fetola sebopinho sa hao feela. Ua bona?

Lemohang. Le tlhaho e mo fetola ho tloha ho mohlankana ho ea ho monna oa lilemo tse bohareng, ho ea ho monna oa leqheku. 'Me ke moo, u a bona, u mpa u fetola sebopinho sa hao feela.

⁹⁰ Joale, u ke ke ua bitsa thaka le emeng mono, la lilemo tse leshome le metso e tšeletseng, ua le bitsa ntatemoholo. A ke ke

a ba joalo. Sebopoho sa hae se tlameha ho fetoloa. Se fetoloa ke lilemo tse 'maloa, ebe o fetoha ntatemoholo. Le bona seo ke se bolelang?

⁹¹ Empa ke Motho a le mong ka linako tsohle, ke Motho a le mong, Molimo a le mong ka linako tsohle. O Itšenolela batho ba Hae tjenana, ka ho sebetsa tjena. Lemohang, mehleng ea mongoaha oa Topallo ea Mollo, O ile a Itšenolela batho ba Hae. Mongoaha oa—oa Jesu, O ile a Itšenolela batho ba Hae. Mongoaheng oa Moea o Halalelang, joaloka Mora Molimo. Mora oa Davida... Kamehla O Itšenolela batho ba Hae ka mokhoa oo, ho itsebisa batho ba Hae. O itširile ka mora ho hong, lemohang, ka mokhoa o tšoanang, kapa ka tlaho e tšoanang, nako le nako.

⁹² Molimo o saretse ka ho Jesu, ho phethisa mosebetsi oa topollo sefapanong. Molimo o ke ke oa shoa, e le Moea. Ke Mohlollehi. Empa O ne a lokela ho khoesa maseke ho tšoantšisa kabelo ea lefu. O ile a shoa, empa A ke ke a e phethisa ka sebopoho sa Hae sa Molimo. A tlameha ho e phethisa ka sebopoho sa Mora, e le Mora motho, holima lefatše. Ua bona? A tlameha ho fetoleoa sebopehong sa Mora. Eare mohla A khutlang ka Pentekosta, E ne e boetse e le Mora Molimo. Le bona seo ke se bolelang? Na le tšoara mohopolo oo? O ne a...

⁹³ O ne a tlamehe ho kena kahara nama ea motho, ho... 'me ha ho mang, kantle ho takatso ea bong. Hoba ketso eo e boela e kholisa polelo ea rōna ea peō ea noha, ua bona, "ketso ea bong," ruri ke ketso ea bong. Ha se liapole; ketso ea bong! Ke hantle. E ne e tlamehile joalo. Lemohang mona, bonang, ho monna ofe ea lokileng... Shebang baporofeta bao morao mane, empa O ne a tlamehe ho ba ea fetisang le moporofeta. Ua bona? Ho phethisa hoo, A tlameha ho tla ka tsoalo ea boroetsana, tsoalo ea boroetsana e kholisitse... O ne a tlamehe ho hlaha ka tsoalo ea boroetsana, ho hlakola thohako, Sehlare. Le bona seo ke se bolelang? Ka hona, e ne e tlamehile ho ba ketso ea bong. O e pakile ho tleng ha Hae ka Sebele; ha A a ka tla ka takatso ea bong, empa ka tsoalo ea boroetsana. 'Me O fetotse maseke oa Hae ho tloha ho Jehova ho ea ho Jesu, ho phethisa mosebetsi oa topollo terameng eo A neng a e bapala, ka ho Molimo sefapanong.

⁹⁴ Bagerike ba batlie ho Mo bona. Ho Mohalaleli Johanne 12:20, bongata ba lona le nkutloile ke rera ka eona ke re, "Benghali, re batla ho bona Jesu." Na le lemohile taba eo?

⁹⁵ Joale, Bagerike e ne e le barutehi, e le banna ba phahameng. 'Me ba topetsoe e—ba topetsoe e—e maikutlo a maholo nqa Molimo, ho latela theroy ea Pauluse ho bona holima leralla la Marsa. 'Me keha ba, ba—ba ne ba eteletse—ba eteletse lefatše ka mahlale le—le ka thuto, e le batho ba baholo. Ba mpa ba khumamela 'me ba lumela thutakhopoloo le lintho tse joalo, libuka tsa bonono le bonono bo hlohlontšang, le lilo tse joalo.

⁹⁶ Empa ba—ba—ba hlile ba fuluhuoa ke Monna enoa Ea folisang bakuli 'me a lepa lintho tse lhahileng, a li otla botsekeng. 'Me ba fulueha, ba tla ho Mo bona ke hona. Joale, elang hloko joale, le se fose taba ena. Ua bona? 'Me ba tlide ba re ho Filipi, e leng oa Bethsaida, "Monghali, re batla ho bona Jesu." 'Me Filipi le morutuoa e mong ba mo isa ho Jesu, ho bona Jesu.

⁹⁷ Joale lemohang mantsoe a Jesu a ba arabetseng oona, hoba ba tlide ho bona hoba E ne e le Mang, 'me ha ba khona ho Mo bona. Ba bone sebopoho, feela O ne a le kahara tempele ea Hae. Molimo o ne a le kahara tempele ea Hae, a saretse kahara nama ea motho. Lemohang mantsoe a Hae, "Hlaku ea koro ha e sa oele mobung, ua bona, ea shoa, e itulela e inotši." Ua bona? "Hora e tlide, eo ka eona Mora a tla tlotsisa kapele, ua bona, 'me A tšoanelo ho tloha lefatšeng lena. 'Me ekare ha hora ena e sa fihle, le ke ke la E bona." Ua bona?

⁹⁸ Mona, hobaneng ba sitiloe ho bona Jesu? O ne a khoesitse maseke. Molimo o ne a khoesitse maseke. Bagerike ba ne ba batlike Molimo, 'me E ne e le enoa, empa ba sitiloe ho Mo bona ka baka la lesira. 'Me ho a tšoana kajeno, ha ba khone ho Mo bona ka baka la lesira. Le koahetse sefahleho sa bona. Bagerike bana ba ne ba roetse maseke, kapa Jesu o ne a roaletse Bagerike bana maseke.

⁹⁹ Lemohang, O itse ho bona, "Ekare ha hlaku ena ea koro e sa oele mobung, e itulela e inotši."

¹⁰⁰ Bao, keha ba sa e utloisise, horeng ba sa khona ho Mo bona. Monna o ne a eme mono. Ba tlide ho bona Molimo, 'me ba bone monna. Ua bona? Ha ba khona ho bona Molimo hobane Molimo o ne a ba saretse. Joale le e hopole kelellong ea lona, Molimo o ne a saretse kahara monna. Ba ka re, "Ha ho motho ea ka etsang mesebetsi ena haese Molimo. Ha ho motho ea ka e etsang, 'me ho ea kang ha monna a eme mona 'me mesebetsi ea Molimo e bonahatsoa ka Eèna!" Ua bona, ha ba utloisia hore Molimo o ne a koahetsoe.

¹⁰¹ O saretse kahara monna, esale A saretse joalo kamehla. Empa, ho bona O ne a saretse, O ne a kene kahara tempele ea Hae ea motho. Molimo o ne a kene kahara tempele ea motho. Joale, le ele hloko ruri, joale esale Eèna maobane, kajeno, le kamehla. Ua bona, Molimo o saretse, ho Ipatela lefatše, o saretse kahara motho. Ua bona? Molimio e ne e le enoa! Bagerike ba ntse ba re, "Re batla ho Mo bona."

¹⁰² 'Me Jesu o itse, "Hlaku ea koro e ka khona e oele mobung e shoe." U tlameha ho shoa nqa mehopolo ea hao eohle. U tlameha ho tsoa menahanong ea hao.

Joalekaha barutuoa bao, ba sitiloe ho hlalosa ka ho ja 'mele oa Hae le—le ho noa Mali a Hae, empa, ua bona, ba ne ba shoele ka nqa ea lintho tseo. Ba ne ba shoele ho Tsamaiso, ba ne ba shoele ho Kreste. Ho sa tsotelehe eng, kapa kamoo A

bonahetseng a hlotsoe, ba 'na ba E lumela. Ua bona? Ba bone kahara Monna eo; Monna ea jang, ea noeleng, ea tšoasitseng lihlapi, ea robetseng, le sohle, a tsoetsoe lefatšeng mona, 'me a tsamaea le bona, a qoqa le bona, a apara liaparo tse kang tsa bona bohole, empa e ne e le Molimo.

¹⁰³ Ka baka leo Bagerike ha ba khona ho Mo bona, hobane O ne a patetsoe bona, kahara motho. Le lemohe Lentsoe la Hae ho bona, "Hlaku ena ea koro ha e sa oele mobung."

¹⁰⁴ Molimo o siresetse kahara sebopreho sa monna, o Ipatetse pono ea bona. Ba khonne ho bona monna. Empa Bareriloengpele bao ba bone Molimo. E mong o bone monna, e mong o bone Molimo. Ua bona? 'Me e ne e le Molimo ea siresetse kahara motho, ho nèpahatsa bobeli boo, empa ke tumelo ea hao ho seo u sa se boneng. U a e lumela, leha ho le joalo. Molimo o siresetse kahara motho. O ne a kene kahara nama eo, 'me nama eo e le lesira la Hae. Lesira le ile la haholoa, ua bona, hore Molimo a tle a bonahatsoe.

¹⁰⁵ Kahara Testamente ea Khale, Molimo mohla A lutseng setulong sa Hae sa mohau o ne a patiloe; holima setulo sa mohau, ka lesira. Ka hara Testamente ea Khale, Molimo o ne a le kahara tempele ea Hae. Empa batho ba kene 'me ba khumama tjena, empa, le hopole, lesira (amen) le patileng Molimo le ne le le teng. Ba tsebile Molimo o le teng mono. Ba sa Mo bone. Topallo eo ea Mollo ha ea ka ea hlola e hlaha hape mono le ka mohla. Na le lemohile? Ha sebaka Lengolong, ho tloha mohla Topallo eo ea Mollo e ne e potela ka mora lesira leo, ha ho mohla E kileng ea hlaha hape, hofihlela E tsoa ho Jesu Kreste. Molimo o ne a siriloe!

¹⁰⁶ Mohla A ne a eme holima lefatše, O itse, "Ke tsoa ho Molimo 'me Ke khutlela ho Molimo."

¹⁰⁷ Eaba Pauluse, (ka mora lefu la Hae, kepelo, le tsoho), tseleng ea hae ea Damaseka, Topallo eo ea Mollo e boetse ea hlaha. E ne e le eng? E tsoa ka mora lesira! Ho bokoe Molimo!

¹⁰⁸ O ne a le kahare ka morao ho lesira. Joale O ne a le ka morao ho eng? Lesira la letlalo. Ua bona, "matlao a qibi," ka morao ho lesira. 'Me mohla lesira leo le ne le haholoa ka letsatsi la thakhiso, ka letsatsi la thakhiso ho ile ha tabolaoa lesira le neng le Mo thatile, ha pepesoa setulo sohle sa mohau.

¹⁰⁹ Joale, Bajuda ha ba utloisia kamoo Molimo o khonneng ho hauhela batho ba tletseng sebe, ba soto joaloka rōna. Empa ha ba khona ho bona Enoa ea hauhetseng, hobane O ne a patiloe. O ne a potetse ka mora setulo sa mohau, a le kahare, ho ne ho fehiloe matlalo a qibi, a Mo khurumelitse. Pele...

¹¹⁰ Pele, enereha motho a potela ka mora lesira leo, e le lefu la ho panya ha leihlo. Amen. Oh, re tlil'o fehlelloa thuto mona motsotsong, ua bona, ha u khona—u ka E amohela. Ho potela ka morao ho matlalo ao... E mong oa bara ba baprista o ne a leke

ho etsa joalo, 'me a shoa. "U se ke ua potela ka morao ho lesira leo." Motho ea neng a potela ka morao... Hobaneng? Topollo e ne e-so hlaphisoe, ka mono. E ne e le khonahalo. E ne e le ea khonahalo feela. 'Me ntho efe ea *khonahalo* hase ea mannete le joale, ua bona, ke khonahalo feela. E ne e le topollo... Sebe se ne se koahetsoe, se sa hlakoloa... ho tšoareloa, ke rialo, e seng ho hlakoloa. Ho *hlakoloa* ke "ho lahloa hlalong." 'Me mali a linku le lipoli a sitiloe, ka hona Jehova o ne a patiloe ka morao ho lesira. Joale, morao ka morao ho lesira lena moo A neng a patiloe teng, ho kena ka mono, monna o ne a ratlana a eshoa, ho leka ho kena kahara Lona.

¹¹¹ Empa ho tloha Pentekosta, ho tloha Thakhisong, mohla lesira leo le ne le taboloa ho qala holimo ho isa tlase, bakeng sa moloko oo... Jesu e ne e le Molimo oo, ea siriloeng. 'Me mohla A ne a shoa Kalvari, Molimo o rometse mollo le lehalima, 'me ha haholoa lesira leo ho qala holimo ho fihla tlase, hore setulo sa mohau se pepenehe pontseng. Empa keha ba foufetse ho Se bona. Joaloka Moshe ha a buile mona, leha koana, kapa... Pauluse o buile, ha a bala taba tsa Moshe, "Ha ho baloa ka Moshe, le joale, lesira leo le sa koahetse pelō tsa bona." Oh, moena, khaitseli, ke seo Bajuda ba se entseng mohla lesira le ne le taboloa le hlahisa Molimo pontseng e hlakileng, a leketlile sefapanong. O ne a hlahile pontseng e hlakileng, empa ha ba khona ho E bona.

¹¹² Na ebe Balichaba ba entse hona hoo? Oho Molimo! Atha ba filoe mengoaha ea kereke, ea Mora Molimo; empa joale mohla lesira la malumeli a borapeli le lintho, lesira lena la moetlo esale le re tšoara ho tloha Pentekosta, mohla meetlo ea kereke e tabotsoeng, lintho tseo batho ba li buileng, "Matsatsi a mehlolo a fetile, le lintho tsena," 'me Molimo o tlositse lesira ho Eona, 'me E beiloe pontseng e hlakileng, 'me ba itokisitse ho boela ba E thakhisa, ka ho tšoana feela.

¹¹³ Molimo o koaholotsoeng, pontseng e hlakileng, ba tlamehile ba be ba Mo bone aeme mono. Koana O ne a nyatseha haholo, E le monna ea pala. Ba sitiloe ho E bona. Ua bona, monna o ne aeme mono. "Be," ba itsalo, "thaka lena, ebe Le tsoa sekolong sefe?" Empa, le hopole, eitseha lerumo leo le hlaba 'mele oa Hae, Moea oo o tsoile ho Eèna, tempele... lialetare tsa hlanama, 'me lehalima la theoha la phaila le haola hara tempele la tabola lesira. E ne e le eng? Molimo oa bona o ne a leketlile Kalvari, 'me ba foufetse haholo ho e bona.

¹¹⁴ Ho Mo hlahisa pontseng e hlakileng, 'me le joale ha ba E bone! Ba foufetse. Molimo, o saretse kahara motho!

¹¹⁵ Lea hopola, O ile a khutlela ho Pauluse ka mora moo, le ho Petrose kahara teronko, joaleka Topallo ea Mollo. Lea e hopola? [Phutheho e re, "Amen."—Mong.]

¹¹⁶ Empa O tlameha ho khutla hape matsatsing a qetelo, empa Topallo ea Mollo e tlameha ho khutla hape ho bonahatsa Mora

motho, ua bona, ho bontša Lentsoe, Leseli. Meetlo, eona, e tla hlakoloa e fieloe. Ha ho letho le tla E tšoenya; e tlil'o etsoa, leha ho le joalo. Molimo o tabola a heletsa malumeli ao a borapeli le meetlo.

Ebe O tla e sebetsa ka Moea oa mofuta mong? Joaloka ha A entse khetlo la pele. Shebang seo A se entseng matsatsing a Elia, matsatsing a Johanne. "Le se ke la re ka ho lona, 'Abrahama ke ntata rōna,' hoba Molimo o ka hlahisetsa Abrahama bana le ka majoe ana." Ua bona? Le se ke la nahana la re, "Hobane, ke le setho sa *sena* 'me ke le setho sa *sane*." Ua bona? Molimo o tabola lesira, ua bona, ho bontša hore na eèna Ke Mang. Ua bona, shebang mona joale ha lesira le taboha, joale rea fumana.

¹¹⁷ Joale, khetlo le leng, enereha motho a parola lesira leo, e ne e le lefu la tšohanyetso. Joale ho se parole hara Lona ke lefu! Amen. Ha u sa khone ho khaola lesira leo la moetlo, ho phunyeletsa lebota leo la bolumeli ba borapeli, ho bona Molimo ka matla a Hae, ke lefu. Khetlo le leng ha e ne e le lefu ho kena, joale ke lefu ho lula kantle. Setulo sa Mohau sohle se lutse pontšeng e hlakileng, mang le mang a ka Se bona, lesira le hahotsoe. Khanya ho Molimo! Setulo sohle sa mohau se hlahella pontšeng e hlakileng.

¹¹⁸ Ebe Molimo a ka hauhela baetsalibe ba soro ba kang rōna joang, mohla A ne a Ipatile, e ne e le sephiri. 'Me joale E pontšeng e hlakileng, kapa pontšeng e tletseng, ho senoloa ka Lentsoe la Hae. Ke Lentsoe ka mehla, ka ho tsoella, hoo ke Molimo. Ke Lentsoe le e manollang. Hola batho bao ba tseba Lentsoe la Molimo mohla Jesu a ne a shoa, ba ka be ba bone Setulo sa Mohau, ba ka be ba bone hore na E ne e le Mang.

¹¹⁹ "Ebe Eo e ne e le Mang? Hobaneng lesira le ile la taboha?" Le hopole, e ne e le lefu ho kena kahara Lona. Ho se motho ea ka Le bonang. Moshe o bone sebopetho sa Lona, E le setsok-... e ne e-e le mokokotlo oa Monna. Be, Ke ona, mokokotlo o fophang mali, Monna eèna eo! E ne e le Eng? Molimo o ne a batlile ho ba bontša Setulo sa Mohau. Molimo o ne a batlile ho ba bontša hore na eèna E ne e le Mang. Ka baka leo lesira kahara tempele, ho tsoa letsohong la Molimo, holimo, le hahotsoe ho qala holimo ho ea tlase, ho hlahisa Molimo pontšeng e hlakileng. E ne e le Jesu Kreste ea leketlang sefapanong, Setulo sa Mohau. 'Me e ne e le eng? Batho ba ne ba foulfetse haholo ho E bona.

¹²⁰ Joale e iphethile hape, meetlo ea bona! Joang, ka hona, ka Letsatsi la Pentekosta, Lentsoe le tlide 'me le nkile sebopetho sa "Mora Molimo." 'Me ba qalile ho hlophisa Nicaea, Roma. 'Me, ntho ea pele, ba ea ho Methodise, Baptise, Presbeteriene, Mapentekosta, le tse joalo. Ho hlophisisitsoe moetlo hofihlela motho a sa tsebe moo a emeng teng.

Empa, khanya ho Molimo, O tsepisitse seo A tlang ho se etsa matsatsing a qetelo. O tla hlahisa Lentsoe la Hae pontšeng e hlakileng, ho manoloha ka pela rōna hape, ua bona, ho Le manolla.

¹²¹ Holane ba tsebile Lentsoe, ba ka be ba tsebile hore Jesu e ne e le Mang. Holane motho a tsebile Lentsoe la Molimo, a ka tseba hora eo re phelang ho eona le se etsahalang. Ba mpa ba hana ho mamela Lentsoe leo. Meetlo ea bona! Bajuda bao ba khonne joang ho e bona? Eng? Ea ka ba tla e bona ruri, hobane ntho e ne e phetliloe e butsoe. E ne e tabotsoe e phetliloe ka morero.

¹²² Morero oa tsoselatso ee ke ofe? E khonne joang ho atleha? E khonne joang ho sitsoa? Ha ke tsotelle boetsisi ba eona bo bongata, kapa letho le sele, hoo ha ho... Mohla Moshe a ne a tsoa, sehlopha se kopaneng se tsoile le eèna. Empa e etsoa ka morero ofe? Ke Jehova ka Sebele ea tlosang lesira ho Molimo, ho bontša phapang lipakeng tsa ho loka le phoso. Ebe ke efe, Methodise, Baptise, Presbeteriene, kapa ebe ke mang ea lokileng? Lentsoe la Molimo le lokile! "Lentsoe la motho ofe ke leshano, 'me la Ka e be 'Nete." Molimo ha o hloke toloko. O Itolokela ka Sebele. O a Le bonahatsa, le ho ets-... hoo ho a toloka. Molimo o a Ikoaholla. Oh, khili! Hantle hara rōna, re bona letsoho la Hae le leholo le bolela lintho tsena, le etsa lintho tsena.

¹²³ Ke tšoere lethonyana mabapi le eona bosius bona, ua bona, mokhoa oa ho bea letsoho la Molimo leihlo, seo Le se etsang, kamoo Le iphuthullang. Ua bona?

¹²⁴ 'Me batho ba re, "Oh, Ke bosaoana. Ke bohlanya mono. Ha ho letho nthong Mono. Ke bosaoana. Ke Belsebule. Ke liabolosi eo. Ke ho noha mahlohonolo. Ke sena." Ua bona, ba buile joalo ka Eèna.

¹²⁵ Oho uena kereké, 'me ha lebanta lena le ka tsoa, na ha le bone, lona baböleli ba Evangelí, moo u phelang teng? Na ha le bone hora eo re phelang ho eona? Molimo, o a Ipontša, ho beella ka thoko... Shebang, O ile a tšoara lesira leo la tempele 'me a le tabola likotoana, ba tle ba bone Molimo pontšeng e hlakileng, 'me keha ba foufetse haholo ho E bona. 'Me le kajeno O entse hona hoo, ho bea Lentsoe la Hae hantle ka pela rōna, seo A se tsepisitseng. Pallo eohle e kahara Lentsoe, ho e bea ka pela rōna hantle, pontšeng e hlakileng!

¹²⁶ Le tseba seo kereké ea Balichaba e se etsang? Eona ntho e entsoeng ke kereké ea Bajuda, e foufetse haholo ho E bona. Ke phetho. Le tla lula lipelöng tsa bona joaloka letsatsing leo.

¹²⁷ Lemohang, lefu, ho suthela hole le Lona joale. U tšoanetse ho kena kahara Sona ka lesira lena, ho seng joalo u ke ke ua khona. Kamoo Molimo o ba hauhetseng kateng, empa le hopole seo e neng e le sona, Molimo oo o bonahatsa se neng se le ka morao ho lesira leo. Hlokamelang se neng se le ka morao ho lesira, Lentsoe! Le ne le sirile eng? Lentsoe! E ne e le eng? Le

kahara areka. Lesira le ne le patile Lentsoe. Ua bona? 'Me Jesu e ne e le Lentsoe leo, 'me Ke Lentsoe leo, 'me Le ne le patiloe ke lesira la nama ea Hae.

¹²⁸ 'Me kajeno lesira la moetlo le boela le pata Lentsoe, ho thoe, "Ha ho joalo." Empa Le joalo! Molimo o a Le pakela, ho Iphatlola hantle hakaale ka letsatsi le phatsimang, ka pela mang le mang, 'me ha ba khone ho E bona. Molimo, re hauhele.

¹²⁹ Ka papiso, Moshe o tsoa pela Sefahleho sa Molimo, ka Lentsoe la Molimo la mongoaha oo. Joale shebang, joale re ho Exoda 19. Le se fose sena joale. Exoda 19, Moshe o tsoa ka pela Sefahleho sa Molimo, kapa 20 le 21, 19:20 le 21. Moshe o tsoa ka pela Sefahleho sa Molimo. O ne a kene kahara Lentsoe. Lentsoe le se le ngotsoe. 'Me eèna, ka pela Sefahleho sa Molimo, ka Lentsoe, o ne a tsoere Lentsoe la mongoaha oo. Lentsoe la mongoaha o mong le o mong le teng. 'Me Moshe o a tsoa, sefahleho sa hae se phatsima hakalo! Ua bona? Lentsoe le ne le ka ho eèna, le le loketse ho bonahatsoa, ho fuoa batho.

¹³⁰ Lentsoe la mannete, Molimo o ne a Le ngotse, 'me Le ne le lutse ho Moshe. Lemohang, Le ne le lutse ho Moshe le le mothating oa ho bonahatsoa. E ne e le Lentsoe ho bona, e ne e le Lentsoe le phelang, le patiloeng. Ho ipata, Moshe a tlameha ho koahela sefahleho sa hae ka lesira. Hobaneng? E ne e le Lentsoe leo. Amen. Pele Lentsoe leo le tsebahatsoa, Moshe o ne a lokela ho ikoahela ka lesira. Amen!

Lea E bona na? Hohle moo Lentsoe le leng teng, Le koahetsoe ka lesira.

¹³¹ Moshe o ne a tsoere Lentsoe. Joale hopolang, hoba Lentsoe le bonahatsoe, keha Moshe a boetse e le Moshe. Ua bona? Empa eare Lentsoe le sa lutse ka ho eèna ho ntshua, e ne e le Molimo; be, e sa hlole e le Moshe. O ne a tsoere Lentsoe la Morena la mongoaha oo. Ho se letho le ka mo amang ho fihlela seo se fetile; Lentsoe leo keha le lutse ho eèna. Ka baka leo, ha ho le joalo, eitseha a fihla, batho ba sokolla lihlooho tsa bona; ba sa utloisise. Keha ba fetotsoe. Keha e le mothaka ea fetohileng. O tla Lentsoe leo. "'Me eaba o bea lesira," Bibele e boletse, "holima sefahleho sa hae," kaha a ne a tsoere Lentsoe. 'Me e ne e le Lentsoe ho bona.

¹³² Joale shebang, efèla ha Moshe... Oho moena, nyefolo e tlil'o hlaha mona. Empa efèla Moshe... Joalokaha Pauluse a buile mona ho Bakorinthe ba Bobeli, khaolo ea 3. Efèla Moshe ha a ne a tsoanela ho koahela sefahleho sa hae ka lesira mohla Khanya e kalo e neng e lutse holima hae... ua bona, hoba eo ne e le khanya ea tlhaho, e ne e le molao oa tlhaho. 'Me efèla ha Moshe, o tsebile hoba molao oo o tla fèla, empa Khanya e kakang ea ba ea foufatsa batho, ba ba ba tlameha ho koahela sefahleho sa hae ka lesira. Ebe E tla fetisa hakaalo hakakang? Batho ba foufetseng moeeng! Uh-huh. Khanya eo e ne e tla

feta, athe Khanya Ena e ke ke ea feta. Ua bona? Moshe o ne a tšoere melao ea nama, tsuo, e se nang mohau, le letho; e ne e u ahlola feela. Empa Ena eo re buang ka eona... Eo e ne e sa tšoarele, e u joetsa seo u leng sona feela. Ena e u betlèla fera e phonyohang.

¹³³ 'Me Lentsoe leo ha le tlositsoe lesira, oh, khele, ebe E tla ba sefahleho sa mofuta mong? Le tla tlameha ho koaheloa ka lesira. Le tlameha ho koaheloa ka lesira. Joale eelloang. Ka baka leo Moea o koahetsoe ka lesira kahara tempele ea motho, ua bona, O tla bolela mantsoe a tlhaho ka lesira la tlhaho.

¹³⁴ Joale, mona joale Pauluse o a bua, 'me lebakeng lena—lena, Lentsoe-Moea, "Rōna re basebeletsi, e seng ba letere, molao; empa re basebeletsi ba Moea ba filoeng matla," Moea ke ona o tšoarang letere o E bonahatsa.

¹³⁵ E ne e le molao feela, u ne u tlameha ho u sheba, ho thoe, "U se ke ua feba. U se ke ua utsoa. U se ke ua bua leshano. U se ke ua etsa *sena, sane*, kapa se *seng*." Ua bona? U ne u tlameha ho o talima.

¹³⁶ Empa ona ke Moea o theohelang holima Lentsoe la pallo ea mongoaha *ona*, o a hlahisa 'me o a bonahatsa, ha se matlapa a mabeli a lejoe, empa Sefahleho sa Molimo o phelang. Ha se mohopolo oa khopolotaba e chetiloeng ke mang, kapa Houdini ea mofuta, ea leqheka; empa ke eona tsepiso ea Molimo e senotsoeng 'me e bonahatsoa ka pela rōna. Ebe e tla potela ka mora lesira la mofuta mong? 'Me ho—ho lahleheloa ke eona...

¹³⁷ Ua bona, e ne e le khōlō hoo batho ba buileng, ba buile mohla ba bonang Jehova a theoha ka Topallo ena ea Mollo, a qala a reketlisa lefatše, le—le lintho tseo A li entseng, le thaba e tuka mollo. 'Me enereha motho a leka ho atamela thaba eo, a timele. E le khōlō hoo Moshe a bileng a tšaba thothomelo. Efēla, mohlang oo ha A sisintse thaba feela, khetlo lena O tla sisinya le maholimō le lefatše.

¹³⁸ Ho thoeng ka Khanya Ena? Eo ha e ne e koahetsoe ka lesira la tlhaho, ena e hlide... e koahetsoe ka lesira la moea. Se leke ho talima ntho ea tlhaho; phunyeletsa kahara Moea 'me u bone moo u leng teng, bona hora eo re phelang ho eona.

¹³⁹ Na E etsa kelello ho lona? Ua bona, Ke lesira la moea holima batho, ho thoe, "Na ke Methodise. Ke lokile hakalo ka mang le mang. Ke Baptise. 'Me 'na ke Pentekosta." Ana ha u eelloe, ntho eo ke lesira la moetlo? Le u patela Molimo. Ke tsona lintho tse u thibelang ho natefeloa ke tsohle tse...

Oh, u re, "Kea hoeletsa 'me ke qhomela holimo-le-tlase."

¹⁴⁰ O itse, "Lentsoe le leng le le leng!" Eva o lumetse sohle ntle le Lentsoe le le leng. Ua bona? Ke Lentsoe la Molimo ka botlalo, pallo e pepesitsoeng ea hora ena. Ua bona?

¹⁴¹ Joale le elelloe re sa khatha tema. Li ngata tseo nka li buang mona, empa ke tšoere mahlaku a batlileng ho ba mashome a mabeli, empa ke...a—a lintlha, empa nke—ke ka bua ka ona kaofela. Ua bona, ke tla potlaka.

¹⁴² O koahetsoe ka lesira la tlhaho le pele a bolella batho Lentsoe. Joale, Molimo o tlameha ho Ikoahela ka lesira, ho latela tšepiso ea Hae, ka nama ea motho. Molimo! Le a E tšoara? [Phutheho e re, “Amen.”—Mong.] Molimo o tlameha ho Ikoahela ka lesira la nama ea motho, le ho ba koahela ka lesira la moea, (ho re, “Be, ‘na ke sena ‘me ‘na ke sane”), ho bua le batho. Ha lesira leo, lesira la moetlo, le taboloa, ke moo e... seo ba se buang, “Khele, matsatsi a mehlolo a fetile.”

¹⁴³ Thaka le leng le mpoleletse tsatsi le leng, e—e morerinyana oa Baptise kantle koana, o tlie ho ‘na, Moena Green, ‘me a re, “Moena Branham, ntho ea ka e le ‘ngoe khahlano le uena ke ena.” A re, “U ntse u leka ho etsisa batho...” E le tlase koana Ramada Inn, re tšoere kopano tlase mono. Ha thoe, “U leka hore batho ba lumele mongoaha oa boapostola, ho lekisa bophelo ba mongoaha oo oa boapostola kajeno.” Ha thoe, “Mongoaha oa boapostola o khaolitse le baapostola.”

Ka re, “Na ehlide?”

“Yaa.”

Ka re, “Sebui sa mongoaha oa boapostola e ne e le mang?”

A re, “Baapostola ba leshome le metso e ’meli ka phaposing e ka holimo.”

¹⁴⁴ Ka re, “E tla ba Pauluse o tsoile.” Ka re, “Sebui e ne e le Petrose. ‘Me Petrose o buile, ka Letsatsi la Pentekosta, mohla ba bonang ho etsoa sena tsohle, ‘me Moea o Halalelang o sebetsa, o itse, ‘Pallo ena e etselitsoe lona, le bana ba lona, le ba leng hole, bao Morena Molimo oa rōna a tlang ho ba bitsa.’ Haeba A sa ntse a bitsa, Ntho eo e sa le teng mona. Ebe mongoaha oa boapostola o khaolitse neng? Mongoaha oa boapostola o khaotsa mohla Molimo a khaotsang ho bitsa.” Ha a ka a bua letho a thonaka katiba ea hae a ikela.

¹⁴⁵ E phethisoa ke Lentsoe feela. Ke Lentsoe. Jesu o boleletse Satane, “Ho ngoliloe ho thoe.” Ua bona? Ke eona, “Ho ngoliloe ho thoe.”

¹⁴⁶ Ka re, “Petrose o itse o ke ke oa fela. Ba bangata ba sa tlang ho bitsoa ke Morena, Lehlohonolo lena le sa etselitsoe bona. Joale u re, ‘O khaolitse.’ Neneng?”

“Khopiso e teng?”

Ka re, “Che, monghali, le ho leka. Tsoelapele.” Ho lokile. Ua bona?

¹⁴⁷ Petrose o itse le etselitsoe mang le mang eo Molimo a tlang ho mo bitsa, o tla fuoa Lehlohonolo lena la boapostola. Leo—leo ke Lentsoe la Morena. Ua bona?

¹⁴⁸ Joale lesira la tlhaho. Molimo, Lentsoe, o koahetsoe ka lesira la nama ea motho. E ne e le eng? Molimo o ne a koahetsoe kahara Moshe. Molimo o no o le kahara Moshe, a koahetsoe ka lesira, 'me Boteng ba Molimo bo ahile ka ho eëna. Keha a phethahetse hakana ka Lentsoe leo kahare ho eena joalo, a ba a tlameha ho koahela sefahleho sa hae ka lesira. 'Me e ne e le moporofeta ea netefalitsoeng ea manolotseng Lentsoe 'me a ba bolella, "U se ke! U tla etsa tjena! 'Me u se ke!" Ua bona?

¹⁴⁹ Ho fa moloko oo Lentsoe la Hae, O ile a Ikoahela ka lesira kahara motho, ho seng joalo Lentsoe le ka be le foufalitse le bona ba bitsitsoeng. Ua bona? Esita le batho ba kantle ka mane, ha ba ka ba khona ho mamella ho e shebella. Ho—ho Exoda re fumana, ba itse, "Ho mpe ho bue Moshe, e seng Molimo." Na le bona lebaka leo Topallo ea Mollo e sa hlaheng khafetsa e ngata? Ua bona?

¹⁵⁰ Molimo o itse, "Ke—Ke—Ke tla etsa joalo. Ke tla ba hlahisetsa Moporofeta." Amen! "Ke tla ba hlahisetsa e mong." "Me O tlile hantle feela. "Ke tla hlahisa, 'me O tla tšoara, e be Lentsoe."

¹⁵¹ O itse, "Haeba ba batla ho bona seo Lentsoe le leng sona..." Ha thoe, "Joale, Moshe, Ke ipontšitse uena koana sehlahleng se tukang." Ha thoe, "Ke tla theoha 'me ke hotetse thaba eo ka mollo." Ha thoe, "Ba tla bona hoba u buile 'nete. Ke tla ipontša mona ka hara—ka hara—ka ho tukang ho tšoanang. Ke tla hlahi mona ke kholise batho, Ke tla nètefatsta tšebetso ea hao." Ke sona se A se boleletseng Moshe mona, ka mantsoe a mang.

¹⁵² Lemohang, O itse, "Joale Ke tla—Ke tla u tlotsila ka pela batho." Ha thoe, "Joale, u ba boleletse hoba Ke kopane le uena koana sehlahleng se tukang; joale Ke tla theoha, ka Mollo oo, 'me Ke tla bontša batho hoba ha u a bua leshano ka Eona." U ka E paka ka mahlale, le hona, haeba u batla. Ua bona? "Ke tla theoha hantle ho ba tsebisa."

¹⁵³ 'Me eitseha A qala a thoathoaretsa, eareha Jehova a qala a thoathoaretsa, batho ba itse, "Che! Che! Che! Jehova a se ke a bua; re tla—re tla shoa."

¹⁵⁴ Ua bona, O ne a tlamehile ho koaheloa ka lesira, eaba Molimo o Ikoahela kahara Moshe 'me a nea Moshe Lentsoe. 'Me Moshe a theoha a bua Lentsoe la Morena, kahara lesira le holima sefahleho sa hae. Ke hantle? Jehova o koahetsoe ka lesira ka sebopoho sa moporofeta, hoba ruri e ka be e... 'Me Molimo oa re ha O sa tla bua le bona ka mokhoa oo. O tla bua le bona ka moporofeta feela. O tla bua joalo feela ho tloha mohlang oo. Esale A bua joalo. Ke hantle. Ha ho mokhoa o mong. Ha A bue leshano.

¹⁵⁵ Lemohang, Lentsoe le ne le tšoroe ke Moshe a le mong. Joale, ha ho a theoha e—e sehlopha, e ne e se Bafarisi, kapa Basadusi, kapa e ne e se e—e lemuloana le itseng kapa mokha. E ne e le Moshe! O nkile monna a le mong. A ke ke a nka menahano e mebeli kapa e merarō e fapaneng. O nka monna a le mong. Moshe o ne a tšoere Lentsoe, 'me Moshe a le mong. Esita le Joshua o ne a sa Le tšoara. Ho se mang ea Le tšoereng. Amen! Joshua e ne e—e le mogenerale; Joshua e ne e le komandanta ea lebotho; Joshua e ne e le molumeli, Mokreste. Empa Moshe e le moporofeta! Lentsoe le ke ke la tlela Joshua; Le tlameha ho tlela Moshe. E le moporofeta e moholo oa hora. Lemohang, Lentsoe ha lea tlela Joshua pele Moshe a tsamaea. Che, monghali. Molimo o sebetsa ka a le mong ka nako. Molimo o mong. Ua bona? Joale, Moshe o ne a tšoere Lentsoe a le mong, e seng sehlopha.

¹⁵⁶ Shebang, Molimo o lemositse batho bafe ho se leke ho sala Moshe morao ba kena kahara lesira; baetsisi. Ua bona? Mosali, monna, moprista, e ka bang mang, e ka ba morapeli e mo kae, monna ea mo kakang, oa seriti se se kae, boholo ba bona; O laile, "Moshe a tle a le mong! 'Me monna ofe, esita le phoofolo, e amang hoo, e tšoanelo ho bolaeloa hona mono." Le se ke la phunyeletsa lesira leo. Lesira leo ke la motho a le mong. Molaetsa oo o mong. Ua bona? Kahara tempele, ho kena monna a le mong hang ka selemo, a tlotsitsoe a hlophositsoe ho kena kahare; e seng ho ntša Lentsoe, empa ho nyehela mali. Esita le ho kena ka mono ka pela Lona, ke a le mong feela. Monna ofe o ne a eshoa. Ua bona?

¹⁵⁷ Hona joale ba shoa moeeng. Lena ke lesira la moea. Ua bona? Leo e ne e le lesira la tlahao. Lena ke lesira la moea. Ua bona? Ha ba phetse ho potela ka morao ka mono, u ka ba bolella. "Oh, kea tseba! Ke tseba seo, empa ke . . ." Ua bona, tsoelapele, ho itoketse, le bua feela . . . Hopolang, kotlo ea ho qetela Egepeta e ne e le lefu, pele ho lephallo. Kotlo ea ho qetela holima lefatše ke lefu la moea, pele ho lephallo. Ba tla chesoa nama ba fetoloe lerôle, 'me ba lokileng ba tla tsamaea holima melora ea bona. Empa ntho ea ho qetela ke lefu la moea, ho latola Lentsoe.

¹⁵⁸ Joale lemohang, Molimo o laile batho bafe ho se leke ho sala Moshe morao ho kena kahara lesira la Mollo. Moshe o ne a loketse ho koahela, o ne a tlameha ho tsoa ka mono. Moshe o kene e le Moshe, o kene kahara Topallo ena ea Mollo; 'me eitseha a tsoa a khutla, keha a koahetse sefahleho. Hoba, o kene kahare ka Mono, a tsoa meetlong ea hae, meetlo ea baholo. O bone Topallo ea Mollo, empa joale o kena ka *hara* Topallo ea Mollo. Ua bona? Amen! 'Me o tsoile, a koahetsoe. Lentsoe la Molimo kahara monna, le koahetsoe! Ke enoa a etsoa, oh, khili, kea e bona. Ha lauoa mang le mang ho se leke, ha ho mang ea ka etsisang Hoo. Le mpe le se ke la leka. Ua bona? Esita le moprista

kapa monna ea halalelang, e ka bang mang, khadinale, bishopo, ntho efe, e lekang ho kena kahara lesira leo, e ne e shoa. Molimo o ba laile. Ha re batle boetsisi ba letho.

¹⁵⁹ Lentsoe la Hae le senoletsoe a le mong. Esale ho lutse joalo, moporofeta o tlie ka Lentsoe la Morena, mongoaheng o mong le o mong, nako le nako, ho theoha le Lengolo. Lentsoe le tlela a le mong. Mongoaha o mong le o mong, ho a tšoana, esita le mongoaheng ea kereke, ho qala ka oa pele ho fihla ho oa ho qetela. Ba bang ba fuoe libaka tsa bona, ke hantle, lemohang, empa ak'u tsamaele hole le Topallo eo ea Mollo. Ua bona? Ke thuto e kakang mona! Ua bona, mang le mang o batla ho iketsa Moshe, 'me mang le mang . . .

¹⁶⁰ Le sa hopola seo Dathane le bao ba se buileng mono? Ba itse, "Joale, Moshe, bea butle motsotso feela mona! U ikimetsa tlolo, ua bona. Joale, monna e mong ea bitsitsoeng ke Molimo o teng mona."

¹⁶¹ Hoo ke 'nete. Bao, e mong le e mong, keha ba latetse hantle ha feela ba itsamaela, empa eareha e mong a leka ho ema a inkela malulo ao Molimo o a A laoletseng Moshe, ea neng a reriloepel a khethetsoe mosebetsi oo, ho leka ho ithuela ona, mollo oa theoha oa ahlamisa lefatse la ba metsa kahare ho lona. Ua bona? Ua bona? U ele hloko. Ua bona? Eba motho ea lokileng, Mokreste oa Molimo ea halalelang, ea lumelang Lentsoe. Ua bona? Tsamaela hole le Topallo eo. Ke thuto e kakang!

¹⁶² Molimo o ipontšitse Moshe pele sehlahleng se tukang, Molimo o ne a koahetsoe ka lesira la Topallo ea Mollo. Joale le mamelise ka hloko motsotsa. Molimo, o tlie ho Moshe pele, A koahetsoe ka lesira. Molimo o no o le kahara Topallo ea Mollo, a ipatile ka morao ho sehlahlala, ua bona; ho tšoana le ka morao ho matlalo, ua bona, motšeо pela setulo sa mohau aletareng. Ua bona? O ne a koahetsoe ka lesira. O koahetsoe ka lesira kamehla. 'Me eitseha A fihla ho Moshe, O ne a le kahara Topallo ea Mollo, a koahetsoe ka Topallo ea Mollo. Empa mona, ka pela batho, Molimo o mo nètefalistse ka eona Topallo ea Mollo. Ua bona? Moshe o itse . . .

¹⁶³ Joale shebang. Le ntse le bala na? [Phutheho e re, "Amen."—Mong.] Na le lumella mehopolo ea lona ho farasa? Na le ka khona? Le ka . . . "Ea nang le litsebe, a utloe." Ua bona?

¹⁶⁴ Mohla Molimo o ipontšang Moshe, e ne e le kahara Topallo ea Mollo, ke mohla A ne a 'miletsha tšebetso ea hae. Eaba Moshe o tla a bolella batho ka eona. Ba sa khone ho e lumela, leha koana a entse mehlolo le lintho. Empa, khetlong lena, Eèna pontšeng, o hlahile ho latela mahlale 'me eaba o nètefatsa tsebetso ea Moshe e le oona Molimo o buileng le eèna, hoba O ile a itlhahisa ka sebopreho sa Topallo ea Mollo a ba a hotetsa thaba ka mollo. 'Me E tlie ho Moshe kahara sehlahlala, ea buisana le eèna. Ho lokile.

¹⁶⁵ Molimo o ithahisitse pele, ho Moshe, kahara sehlahla se tukang, lesira. Ka pela batho, Molimo o boetse o koahetsoe ka lesira 'me o nètefatsa Moshe, ka lesira, ka ho Ikoahela ka oona Mollo oo, eaba ho theoha eona Topallo eo ea Mollo. Ho tloha—ho tloha mohlang oo... Hole le bona, hore ba tle ba utloe Lentsoe la Molimo feela. Lea e tšoara? Lentsoe feela, ba utloile Puo ea Hae. Hoba, Moshe, ho bona, e ne e le Lentsoe le phelang. Moshe! Ua bona, Molimo o no o pakile Lentsoe leo hakakang ka Moshe! Ua bona, Moshe o itse... Molimo o boleletse Moshe, "Theohela teng. Ke tla ba le uena. O a... Ha ho letho le tla ema pela hao. KE 'NA EA LENG TENG."

¹⁶⁶ Moshe o theohile, a re, "Mohlomong ha le e lumele, ho ka etsahala, empa Molimo o ipontšitse 'na kahara Topallo ea Mollo 'me O mpoleletse lintho tsena."

¹⁶⁷ "Oh, le röna re hlahisa lintho tse ngata tse joalo." Faro a rialo, "Khele!" Moruti Faro a re, "Be, maqiti a hao a boselamose a tlase. Khele, mona ke tšoere maselamose a ka fetolang noha... molamu—e molamu ba o fetola noha. Tloong koano, lona maselamose." Eaba ba fihla mono ba etsa ntho e tšoanang.

¹⁶⁸ Moshe o tsebile. Ha ho letho le kileng la mo khathatsa. Hore ba hlahisa balekisi ba ba kae, ha e etse phapang. Moshe a ikemela feela. Ntho ea pele lea tseba, tsa ka tsa khasa nakoana, eaba, hang, noha ea Moshe e li metsa kaofela ha tsona. Ua bona? Hobaneng? Joaloka baapostola bao, ba sa khonang ho E hhalosa. Moshe a sa tseba kamoo Molimo a tla e sebetsa kateng, empa O ne a tla e sebetsa.

¹⁶⁹ Hopolang, O itse Janese le Jambrese ba tla khutla matsatsing a qetelo, ua bona, baetsitsi. "'Me ba tla thetsa le bona Bakhethoa holane ke ntho e ka etsoang," Mattheu 24:24. Ua bona? Lintho tse tšoanang hantle, ho etsa mehlolo e tšoanang le ntho eohle. Hlokomela Lentsoe leo! Hlokomela Lentsoe leo! Monna ea ipolelang a etsa mohlolo a mpa a batla ho lumela Melimo e merarō, le lintho tsena tsohle tsa mefuta; u suthele hole le mofuta oo. Rea e tseba e—e phoso, ua bona, ntho e joalo ha e eo. Ua bona? Lentsoe, Lentsoe le leng le le leng, Lentsoe le leng le le leng le tsoang molomong oa Molimo! Genese, Lentsoe le le leng! Ka mona, ho itsoe, "U se ke ua fokotsa kapa ua ekeletsa lentsoe le le leng." Ua bona, E ka khona e be Lentsoe le tšoanang. Ua bona?

¹⁷⁰ Lemohang, batho ba bone ntho e hlahileng. Moshe o ne a koahetsoe ka lesira joaloka... E ne e le moporofeta, 'me joale Molimo o ne a nètefalitse Lentsoe la Oona, oa theohela tlase mono. 'Me o bone mehlolo le meeka. 'Me ka hona, ho lokile, batho bana ba ile ba ikhetha, e le kereke. Ua bona, kereke e bolela "ba bitsitsoeng." Ua bona? Ka mora hoba ba ntšoe lefatšeng 'me ba fetoloe batho, ua bona, eaba Molimo o Ipontša E le Topallo eo ea Mollo. O ile a kholisia molaetsa

oa Moshe. Ua bona? E ne e le Topallo ea Mollo. Ba ka be ba E katlatse setšoantšo, kea kholoa, hola ba ena le likhamera, hoba ntho eohle e ne e tuka Mollo. Empa ba—ba e pakile, Molimo o pakile hoba Molaetsa e ne e le 'nête. Molaetsa o ne o atametse, hohle ho le joalo, ba ne ba le mothating oa ho ntšoa. Ho koahela moporofeta oa Hae ka lesira nqa batho bana ba lephallo.

¹⁷¹ Batho, ba nahana, ba bone se mo hlahetseng. Joale o ne a fapane le Baiseraele bohole. O ne a fapane, molaetsa oa hae o ne o fapane, a fapane le baprista, a fapane le ntho efe le efe. Ua bona, e ne e le motho ea fapaneng. Batho ba bone ntho e hlahileng. Molimo o Ikoahetse kahara moporofeta oa Hae, ho ba bolella Mantsoe a Hae. Ke sona seo A neng a se entse. Moshe e ne e le Lentsoe le phelang leo ho batho, ho koaheloa ka Topallo ea Mollo, ho lekanya se neng se tla koaheloa ka mora matlalo a qibi hamorao. Ua bona?

¹⁷² Lentsoe la tlameha ho tsoa ho Moshe, pele. Ua bona? Moshe o ne a tšoere Lentsoe. A ne a ngotsoe ke Molimo, ho se motho ea ka A tolokang, A ne a tlameha ho tolokaoa ke Moshe, pele. Ka baka leo a koahela sefahleho sa hae, hoba o... Lea E bona? [Phutheho e re, "Amen."—Mong.] Ua bona?

Ke Ena *mona*. [Moena Branham o phahamisa Bibele ea hae—Mong.] Re ka E phahamisa, ra E jara, le eng hape, empa E tlameha ho senoloa. Ho senola, Moshe a tlameha ho fetoha Molimo bathong.

U re, "Ke bosaoana boo."

¹⁷³ Khele, O buile, esitile a boleletse Moshe, ka Sebele, "Uena u tla ba Molimo, 'me Aarone e tla ba moporofeta oa hao!...?" Ua bona? Eaba O a fihla, ua bona, A tlamehile ho Ikoahela, hoba kamehla Molimo o ka mora lesira. Oh, khili! Lea E bona na? [Phutheho e re, "Amen."—Mong.] Molimo o ipatetse ba bang bohle.

¹⁷⁴ Ha thoe, "Ntate, Kea U leboha, U E patetse ba bohlale le ba masene, ua E senolela masea, bao ba batlang ho ithuta." Ua bona?

¹⁷⁵ Molimo o ipatile ka mora lesira. Moshe o ile a koahela sefahleho sa hae. Mohlang oo Moshe e ne e le Lentsoe le phelang le koahetsoeng. Batho ba bone Topallo eo ea Mollo, ha thoe, "Joale re khotsoftetse." Ua bona? "Ho mpe ho bue Moshe." Ua bona? "Ho se ke ha bua Molimo, e se re ra shoa." Eaba Moshe o tloha a kena hantle kahara Topallo eo ea Mollo. Ua bona?

¹⁷⁶ 'Me joale ha thoe, A re, "Joale ha Ke—Ke sa tla bua le bona ka tsela ena. Ke tla ba hlahisetsa moporofeta." Ua bona? 'Me esale A e sebelitse joalo. Ua bona? Ha thoe, "Ba laele ba nyolohe." Empa moporofeta enoa o tlameha ho fumana Lentsoe lena. Haeba a koahetsoe ka lesira la moetlo, ha a

rongoa ke Molimo. Haeba a koahetsoe ka lesira la Lentsoe, Molimo o tla Le nètefatsa. Molimo o toloka Lentsoe la Hae ka Sebele. Moshe o A buile; Molimo o A tolokile. Amen.

¹⁷⁷ Moshe o itse, “Morena o itsalo!” ’Me Morena a etsa seo A se buileng hantle. Hoo ho Le nèpahalitse.

¹⁷⁸ Joale O itse, “Joale, Moshe, u a utloisia. Joale batho ba utloisia. Ua bona, Ke u bontšitse, Ke u nètefalistse.” Molimo o ne a Ikoahetse kahara moporofeta enoa, ho bolella batho Lentsoe la Hae. Moshe e ne e le Molimo o phelang ho bona, Lentsoe le phelang la Molimo le bonahalitsoeng. Ke ka baka leo sefahleho sa hae se koahetsoeng ka lesira. Ua bona?

¹⁷⁹ ’Me na le tsebile hoba kahara Mokreste oa makoma kajeno eona ntho eo e koahetsoe ka lesira, ho baetsalibe? Ba bona basali ba holisitseng moriri le lintho, ho thoe ke... “Shebang motlolo oane oa khale.” Basali ba sotha moriri oa bona ka sekotlong, ho thoe, “Thaere ea hae e panchile, thaere ea sephere ke eo holimo mane.” Ua bona, ntho eohle E koahetsoe ka lesira. Ba foufetse. “Oh,” ba re, “ke fumane Ph.D, L...” Ha ke tsotelle se u se fumaneng, u hloka tsebo nqa Lentsoe. Hantle haholo. “Oh, eo, ke nthoana e sa tsebisahaleng. Ke...” Amohela lithuto tse nyenyane pele.

¹⁸⁰ Le reng ka batho ba itlalehang ba koahetsoe ka lesira ka pela Sefahleho sa Molimo, ’me ba rera moetlo oa kereke e itseng? Oh, jo, ’na! O eketsang ’me o fokotsa teng, le ntho eohle, ka ho sotètsa litemana tsa bona le mehopolo ea bona, ’me e seng Lentsoe la Molimo, ua bona, ke lesira la mofuta mong? E khoesitse lesira la bokereke. Molimo o tabotse lesira leo o le phetlile!

¹⁸¹ Ba itse, “Ntho e kang baporofeta ha e eo. Ha ho ntho e joalo, matsatsing ana a morao, e kang baapostola le baporofeta. Ha ho ntho e kang pholiso ea Khalalelo. Ha ho ntho e kang libonoli, hape. Ha ho ntho e kang phethahatso ea Mareka 16. Mongoaha oa boapostola o fetile.” Ba Le patetse batho ka lesira. Empa eaba Molimo o tsoa hantle a tsamaea ka Moea oa Hae o Halalelang oa Mollo, oa hahola ntho eo ho qala holimo ho isa tl... [Sekheo lebanteng—Mong.] Molimo o hahotse lesira.

¹⁸² Moshe e ne e le lesira, Lentsoe le phelang la Molimo le koahetsoe ka mora nama ea motho. Topallo ea Mollo e ne e le ka ho Moshe, ehlile, e bua ka se neng se tla koaheloa hamorao ka mora matlalo, u a bona.

¹⁸³ Joale, hoo, Lentsoe, Lentsoe le ntšitsoe, eaba Le a ngoloa, eaba Le potetsoa ka morao le ntse le koahetsoe ka lesira, hobane esale Molimo o lutse kahara Lentsoe leo. Amen! Ke Lentsoe, kamehla. O ne a le kahara Lentsoe leo. Ka hona Lentsoe leo la tlameha ho koaheloa ka lesira.

¹⁸⁴ Oh, moena, khaitseli, lea E tsoara na? [Phutheho e re, “Amen.”—Mong.] Shebang! Ha le bone na? Esale Le koahetsoe ka lesira mengoaha ena eohle, ho latela seo Molimo a se buileng,

'me Le tla manolloa matsatsing a qetelo, Litiiso tse Supileng tseo li tla buloa, 'me Ntho e tletseng e tla hlahella pontšeng ea batho, seo esale se etsahala. Hora ea Molaetsa oa lengeloi la bosupa, liphiri tsohle tsa Molimo li loketse ho tsebahatsoa ka ho Elia eo, hora ena ea ho qetela; kamoo Kreste a ntšitsoeng kerekeng ea Hae, Mora Molimo; kamoo A boelang a senoloa e le Mora motho; kamoo Kereke e tla hlophisoa kateng, le ntho eohle e lebahanang letsatsi la ho qetela, ha ho tumeloana, ha ho mokhatlo oa bolumeli, ke Lentsoe le phelang kahara motho ka botlalo. "Ke tla nka le leng, 'me ke tlohele le leng. Ke tla nka *sena*, 'me ke tlohele *sane*." Ua bona? Ntho feela e leng teng . . . Ha ho litaelo, ha ho malumeli a mekhatlo, ha ho maitlamo kapa le letho; ke pelō le Molimo ba inotši, homme Èèna a le mong. Ua bona?

¹⁸⁵ Lemohang, ho koaheloa ka lesira nama ea motho. Moshe o tšoere Lentsoe leo, ho lekanya se neng se tla potetsoa ka mora letlalo la qibi hamorao. E le hore . . . Le Kreste ke Moshe oa röna. Kreste ke Moshe oa röna. E ne e le Molimo o koahetsoeng ka lesira la nama ea motho, a koahetsoe ka botho, ka nama. Ke hantle. 'Me esale Èèna maobane, kajeno, le kamehla. O ne koahetsoe ka matlalo a qibi. O ne a koahetsoe. 'Me khetlong lena O ne a koahetsoe ka lesira la motho. Ua bona? Joale lemohang, "èèna maobane, kajeno, le kamehla," Lentsoe la Hae le tšepisitsoe mongoaha *ona*. E sa ntse e le Kreste, Lentsoe le tšepisitsoeng mongoaha ona, ea koahetsoeng ka nama ea motho. Lentsoe ke Molimo.

¹⁸⁶ Tlolo ke motho. Lentsoe *Kreste* le bolela motlotsuoa, ua bona, "motlotsuoa." Ha ho le joalo, Moshe e ne e le Kreste matsatsing a hae, e ne e le motlotsuoa. Jeremia e ne e le Kreste matsatsing a hae, a tšoere karoloana ea Lentsoe la letsatsi leo.

¹⁸⁷ Empa eitse Jesu ha a fihla, O tlide e le Molopolli Ea Tlotsitsoeng; 'me e ne e le Moshe le sohle se neng se le ka ho Moshe, le Lentsoe lohle, 'me Bomolimo bohole bo ne bo ahile ka ho Èèna. Ke ka baka leo lesira lohle la tempele le ileng la hahoha, 'me setulo sa mohau sa hlaha pontšeng e phethehileng, E ne e le motlotsuoa Eo.

¹⁸⁸ Lemohang joale, lesira kahara nama ea motho, Lentsoe le tšepisitsoeng mongoaha ona le lona le tlameha ho koaheloa ka lesira. Lemohang. Litho tsa kereke tse ratang sebe le baetsalibe ha ba Le bone ka baka la lesira la motho.

¹⁸⁹ Ba sitiloe ho Mo bona ke hona. "Khele, Ke motho. Ebe O tsoa kae? Ebe O khoaetse setlankana sa bolekane bofe? Ebe Ke setho sa kereke efe?" Ke batla ho bua ka eona bosius bona, "Ebe Ke setho sa kereke efe?" Ua bona? 'Me ka hona, ua bona, joale, "Ebe Ke setho sa kereke efe, ke oa sefe—sefe sehlopha? Ebe O kene sekolo sefe? Thuto ea Hae O e thotse kae? Be, Monna enoa o tsoetsoe, ho latela moetlo, kapa ho latela e—e nalane ea Hae tikolohong ena, Monna enoa o hlahetse kantle

ho lenyalo le halalehileng. Khele, Eèna, ehlile, Ke oa liabolosi. Ua bona, Ke—Ke oa liabolosi. O hlahetse kantle ho lenyalo le halalehileng, 'me Josefa o mpa a mo chatile ho mo phemisa ho tlepunngoa ka majoe, hoba e ne e le mofebi. Ebe moo Monna eo a fihlang a bolella rôna baprista ho etsa eng?"

¹⁹⁰ 'Me keha Molimo a eme mono, a senola Lentsoe leo, a ntse a lla, "Molimo oa Ka, U Ntloheletseng na?" Tsona lifela tseo ba li binneng ka tempeleng, tseo Davida a ba qapetseng tsona lilemo tse ngata tse fetileng, li ne li lekanya Kreste. "Masapo a Ka ohle a lutse lepalapaleng ho 'Na. Ba hlabile matsoho a Ka le maoto a Ka." 'Me bohle keha ba eme mono, ba bina hoo, 'me Eèna Monna eo a eshoa sefapanong. 'Me eitse ha ba qeta ka...

¹⁹¹ Mohla A ne a eshoa, ho theohile Molimo oa Leholumō, joaloka ha A entse holima Thaba ea Sinai, ka Mollo o Halalelang, oa chesa lesira leo la tempele ho qala holimo ho isa tlase, oa le hahola. 'Me ba ne ba ka etsang? Ho sheba hantle ka fesetere ea tempele, holima Kalvari, 'me Molimo ke oo pontšeng e hlakileng, Sehlabelo.

¹⁹² Empa ha ba E bone, le kajeno. Molimo letsatsing lena la ho qetela o hahotse meetlo eo, le ho hlahisa Lentsoe la mongoaha ona pontšeng e hlakileng, 'me le joale ha ba E tsebe. Ba mpa feela ba sa E tsebe. E—e nyatseha haholo. Ua bona, e nyatseha feela. E hole haholo le lintho tsa lefatše.

¹⁹³ Nkile ka rera sebokeng, ka, "Ho fetoha nate." Ka le leng la matsatsi ana ke batla ho bua ka eona, "Ho fetoha nate." Bohle re nate ho motho e mong, ha ho le joalo—ha ho le joalo ke tla fetoha ea Kreste. Pauluse o ipoletse a "baliloe e le sethootho." Ehlile, u tlameha joalo. Ua bona, nate ke eona e tlamang lintho 'moho. Ua bona? Ke hantle.

¹⁹⁴ Lemohang lesira, nama ea motho. Che, joale, batho ba ratang sebe ha ba khona ho e bona. Batho ba moetlo ba tletseng borapeli, ha ba khona ho e bona, kaha E ne e le motho. Hobaneng? Nama eo ea motho e ne e patile Molimo.

¹⁹⁵ Joale, holane Ea eba Topallo e khôlô ea Mollo e theohileng, ua bona, Topallo e khôlô ea Mollo e theohileng 'me ea ba bontša seo A neng a le sona, hore E ne e le Topallo e khôlô ena ea Mollo, mohlomong ba ka be ba e lumetse; holane Jehova a potoloha hohle.

Empa na le bona seo A se entseng, morero e le hore A fete bao bohle ba masene mohoalotso, batho ba bohlale, O mpile a Itšenola kamoo A tšepisitseng Moshe, ua bona, "Ke tla bua le bona ka Moporofeta." 'Me E ne e le Mora motho, Moporofeta. 'Me ba bang ba E lemohile, pheresente ea lekholo ea 'ngoe holima lekholo lefatšeng, ba E lumetse; ba bang ha ba khona. Empa, E ne e le eèna, ka ho tšoana.

¹⁹⁶ Empa Molimo o Matla ke oo o eme pontšeng e tletseng, Setulo sa Mohau! O shoele bana ba Hae ka Sebele ba ntse ba re... Bana ba Hae ka Sebele mono, ba ntse ba re, "Ha re Mo batle! Ha A tlohe mona!" Ba Mo k'hoefa ka mathe.

¹⁹⁷ Papiso, ea morao koana, mohla Davida a tsoang tempeleng, e le morena ea khesitsoeng. A theoha ka seterata, 'me mothoana, oa khale oa seritsa se hahabang mono, se sa mo rate, sa mo bitsolla "moikaketsi oa khale" kapa ntho e itseng, ba mo k'hoefa sefahleho ka mathe. Eaba molebeli eo o motsula sabole, a re, "Nka hla ka lesa hlooho ea ntja eo e hlomiloe holima eona; e ntse e k'hoefa morena oa ka ka mathe?"

¹⁹⁸ Davida a re, "Mo tlohele, o laetsoe ke Molimo." 'Me mohlomong Davida a sa tseba seo a se buileng. A hloa thaba, a hetlide, a ntse a lla.

¹⁹⁹ Lilemo tse makholo a robeli hamorao, keha Mora Davida a hloa thaba eona eo, a shebile koo, a llela Jerusalema, e le Morena ea khesitsoeng. 'Me ba k'hoefa sefahleho sa Hae ka mathe.

²⁰⁰ Ha le bone na? Ho a tšoana. Na le bona Lentsoe leo le tläng le theoha, le latetse ho fihla letsatsing la kajeno? Kamehla le latoloa ke bongata, ua bona, 'me le lumeloa ke palo e nyenyane.

²⁰¹ Joale, ua bona, ha ba khona ho Le lumela. Bagerike bao, ha ba khona ho Mo bona, O ne a le kahara tempele ea Hae ea motho. "Khele," ba itse, "lebitso la monna enoa ke Jesu; O tsoa Nazaretha."

²⁰² Joale, litšiung tseo ba ne ba bitsoa ka lebitso le le leng. Le kang, "Johanne, Jim," ba re, "Johanne ea tsoang Jeffersonville, Jim ea tsoang New Albany," kapa ntho e kang eo, u a bona.

²⁰³ A re, "Enoa ke Jesu ea tsoang Nazaretha. Ho thoe 'mè oa Hae o emarisitsoe ke lesole." Ua bona? 'Me ba hlile ba e lumela. Ehlide bo! 'Me ho thoe ba itse, joale, "Enoa ke Jesu oa Nazaretha." U a bona? "Ebe Ke mang?" Ua bona, keha ba sa utloisise Hoo.

²⁰⁴ Empa, khele, Lentsoe lena la letsatsi leo, mohla A neng a rera, ho itsoe, "Le batlisise Mangolo. Hoba ho Oona le nahana le na le Bophelo Bosafeleng, athe ke Oona a Mpakang hoba Ke Mang. Ha le sa lumele ho 'Na; lebalang ka 'Na, joaloka lesira, le mpe le lumele Lentsoe le tsoang. Ba babeli ke paki," A re, "Kea bua le Ntate o a Mpuella." Amen. Ke hantle.

²⁰⁵ Ke bua ka Lentsoe la letsatsi lena, 'me Ntate oa a Le thasiseletsa. Na ebe boo ke bopaki ho lona? [Phutheho e re, "Amen."—Mong.] Ke bona, ua bona. Le tlamehile ho phethahatsoa joalo.

²⁰⁶ Lemohang ho Bakorinthe ba Bobeli joale, eona... ho Bakorinthe ba Bobeli, khaolo ea 3, temana ea 6, tempele ea khale e ne e haelelitse Molimo ka morao ho matlalo a khale, hole le Bajuda. Mohla lesira le ne le haholoa, Bajuda le joale... keha ba foufaletse hore E ne e le Mang, le hore Ke

Mang hona joale. Athe Pentekosta e senotse hore Molimo o phelang le oa 'nete e ne e le Mang, mohla lesira leo le ne le haholoa ka lehare, ke Molimo, ho qala holimo. Horeng lesira leo le entse joalo? Horeng le entse joalo?

²⁰⁷ Hobaneng kajeno ho hlahile Molaetsa o etsang seo O se entseng? O tlie ka morero ofe? Hobaneng?

²⁰⁸ Motho o ne a tla ntetsetsa, tsatsi le leng mona nakoana e fetileng, a batla ho phehisana le 'na ka—ka mongoaha oa kereke, ho thoe, "Molimo o ne o le kahara kereke ea Hae e halalelang," le lintho tse kang tseo. 'Me ka fumana e le moreri ea itseng oa mosali, eaba kea e lebala. Ua bona, ho ka be ho itoketse hola e le monna ea itseng, ho ka be ho fapane. Empa, ka hona, empa ho thusang ho tšeleta naheng e 'ngoe mono, athe ke tlameha ho siea kopano mona ho etsa hoo, u a bona? Eaba ke ba tlohela ba le joalo. Lifofu ha li tsamaisa lifofu, li—li tla oela tsohle selomong.

²⁰⁹ Ka hona, ka hona joale mongoaheng ona, mohla ho tabotsoeng lesira la khale la borapeli ba mokhatlo le la moetlo, hole le Lentsoe la Molimo, hore Le tle le bonahatsoe! Le bona seo ke se bolelang? Moetlo o re, "Lintho tseo tsohle li fetile." E reng E thopothele nakoana. "Lintho tseo li fetile." Empa, letsatsing lena la ho qetela, lesira la moetlo le hahotsoe ka lehare, 'me Topallo ea Mollo ke ena e eme mona. Ua bona? Ke enoa moo A leng teng, o bonahatsa Lentsoe la letsatsi lena. Lesira le tabotsoe.

Joale, lefatše, ba sa ntse ba sa Le lumele. Ho sa tsotelehe eng, ha ba Le bone. Ha ba Le bone. Le ne le sa romelloa bona.

²¹⁰ Hopolang, Mora Molimo ha a ka a senoleloa Sodoma; e ne e le baromuo ba babeli ba entse joalo. Ke hantle.

²¹¹ Empa, enoa, Molimo ka Sebele o ne a senoleloe Abrahama ka nama ea motho, Mokhethoa. 'Me le shebe seo A se entseng ho Itšenola. 'Me joale Abrahama o tsebile, mohla A tsebileng se ka pelōng ea Sara ka mora Hae, o buile, o Mo bitsitse, "Elohim! Mohlanka oa Hao . . ."

²¹² Lemohang joale, hore le tle le bonahatsoe. Ha esale lilemo tse tsohle Lentsoe Le koahetsoe ka lesira, ho batho, "E ke ke ea etsoa."

²¹³ Le hopola therō ea ka ea hoseng mohlang oo ke tloha mona khetlo la pele, ea Davida le Goliathe? Ka re, "Le shebe moqholotsi ea kantle ka mane, ea reng 'matsatsi a mehlolo a fetile.'"

Le shebe liteipi tseo ha li ntse li theoha, sheba e 'ngoe le e 'ngoe, kamoo E t̄lileng e hlakile le ho hlaka ho feta; ha u e-na le litsebe tsa ho utloa, ua bona, le mahlo ho bona.

Eng? Ka re, "Lefatse le leholo la borapeli le eme kantle ka mane, ho thoe mongoaheng ona oa mahlale a saense, e ke ke ea etsoa." Empa ka re, "Molimo . . ." Kahara Leseli leo, le pele

Le katlatsoa, empa hang; le ne le eso katlatsoe pele. E le tlase mona holima noka; ha ba ka ba Le katlatsoa senepe. Ua bona? Ka re, "O mpoleletse hoba e tla etsoa; O tla hlaba mokhosi 'me o tla haola le lichaba."

²¹⁴ 'Me esita le Ngaka Davis, a re, "Uena, ka grama ea hao ea sekolo, o paselitse garata ea bosupa, u tla rapella marena le batlotlehi, 'me u tla qala tsosetso e tla haola le lichaba?"

Ka re, "Ke seo A se buileng."

²¹⁵ 'Me e entsoe. Ua bona? Ua bona, e entsoe. Lebaka la eona, ke lena, ha A hloke botoloki bofe. O e entse. Ua bona, O se a e entse, e a itoloka, ua bona, ho bitsa Mokhethoa oa Hae, ua bona, ho hlaha—ho hlaha ka makhalo ohle a bophelo. Joale e bonahalitsoe.

²¹⁶ Ka re Davida keha a eme mono, e le motinyane, seeshana, thaka le moketa le lekokoto, le tšoere seqha letsohong. 'Me, khele, Saule a mo shalima, e le hlooho ea setlamo tsa bareri, ho re, "Khele, uena, ha u a rupelloa!" A re, "E re ke bone haeba nka u abela Ph.D. kapa eng hape." A mo apesa lihlomo tsena, tsa... A li fumana li sa lekane monna oa Molimo.

²¹⁷ Ha thoe, "Ntlhobolise ntho eo." Ha thoe, "Ha ke tsebe letho la eona." Ha thoe, "Ntese ho tsamaea kamoo ke tsebang, ka seo ke loanneng le tau ka sona, ka seo ke loanneng le bere ka sona." E batla e le monna oa moru. A re, "Ntese ho itsamaela tjena."

²¹⁸ Eaba Goliathen enoa oa mokutla o re, "Ana le sasaletsa ntja ho ntoantsa?" Ha thoe, "Ke tla u qotsa ka nthana ea lerumo la ka ke totometse setopo sa hao ho jeoa ke linonyana."

²¹⁹ Davida a re, "U nkahlanyetsa joaleka Moflista, le ka lihlomo le ka lerumo, athe 'na ke u khahlanyetsa ka Lebitso la Morena Molimo oa Israele." Shebang moporofeta, Davida, ha a itse, "Kajeno ke tla khaola hlooho ea hao e hlonngoeng holima lehetla la hao." Amen! Oh, khili! O tsebile seo a se tšoereng, eo a lumetseng ho eëna, 'me a khotsoe hoba O khona ho boloka seo a se beileng ho Eëna. Ua bona? Ka baka leo ea etsahala leha ho le joalo.

²²⁰ Polelo ea khale, "Matsatsi a mehlolo a fetile," lerako le helelitsoe! Jehova o sa eme pontšeng e tletseng, a bonahatsa Lentsoe la Hae, e le Ea tlositsoeng lesira. Ke hantle. Lemohang.

²²¹ Le kereke ea Balichaba e foufalitsoe ke lesira, ka mora hoba le taboloe le hlahiise Molimo, lesira la borapeli. Joang? Ka ho koahela Lentsoe hape ka lesira la motho. Ke sona seo Israele a sitiloeng ho se bona. Holane ebile Lengeloi kapa ho hong, Israele a ka be a E lumetse. Empa erekaha e ne e ke ke ea e-ba Lengeloi, e ne e tlamile ho ba motho. Amen!

Molimo a ke ke a roba Lentsoe la Hae. E tlameha ho tšoana matsatsing a ho qetela. Ua bona? Israele o

foufalitsoe keng? Monna eo. "U le Motho u Iketsa Molimo." Ba Mo bolaetse lebaka leo, 'me, kajeno, kahobane Molaetsa o tla ka motho e seng ka Mangeloi. Ua bona? Molimo a ke ke a fetola tsela ea Hae, ho fetola Lentsoe la Hae. O itse A ke ke a fetoha. Ua bona? Lemohang, ho tsepisoa! 'Me Balichaba kajeno ba foufetse hakalo ka Israele, ka baka la (eng?) lesira. Molimo ea koahetsoeng kahara motho, o foufalitse Israele.

Lemohang, esale e foufatsa e mong. E mong, E tla mo foufatsa; e mong, E tla senola 'Nete. E tla koala mahlo a ba bang, 'me e bule mahlo a e mong.

²²² Shebang, Jesu o ile a ema a re, "Be, lebitso la hao ke—ke—ke Simone, 'me lebitso la ntatao e ne e le Jonase."

A re, "Morena Molimo!" Ua bona? Filipi . . .

A re, "U tsebile neng?"

A re, "Bonang Moiseraele, eo ho seng mano ho eëna!"

'Me a re, "Rabbi, U ntsebile neneng?"

²²³ A re, "Le pele Filipi a u bitsa, u sa le tlasa sefate, Ke u bone."

²²⁴ A re, "Rabbi, U Mora Molimo. U Morena oa Israele."

²²⁵ Be, mono keha ho eme ba bang, ha thoe, "Ke Belsebule." Ua bona? Taba eo E entseng? E butse mahlo a e mong, ea foufatsa e mong. Baprista ba itseng? "Khele, Thaka leo ke Belsebule!"

²²⁶ Mosali e monyenyan e itse, "Kea tseba Messia, ea bitsoang Motlotsuoa oa a tla. Ua bona, Motlotsuoa o tla tla. Esale re hlokile baporofeta... U tšoanetse u be u le moporofeta. Empa Motlotsuoa o tla tla. Re Mo shebeletse. Ana ke matsatsi a ho qetela a Balichaba... kapa a Bajuda." Ha thoe, "Lena ke letsatsi la ho qetela." Ua bona, Mosamaria le Mojuda ba ne ba shebeletse Messia. Ua bona? Ha thoe, "Ke eona nako ea ho hlaha ha Hae ena. Rea tseba, mohla A tlileng, O tla etsa lintho tsena. O tla re bolella lintho tsena."

A re, "Ke Eëna."

Mahlo a hae a buleha; lepolesa, baprista ba ne ba foufetse.

²²⁷ Evangelie sebetsa joalo kamehla. E tutubolla mahlo a ba bang, e senolela ba bang 'Nete, athe E foufatsa ba bang; e fupile meeleo e 'meli. E mong a ka tšoara Mora eo a Le sheba ka kotloloho, 'me a foufale; ba bang ba ka Le nka ba tsoe ba tsamaea ka Lona. E fapané.

²²⁸ E entse joalo mongoaheng o mong le o mong, Bomolimo bo koahetsoe ka nama ea motho. Lemohang, O e entse. Baporofeta e ne e le Bomolimo, bo koahetsoeng ka lesira. Bao e ne e le Lentsoe la Molimo (na ho joalo?) le koahetsoeng kahara nama ea motho. Ka hona, le Moshe oa röna ha ba mo elelloa, ua bona, Jesu.

²²⁹ Le elelloe se koahetsoeng ka mora matlalo a khale a qibi ka tempeleng ea khale, e ne e le Lentsoe, e le Lentsoe le betliloeng matlapeng a lejoe.

²³⁰ Joale, ke tla leka ho sutha metsotsong e ka bang mashome a mabeli joale, ha nka khona, ho qeta ka mashome a mararō ka morao ho leshome le motso o mong. Lemohang, ha le ka lemoha, ke phetlile maepehe a mang mona, u a bona, ho thibela ho se...ho nthibela ho khaola e...ho e lelefatsa haholo. Kea tseba le a chesa, le khathetse.

²³¹ Ka mora tempele ea khale, kahara lesira, ho ne ho potelitsoe'ng ka morao ka moo? Jehova e ne e le eng? Ho ne ho patiloe eng ka morao ka mono? Lesira le ne le patile eng? Oh, allellua! Lesira le ne le patile eng? Le ne le patile Lentsoe. Lesira, matlalo a khale a qibi, ho patoa, a ne a patetse mahlo a bona Lentsoe, ka tlhaho. Ka morao ka mono, hape, e le bohobe ba pontša. Ka morao ka mono, hape, e le Khanya ea Shekina. Empa E ne e patetsoe bona ka botlalo. E ne e patiloe ka botlalo. Khanya eohle ea Molimo e ne e potetse hantle ka mora letlalo leo la khale la qibi, ke hantle, e patetsoe leihlo la tlhaho ka botlalo.

²³² Le kajeno, ho a tšoana. E bitsoa "mphi ea bathethehi ba halalelang, mahlanya," empa ha ba tsebe tse patiloeng ka morao ka mono. Ke sona seo ba sa se tsebeng. Ua bona?

²³³ Eareha Molimo, ka mohau, o tabola lesira hore ba bone, keha ba haretsoe ke meetlo ea bona hakana ba...keha e ntse e patetsoe bona, esita le ho fihlela kajeno.

²³⁴ Ho a tšoana joale! Khanya, Matla a Moea o Halalelang, Khanya ea Shekina e theohelang holima molumeli, joale ke bua ka molumeli oa makoma, ea etsang mesebetsi ea Molimo 'me a lumella tumelo ho kena ka ho eëna, ho lumela Lentsoe la Molimo, le patetsoeng mahlo a bona ka botlalo. Ba re, "Lintho tseo li fetile." U a bona, ba sa ntse ba phela ka morao ho lesira.

Ha le sa le ka morao ho lesira leo, lona Bana, Molimo o tlide ho lona pontšeng e tletseng.

²³⁵ Tsatsi le leng, Moena Fred Sothmann, Moena Tom Simpson...Ha ke tsebe haeba a fihlile mona kapa che. Mohla ba 'maloa ba röna re etetseng holimo kerekeng ea Baptise, 'me eaba moreri o bua taba e hlabolang. Kaofela ha röna ra re, "Amen!" Mang le mang ka kerekeng a thamola molala a hetla morao. Ua bona? Ua bona? Re ne re thotse lekumane le tsoang ka mora Shekina mono, u a tseba, 'me re batla re thabetse ho le fumana. Ka mantsoe a mang, ra re, "Rea U leboha, Morena!" Ua bona? 'Me, eitseha ba etsa joalo, mathaka ana keha a koahetsoe ka lesira hoo a bileng a e tšeja. Ba sa tsebe letho ka Eona. Ua bona? Ba sa ntse ba koahetsoe ke lesira. Ka baka leo, ba bang ba kahare le ba bang ba kantle. 'Me ka hona...Empa Molimo ho röna o hlahile pontšeng e tletseng, o patiloe. Ho a tšoana le joale!

²³⁶ Eareha Molimo, ka mohau oa Hae, a hahola lesira, eaba O hlaha pontšeng e hlakileng. Empa, ba ne ba haretsoe ke meetlo ea bona hakana, keha A sa ntse a patetsoe bona.

Ho a tšoana le joale! Khanya eo eohle, e patiloe, e patetsoe rōna ka ho Kreste, Lentsoe, eèna E leng Tempele ea rōna.

²³⁷ Oh, joale, ke tšoanelo ho cheka taba ena ka botebo nakoana mona. Le ntšoarele maikutlo a ka hoseng hona, empa, oh, khale ke—khale ke batlile ho ntša taba ena, ke... e tlalellane kahare ho 'na feela. Ua bona?

²³⁸ Lemohang, Khanya eohle e ka ho Molimo e kahara Lentsoe. Mahlohonolo ohle a ka ho Molimo a kahara Lentsoe. E patetsoe, mosalumele, ke meetlo. Le bona seo ke se bolelang? Empa E ka ho Kreste kaofela. Sohle seo Molimo a neng a le sona, O *ikhokhothile* ka Sebele, "kenos," 'me a kena ka ho Kreste; 'me rōna, ka ho Kreste, re potetse ka mora lesira.

²³⁹ "Be, 'na ke kahara Kreste," u rialo. 'Me u ntano lumela Melimo e merarō? Ho kolobetsa ka lebitso la "Ntate, Mora, le Moea o Halalelang"? Ho lumela meetlo ena eohle le lintho tseo u li lumelang, e leng tsa baholo? Che, u sa ntse u le ka morao ho lesira. Ua bona? Kena kahara lesira. Eèna, Kreste, ke Lentsoe.

²⁴⁰ "Joang? Ha ke lumele pholiso ea Khalalelo. Ha ke lumele mehlolo ena le lintho tse kang Eo."

²⁴¹ Be, u a bona, ha u—ha u kahare, kahara lesira. Ha u tsebe letho ka Lona. Ua bona? Kreste ke Lentsoe! 'Me ha re le kahara Lentsoe, re kahara Kreste. 'Me nka ba kahara Kreste joang, ke ntse ke latola Kreste? Ke Eèna ea itseng, "Ha ho lentsoe le tla eketsoa kapa le tla fokotsoa." U ka fokotsa ua ba ua eketsa, ke hona? Ua bona, taba eo e supa lesira le u koahetseng. Ua bona?

²⁴² Re ka ho Eèna! Ha ho le joalo rōna, ba leng ka ho Eèna, re sa ntse re patetsoe borabolumeli le liporofesa tsa lefatše ka lesira. Ua bona, Khanya ea rōna le eo re e thabelang, re sa ntse re koahetsoe ka lesira ho bao ba kantle. Ba re hopola re, "hlanya, re le nate," hape. Ua bona? Ua bona? Ke hantle. Empa rōna ba leng kahare ka mona, ka ho Kreste, ba kolobelitsoeng ka ho Eèna, (Bakorinthe ba Pele 12), ka ho Eèna, re nka kabelo Khanyeng ena. Ua bona? Empa e seng kantle; u sa ntse u shebile kahare, ho Le latola. Ua bona?

²⁴³ Ka hona re memeloa ho kena ka ho Eèna, ho nka kabelo ho sohle seo A leng sona. Re memeloa ka ho Eèna, e patetsoe ba sa lumelang, ka lesira la nama ea motho. Ua bona? Ba tseba Khanya eo, ba bala ka Eona, E kahara Lentsoe mona, "eona Khanya ea Molimo" le lintho tse kang tseo, ho bona ke lentsoe feela. Ho rōna, ke ponahatso! Ua bona? Ha e sa hlola e le lentsoe; ke bonnête! Amen!

²⁴⁴ Molimo o itse, “Leseli le be teng,” e ne e le lentsoe leo. Empa joale leseli le teng. Ha se lentsoe; ke leseli. Le bona seo ke se bolelang?

²⁴⁵ Joale ho rōna ha se Lentsoe le ngoliloeng feela, ke bonnete. Re ka ho Eèna. Re ntse re e thabela hona joale. Joale rea Mo boha. Joale rea Mo bona, Lentsoe, o ntse a Iponahatsa. E patiloe, kantle mane, hobane (hobaneng?) E koahetsoe ka lesira la nama ea motho. Ua bona?

²⁴⁶ Oh, ba re, “Mphi eo ea batho, ebe ba kene sekolo kae? Efe—efe ba fumane thuto efe? Kae, ebe—ebe ba tsoa kae? Sefe—sefe—sefe ke litho tsa sehlopha sefe?” Ua bona? Huh! Ua bona, ha ba E utloisise.

²⁴⁷ Monna o buile le monna e mong, tsatsi le leng, ha thoe, “U tlameha ho ba setho sa mokhatlo oa bolumeli ho ba Mokreste.”

²⁴⁸ A re, “’Na ke Mokreste; ha ke setho sa tsona.” Uh-huh. Ha thoe, “Molimo o fothotse kankere ho ’na,” ha thoe, “joale u nahanang ka eona?” E ne e le ngaka. A re, “Mpontše mokhatlo oa bolumeli o ka etsang joalo.” Ua bona? Ke hantle. Ua bona? E sa ntse e koahetsoe ka lesira.

²⁴⁹ Re ka ho Kreste. Joale, joaloka mohlang oo, balumeli bohle ba makhonthe ba Mo bona, Lentsoe la tsepiso ea letsatsi lena, le bonahalitsoe phatlalatsa. Leo ke lentsoe leholo haeba u e utloisia. Ua bona? Ua bona? Balumeli bohle ba makhonthe, ba leng kahara Lentsoe, ba bona Molimo phatlalatsa. Lesira le hahotsue, ’me Molimo o eme phatlalatsa ka pela lona, a bonahalitsoe. Ua bona? Molimo, o bonahalitsoe, phatlalatsa.

²⁵⁰ Ho etsa sena, lesira la rōna la khale la moetlo oa borapeli le tsoanela taboloa hape. Ho bontšisa hantle seo Le leng sona, u tlameha ho tsoa nyeeng eo eohle. Ua bona? U ke ke ua e khona; ba tla lula ba theola lesira leo ka pela hao, nako le nako, “Oh, ha ho letho nthong Eo.” Empa E ngotsoe mona, ’me Ke ena e a bonahatsoa, u a bona. Ua bona?

²⁵¹ Joale, u reng ka mothaka ea hanang ho sheba letsatsi, a re, “Oh, mono, kea tseba Molimo o itse, ‘Leseli le be teng,’ empa ntho e joalo ha e eo. Ke theohela mokatong o katlase. Ke—ke hana ho le sheba”? Thaka leo le a hlanya. Phoso e teng ho eèna.

²⁵² Phoso e teng ka monna kapa mosali, ea ka bonang tsepiso ea Molimo ’me, a E bona e etsahatsoa, ebe o hana ho È lumela kahobane mokhatlo oa hae oa bolumeli o theola lesira. Ua bona, ho koaheloa ka lesira!

²⁵³ Ho ka finyella sena, lesira la mokhatlo oa bolumeli ba rōna le tlameha ho taboloa, ke Moea oa Molimo oa Mollo le ke Sabole, e leng Lentsoe la Hae. Lentsoe la Hae ke Sabole kamehla. Ua bona? ’Me O ile a tšoara Sabole ea Hae letsatsing leo, e tukang Mollo, ’me a tabola lesira leo ho qala holimo ho fihla tlase. O etsa hoo ka Sabole eona eo kajeno! Ha se “tumeloana ea ka, buka

ea ka ea litumeloana, katekisima ea ka—ea ka.” Empa Sabole ea Morena, ua bona, e tabola lesira, ‘me u bona Molimo a eme pontseng e hlakileng, a bonahalitsoe Lentsoeng la Hae. Ke pono e khanyang hakakang ho e talima! Ua bona? Ho lokile. Moea o Halalelang oa Molimo le Mollo, Sabole ea Hae, e a le tabola. Lentsoe le tabola lesira la mokhatlo oa bolumeli.

²⁵⁴ Be, ha u itse feela, “Lentsoe,” ‘me ebe Lentsoe ha le sebetse teng? Ebe Sabole e thusa kang mona, le ho re, “Ha e khone ho tabola”? Ho re, “Uh,” ‘me e hana ho tabola?

²⁵⁵ Empa ha u bea Sabole eo ea Molimo holimo mono ‘me u e bona ha e tabola, e—e tšoeroe ke letsoho le tlotsitsoeng le rometsoeng ho etsa joalo. Ua bona, e a le tabola e a le phetla, ‘me ke eo O eme mono. Ke eo e pepesa Molimo pontšeng e hlakileng, Jehova e moholo. Leo ke Lentsoe la Hae le bonahalitsoeng, kabelo e baletsoeng letsatsi lena. Lea E tšoara na? Ua bona? Ha Sabole, tšepiso ea kajeno, letsatsing lena, e leng se tlamehang ho etsahala, ‘me ha Molimo o tšoara Sabole ea Hae o qala a tabola lesira la mokhatlo oa bolumeli ‘me a le phetla, leho Iponahatsa ‘me A itšupa a le teng mono, e sa ntse e le Topallo eo ea Mollo. Lemohang, leo ke Lentsoe le bonahatsoang la litšepiso tsa kajeno.

²⁵⁶ Re E bona joaloka Petrose ha a itse, “Morena, re ka ea ho mang, hoba re bone Sena?” Re ka ea kae? Re ka ingolisa kerekeng efe, athe re tsoaletsoe ho e le ‘Ngoe? Ua bona? Ebe u ka khona joang... U ka ingolisa mokhatlong ofe oa borapeli ka mora ho tseba Linnete tsee, ua bona, athe tseo (e ‘ngoe le e ‘ngoe) le a Le latola? E ‘ngoe le e ‘ngoe ea tsona! Ha ke fumane motho ea ka buang kapa ea ka Le etsetsang letho. Hantle. Ke hantle.

²⁵⁷ Ke qalile maeto ana tlase mona, a tšeheletsoe ke likereke tse mashome a mane a metso e ‘meli, ha ke fihla mono, ha kea fumana letho. E mong le e mong oa bona o itse, “O lumela tshireletso ea Bosafeleng.” Eaba e leleka ba eang ka molao. E mong o itse, “O kolobetsa ka Lebitso la Jesu.” Eaba e ba leleka kaofela ha bona, ua bona. E mong oa bona o itse, “O lumela peō ea noha. Noha ha e na peō!” Taba eo e etsa...

²⁵⁸ Bibele e itse, “Ke tla bea hloeano pakeng tsa Peō ea hae le peō ea noha.” Le bona taba eo?

²⁵⁹ Lona, e—e lesira, le tlotsitsoe holima Lentsoe. Ua bona? Ke hantle. E senoletsoe masea. Le—le tlotsitsoe. Ba Le bona. ‘Me ho tla ba joalo, kaha ho boletsoe... Ke hantle. Ho tla ba joalo, ka moo ho kileng ha thoe, “Ha le bona,” mohla lesira lena le tlosoang holima Lentsoe, meetlo e tlotsitsoe holima Lentsoe, ho joaloka ha Jesu a buile, “ha le bona ‘Na, le bona Ntate.” Ua bona? Molimo le Lentsoe la Hae ba bang. Joale lea utloisia na? Ha Lentsoe le bonahatsoa, ke Eng? Ua bona?

²⁶⁰ Jesu o itse, “Batlisisang Mangolo, le nahana hobane le na le Bo-... Le lumetse ho Molimo, le ho ‘Na le lumele. Ekare ha

Ke sa etse mesebetsi ea Ntate oa Ka, le se ke la lumela ho 'Na. Empa ekare ha Ke etsa mesebetsi, 'Na le Ntate oa Ka re bang. Ha le bona 'Na, le bone Ntate."

²⁶¹ 'Me ha le bona Lentsoe le bonahatsoa, le bona Ntate, Molimo, hobane Lentsoe ke Ntate. Lentsoe ke Molimo. 'Me Lentsoe, le bonahalitsoeng, ke Molimo ka Sebele o tšoara Lentsoe la Hae ka Sebele 'me a Le bonahatsa hara balumeli. Ke balumeli feela ba ka Le phelisang, ke balumeli feela. Ha se... Le ke ke...

²⁶² Ha u nka koro u e jala ka hara—ka hara e—mobung o fapaneng, e ke ke ea mela. Empa, eng, e tlameha ho fumana monontša o ikhethang fatse ho tsosa koro. 'Me haeba ho se—haeba mono...haeba monontša o mobung e se—e se, koro e sa khetheloa monontša oo, e ke ke ea mela. Ka baka leo ho sa tsotelehe moo Lentsoe le oelang teng, ha Le sa oele pelōng e lokileng...

²⁶³ Jesu o itsalo. "Tse ling tsa oela pela tsela, mobung o majoe, 'me linonyana tsa sebaka tsa tla tsa e ja." 'Me eaba O re, "Tse ling tsa oela meutloeng le litše long, tsa hola empa tsa pupetsoa kapele," meetlo, mekhathlo ea malumeli, lipelaelo tsa lefatše tsa Le pupetsa. Empa ho re, "Tse ling tsa oela mobung o motle 'me tsa bea halekholo," ho re, "oo ke 'Muso oa Molimo."

Ho a tšoana, ua bona, ba bang ha ba lumele ho hang.

²⁶⁴ Ba bang ba lumela nakoana, joaleka barutuo. Ba Mo latetseng, bongata ba bona, ba mashome a supileng ba Mo latetse lilemo, ho fumana; nkare selemo le halofo, kapa lilemo tse peli; ho fumana feela, ho fihlela ba fumane ntho ka ho Eèna, ntho...ho bona bokhoni ba Hae ba ho etsa lintho tsena, kapa leotoana la moutloa, leselamose la mofuta, seo A se entseng ho hlahaha lintho tsena, A khona joang ho tseba se pelōng ea motho le seo ba se nahanneng. 'Me qetellong ba Mo fumana A itse o "theohile Leholimōng," Eèna "e ne e le Lentsoe ka Sebele." 'Me hoba ba etse joalo, ba imela haholo. Ba re, "Ha ho motho ea ka utloisisang taba Ena." Eaba ba tloha ba Mo furalla. Tseo ke tse oetseng meutloeng.

²⁶⁵ E khutlisa ntho e tšoanang, kahara phutheho ka 'ngoe, u fumana baipehi-tumelo, bomosalumele, le balumeli. Esale ho le joalo kahara phutheho ka 'ngoe. U ba fumana kamehla. Ba bang ba etsisa balumeli, mofuta oo o mobe ho feta. Ho boele ho be le bomosalumele ba makoma; a ke ke a u hlopha, u tla furalla a tsokotse hlooho ea hae feela. Empa baipehi-tumelo, ba ipitsa balumeli, mofuta oo ke ona, u tlameha ho u bea leihlo, ke baipehi-tumelo bao. Ho ntano fumanoa balumeli ba makhonthe. Na le bona borarō boo?

²⁶⁶ Bomosalumele e ne e le bao. Hang hoba A re, "Le je Nama ea Mora motho," oh, monna, eaba ke phetho!

²⁶⁷ Ba bang e le baipehi-tumelo. Ba lika-liká, joaloka Judase, ho fihlela qetellong.

²⁶⁸ Empa balumeli ba makhonthe, ha ba khona ho E hhalosa, empa ba E lumetse, leha ho le joalo. Ba 'na ba tsoela pele.

²⁶⁹ Lesira, moetlo oa bomosalumele, o tlositsoe, u bona Molimo. Ha lesira la meetlo le tlositsoe, u khona ho bona hoba Molimo esale Molimo oa Lentsoe la Hae. O sa ntse a boloka Lentsoe la Hae. Eèna ke—Eèna ke Molimo, Moqali oa Lentsoe la Hae.

E patiloe ka morao ho masira a letlalo, ho ba bang. E, ho joalo. Ho bao ba sa khoneng ho potela ka morao ho lesira, O sa ntse a le ka morao ho masira a letlalo.

²⁷⁰ Lemohang. Hape, rôna, re fetoha karolo ea Hae, hobane uena u le lesira le Mo koahelang. U karolo ea Hae, ha feela Kreste a ahile ka ho uena, kamoo Kreste le eèna e neng e le oa Molimo. Hobane Molimo o ne o ahile ka ho Eèna, hoo ho Mo entse Molimo. 'Me ha Kreste a ahile ka ho uena, tshopo ea Khanya, u fetoha karolo ea Kreste. "Ea lumelang ho 'Na, mesebetsi eo Ke e etsang o tla e etsa le eèna." Ua bona? U fetoha karolo ea Kreste ha Kreste a patiloe ka ho uena. Ke hona mohla e patetsoeng mosalumele, empa uena u Mo tseba a ahile ka ho uena. U tempele e ahelelitseng Kreste ea ka mora lesira, letlalo. Ka baka leo rôna, hoba—... Ka morao, ka baka la lesira lena, lesira la nama ea motho hape, le mata Molimo (Lentsoe) ho mosalumele.

²⁷¹ Etsoe ho ngoliloe, ua bona, "Le ngoliloeng, lona le liepistole tse ngoliloeng," Bibele e boletse. Joale, *epistole* ke eng? Ke "lentsoe le ngoliloeng." 'Me lona le tseo tse "ngoliloeng." Ka mantsoe a mang, u ka E bala tjena, "Lona," E itse, "le liepistole tse ngoliloeng," kapa, "lona le Lentsoe, le ngoliloeng, le bonahalitseng," ha ho letho le ka eketsoang ho Lona. U ke ke ua re, "'Na ke epistole e ngotsoeng," ebe u phela ntho e fapaneng le se seng se ngotsoe ke *Sena*, [Moena Branham o phathatsa Bibele ea hae—Mong.] hobane ha ho letho le ka eketsoang kapa le ka tlosoang.

²⁷² Ebile Ngaka Lee Vayle o ngola buka e tummeng ena, ke batla le e bone ka mora nakoana. Moena Vayle o teng mona, o kae-kae litsheng mona. Ke 'mone kantle. Ha ke kholoe a khona ho kena kahare. Empa o ntse a ngola buka mono, 'me—'me e a hlolla, ke ea Mongoaha oa Laodisea. 'Me ke batla lona... E se e tla ntsoa machining a likhatiso haufi. Eaba, re ntse re bala karolo ea eona ea ho qetela. 'Me o ne a ngola, 'me eaba ka mono re ntse re qoqa ka Eona, ua bona, mabapi le...

²⁷³ Mang le mang o tlide ho 'na, ha thoe, "Moena Branham, lialuma tse supileng tseo lentsoe le li utloahalitseng, 'me O itse, 'U se ke ua E ngola, ua bona, u mpe u E koahele,'" ha thoe, "na e tla be e le lialuma tse supileng tse tla senoloa matsatsing a qetelo, ua bona, ke lialuma tse supileng tse tla re bolella?" Joale, na ebe ha e utloahale hamonate? Ua bona? Empa ha u rialo u shebe seo u se buang.

O itse, "U se ke ua E ngola." Ua bona? Lialuma tse supileng tsena li utloahatsa mantsoe a tsona, ua bona, 'me O itse, "U se ke ua e ngola, ua bona, empa E tla koaheloah kahara Buka hofihlela matsatsing a ho qetela."

²⁷⁴ Joale esale motho, bongata bo itse ho 'na, le baithuti ba thutabomolimo ba itse, "Moena Branham, haeba Morena Molimo..." Ha thoe, "Haeba—haeba... Ka boiphihlelo ba hao, boo Morena a u neileng bona molemong oa batho ba Hae," a bua ka boikokobetso, ha thoe, "u na le tokelo ea ho ngola e—e Bibele ka bo-uenia, Lentsoe la hao, haeba Molimo a fèla a bonahalitse."

²⁷⁵ Ka re, "E ka ba 'nete." Ua bona, u ne a leka ho ntšoasa ka leraba. Ua bona? Eaba ke re, "Empa, ua bona, nke ke ka etsa joalo."

A re, "U sitisoa keng? U ötliloe ka litšoanelo tsohle."

²⁷⁶ Ka re, "Empa, ak'u shebe, ho ke ke ha eketsoa lentsoe le le leng kapa la tlosoa." Ua bona?

²⁷⁷ 'Me a re, "Be, ha ho le joalo, lialuma tse supileng tseo, u a bona," ho re, "na ebe lialuma tse supileng tseo tse phatlohang, na ha se Tšenolo e tla fuoa monna ea itseng?"

²⁷⁸ Ka re, "Che, monghali, ekabe'ba ke ho eketsa ho hong ho Lona kapa ho fokotsa ho Hong ho Lona."

²⁷⁹ Ntho eohle e senotsoe ka Mono, 'me Litiiso tse Supileng tseo li manolotse tšenolo ea Ntho eo. E ne e le eona. Ua bona, e sa ntse e le kahara Lentsoe. Ua bona, u ke ke ua tsoa Lentsoeng leo. E ke ke ea tlohela Lentsoe. 'Me Moea oa Molimo o ke ke oa lesa Lentsoe leo le ka mohla. O tla tsepama le Lentsoe hantle; ho foufatsa ba bang, le ho bula mahlo a ba bang. O tla etsa joalo kamehla.

²⁸⁰ "Löna le liepistole tse ngotsoeng, tse baloang ke batho bohle." Kapa, löna le... Ha nka E fetolela, ke e pheulela ka mona feela, ua bona, ho E fetola feela, "Löna le ngotsoe le le liepistole," hoba u ke ke ua eketsa ho Eona, "e baloang ke batho bohle; Lentsoe la Molimo le bonahalitsoeng," ka mantsoe a mang.

'Me Petrose le Johanne, ho e bontša, mohla ba ne ba nyolohetse mono, ba ba lemohile ba sa bala 'me ba sa ruteha, ba se na thuto, empa ba elelloa hoba ba tsamaile le Jesu. Ua bona? Ba sa ruteha 'me ba sa bala, empa e le liepistole tse ngoliloeng, ua bona, ba balile hore ba tsamaile le Jesu. Hoba, Jesu o ne a Iponahatsa ka bona, Kreste o ne a koahetsoe ka lesira la nama ea bona; a bonahala, a phelisitsoe.

²⁸¹ Joalokaha A sebelitse ka ho Moshe. Eare Lentsoe le sa ahile ka ho Moshe, e ne e le Molimo ka nama. Mohla Le ne le ahile ka ho Jesu, E ne e le Molimo ka nama. Ua bona? U mpile A fetola maseke oa Hae feela, e seng Lentsoe la Hae, e seng

tlhaho ea Hae. Ke Eèna maobane, kajeno, le kamehla. O fetotse sebopeho sa Hae feela. A fetoha ho tloha ho Nohe ho ea ho Moshe; A fetoha ho tloha ho Moshe ho ea ho Davida; ho tloha ho Davida, Josefa; ho theohela tlase ho fihlela A kena kahara 'mele ka botlalo ba Bomolimo. Ua bona?

²⁸² E sa ntse e le Molimo oo! Amen. Amen. Ke tšepa hore e a fihla. Ua bona? E sa ntse e le Molimo oo, O mpa a apara lesira le leng. Ua bona, O khoesa lesira le leng.

²⁸³ O e entse ho bahlabolli, ho apara lesira, ho apara lesira. Ho fihlela, qetellong, E theoha ka mongoaha oa Luther, ho theoha ka mongoaha o mong, qetellong Ea hlaha ka Botlalo. Pejana feela E fihla, moporofeta o boela a hlaha hape. Seo e se etsang, e taka seriti sa Lentsoe le tlang, e supa morao mona, ho senola se entsoeng, se siiloeng, hore Kereke e tla hloka... e se ke ea hloka kutloisiso. Mohla sena se felang, ebile, ho joalokaha Johanne a boletse, "Na ke tšoanetse ho bōba, Eèna o tšoanelo ho phahama," mohlang oo ka ho Eèna ho kena tsole-ho-bohle. O bonahalitsoe ka botlalo, ka Luther, Wesley, le ka mongoaha oa Pentekosta, le ho theoha, ho theoha, O bonahatsoa ka botlalo, le a bona, ho theoha, ke ponahatsoo feela, ke Molimo o phutholohang: Ho Mo bona (Joale, lemohang.) a phethahalitsoe lipallong tsa Hae tsa letsatsi *lena*, kamoo *ba* entseng.

²⁸⁴ Joale Moshe e ne e le Lentsoe letsatsing leo, hobane Lentsoe la letsatsi leo le neiloe eèna; Moshe. Josefa e ne e le Lentsoe matsatsing a hae, o takile Kreste ka tšoanelo. Ua bona, e mong le e mong oa bona e ne e le Lentsoe.

²⁸⁵ Eare ha Jesu a fihla, keha E le Lentsoe botlalong ba Lona, hoba leano lohle la topollo le ne le beiloe ka ho Eèna. Leano lohle la topollo le ne le sa beoa ka ho Moshe, le ne le sa beoa ka ho Josefa, le ne le sa beoa ka ho Elia. Ua bona, bao e ne e le karolo ea Lentsoe, ba supa ho Lona. Ua bona? Joale lemohang, baballa mohopolo oa hao; ke ena E tla, ka tlaelo ea ka. Ua bona, leano lohle le ne le sa beoa ka ho bona. Ba ne ba supa ho Lona.

²⁸⁶ Ka baka leo, ka mora Hae, e leng Botlalo, re ke ke ra hlola re supa letho hape. Le supa morao ho Eèna, Lentsoe. [Moena Branham o nka Bibebe ea hae—Mong.] *Ena* ke Tšenolo e tletseng; ha ho letho le ka eketsoang kapa la fokotsoa ho Eona. *Eo* ke Tšenolo e tletseng. Hoo hohle, seriti sa *Eo* ea tlang; empa eitseha A fihla, E ne e le Phetheho. Baheberu 1, "Molimo mehleng ea khale o buile le bontate ka baporofeta," Molimo o buile ka masira, baporofeta, "empa matsatsing ana a ho qetela ka Mora oa Hae, Jesu Kreste." Ke moo he. Ho koaholloa mane Kalvari, Mora Molimo, ea koaholotsoeng.

²⁸⁷ Lemohang, "ho phelisoa." 'Me, kajeno, mohla Lentsoe le bonahatsoang ka mafiso a batho, masira, ke Lentsoe la letsatsi

leo le phethisoang ka botlalo, e boela e khutlela ho Molimo. Ka ho kolobeletsoa ka ho Eèna, ho latela Bakorinthe ba Pele 12, re etsoa setlama le Eèna. Amen.

²⁸⁸ Ke itse halofo ea hora, empa na nka tsoa tema nakoana? [Phutheho e re, “Amen.”—Mong.] Ua bona? Shebang, nke ke ka tlola taba ena hantle mona. Lemohang, ho etsoa setlama le Eèna!

²⁸⁹ Joale lemohang. Maamerika a makae mona? Phahamisang matsoho a lona. Ho lokile, u moahi oa Amerika, ka hona u entsoe setlama le sechaba sena. Sohle seo sechaba se leng sona, u tsoanelo ho ba sona. Na ho joalo? U khanya ea sona sohle le lihlong tsohole tsa sona. U entsoe setlama le sona. U Moamerika, ka baka leo u apara Amerika. Alleluia!

²⁹⁰ Ke ne ke eme le George Washington mohla a tselang Delaware. Ke entsoe setlama le eëna. Ke hantle. Ke ne ke eme le Abraham Lincoln mane mohla Puo ea Gettysburg. Ke ne ke eme mono. Ke ne ke tsoakane le masole holima Guam, lôna bashanyana, mohla le neng le phahamisa folaga. Ke ne ke le teng. Ke Moamerika; ke entsoe setlama le eona. Amen. Joale, ho ba Moamerika, lihlong tsa eona mehleng ea Bohlabaphieo, kea li jara, hoba ke Moamerika. Ke hantle.

²⁹¹ ’Me joaloka Mokreste, ke entsoe setlama le Eèna. Amen! Ke ne ke eme le Nohe mohla a kenang arekeng. Ke ne ke eme le Moshe mohla a tsoang Egepeta. Amen! Ke ne ke le Elia holima Thaba Karmele. E, monghali! Khanya ho Molimo! Ke ne ke eme le eëna mohla a etsang hoo. Ruri ke ne ke eme le Eèna, ke ikentse setlama le fung la Hae mane Kalvari mohla ke ne ke shoa ka nqa lintho tsa lefatše, ho ’na le meetlong eohle. Ke ne ke etsoe setlama le Eèna. Ke entsoe setlama le Eèna hoseng ha Paseka mohla A tsohang bafung. Ke entsoe setlama le Eèna ka Letsatsi la Pentekosta, mohla Moea o Halalelang o theohang eka moea o fokang ka sefefo. Ke ne ke entsoe setlama le Eèna. Sohle seo A neng a le sona le ’na ke sona, sohle seo ke leng sona le Eèna e ne e le sona; amen, ha re shoele ka ho Eèna re entsoe setlama le Eèna. Seo A leng sona le ’na ke sona. Amen!

²⁹² Seo sechaba sena se leng sona le ’na ke sona. Ke motlotlo ho ba seo. Ke ikemiselitse ho jara lihlong tsa sona. Ho ba Moamerika ke ikemiselitse ho jara sekhobo. Ke hantle. Empa ho Jesu Kreste ke joalo habeli! Sohle seo A kileng a ba sona le ’na ke sona. Ke rata ho etsoa setlama le Eèna.

²⁹³ Baapostola bao, mohla ba ne ba khutla, ba e lekantse... keha ba songoa, ba bitsolloa eng le eng, ba lekantse e le tlota e khôlô ho jara sekhobo sa Lebitso la Hae.

²⁹⁴ Ke thabetse ho ba e mong oa bona, ho etsoa setlama le Lentsoe, e leng Kreste. Ho etsoa setlama le Eèna! Ka ho kolobetsoa ka ho Eèna, re etsoa setlama; ho etsoa setlama le setšoano sa Hae, ho etsoa setlama le Lentsoe la Hae, e leng

Eèna. Haeba ke le ka ho Kreste, le 'na ke Lentsoe la Hae; hoba Eèna ke Lentsoe, 'me seo A leng sona le 'na ke sona. Amen! Lea E tšoara na? [Phutheho e re "Amen."—Mong.] Ke hantle.

²⁹⁵ Lentsoe le bonahalitsoeng, kapa le senotsoeng kahara Tšenolo eo ka mono, e mpea kae ke hona? Haeba Eèna e le Khanya eo ea Shekina, le 'na ke karolo ea Eona. Amen! Oh! Amen! Ke hantle. Lentsoe le senotsoeng ka Bolona, le a Itšenola.

Nahanang! Re tsebisitsoe liphiri tsa Molimo letsatsing lena, ke lona Lengosa la Leholidō leo ba le tsebisitsoeng matsatsing ao; lemohang, eona Topallo ea Mollo e romileng Moshe; eona Topallo ea Mollo e neng e le holima Moshe e ngotseng Bibebe; eona Topallo ea Mollo eo Pauluse a kopaneng le eona tseleng ea hae e theohelang Damaseka.

²⁹⁶ 'Me Pauluse o ngotse Testamente e Ncha. Hopolang, Mattheu, Mareka, Luka, le Johanne, ba mpa ba ngotse seo ba se boneng; empa Pauluse o fuoe Tšenolo. O ile a E hotölla, hoba o ne a kopane le Topallo ea Mollo, ka bo-eona. 'Me kea nahana, eona...

²⁹⁷ Mono, Josefa, bao bohle ba ngotse tse hlahileng, mang le mang ea ngotseng morao letsatsing leo. Empa Moshe a kena temeng, a tšoere Tšenolo. O ne a kopane le Topallo ea Mollo, 'me eaba Genese E senoleloa Moshe. O ngotse libuka tsa pele tse 'ne tsa Bibebe, Moshe. Na ho joalo? Hoba o kopane le Molimo ka sebopetho sa Topallo ea Mollo, a koahetsoe ka lesira la Topallo ea Mollo.

²⁹⁸ Mohla Pauluse a kopanang le Eèna tseleng... Barutuo ba mpa ngotse seo ba boneng A se etsa, empa Moshe o ne a tšoere Tšenolo; a theohela Egepeta lilemo tse tharō a ithuta, 'me a bona hoba Molimo oa Testamente ea Khale ke Jesu oa e Ncha, Tšenolo! "Ha kea ka ka hanela pono ea Leholidō." Ke hantle. Hantle!

²⁹⁹ 'Me ho E nahana! Eona Topallo ea Mollo e theohetseng holima monna e leng ba ngotseng Bibebe, ke eona Topallo ea Mollo mona, kajeno, e tolokang Bibebe. Amen! Re Mo leboha hakakang ka eona! Eona eo! Matšeliso a makakang! Boitsebiso bo bokakang! Ke thabetse ho etsoa setlama kahara ntho eo, ha ke tsebe seo nka se etsang! Nka mpa ka etsoa setlama kahara Ntho eo ho feta Baptise eohle, Methodise, Presbeteriene, Lutherane, le tse ling tsohle. Ho etsoa setlama kahara Lentsoe leo moo Khanya ea Shekina le Tšenolo li ahileng teng!

³⁰⁰ Topallo ea Mollo e hlahile phatlalatsa ea rōna, ho bontša hoba Molaetsa o nèpahetse, joalokaha A entse mane Thabeng ea Sinai. Hopolang, pele molaetsa oa 'nete o ntšoa, Moshe o ile a rera 'me a ba hölla Egepeta; empa mono, le pele molao oa makhonthe o ka beoa (ho kenngoa ha Litiiso), Molimo o ile oa theoha phatlalatsa ea batho oa paka hoba Moshe o ronngoe ke Eèna, (ho joalo?) kahara Topallo ea Mollo eo Moshe a itseng o e bone hara sehlahlha 'me ea buisana le eèna.

³⁰¹ Oh, matsatsing ana a ho qetela, ho bona eona Topallo ea Mollo hara rōna hantle, e bua ka lona Lentsoe leo; ha se hoo feela, empa ho Le toloka ka ho Le bonahatsa, le ho Le kholisa, hore Ke 'Nete.

Ha ho le joalo, ha ho kamoo batho ba ka hanang ho lumela, haese ha ba batla ho etsa ka boomo. 'Me, hape, "Ea etsang sebe ka boomo ha a se a fuoe tsebo ea 'Nete, ha ho sa le sehlabelo se setseng sa sebe."

³⁰² Lemohang, eona Topallo ea Mollo e rometsoeng ho Moshe le ho Pauluse, eona e ngotseng Bibele, joale e romeloa ho E senola. Mohau oa Molimo, Molimo o sa fetoheng, ho phethahatsa litsepiso tsa Mattheu 28, "Bonang, Ke na le lona ka mehla"; ho phethahatsa Mohalaleli Johanne 14:12, "Mesebetsi eo Ke e etsang, le lona"; ho phethahatsa Mohalaleli Luka 17:28-29, "Mora motho o tla senoloa matsatsing a ho qetela," ua bona, ua bona; Malakia 4, "Bonang, Ke le romella Elia moporofeta, ea tla khutlisetsa Tumelo ea batho Lentsoeng la tšimoloho." Ua bona? Kamoo sena... Ua bona? Oh, khili!

³⁰³ O shoetse, ho Itšenolela rōna. Joale re ke re ichoelle, ho Mo senolela ba bang. Re ichoelle nqa meetlo le lintho, ho Mo senolela e ba bang. Ho ichoella nqa mekhatlo ea malumeli, ho Mo senolela ba bang.

³⁰⁴ Lemohang, Khanya ea Shekina e ne e ahile kahara tempele ea khale, 'me Leseli la Shekina le chaba holima Lentsoe. Lentsoe ke Peō; Le tliselitse balumeli feela bohobe ba pontša. Mali le oona a ne a beiloe holima selekane; 'me Mali ke metsi, ke metsi a phelisang tlhaku, koro, peō, e leng Lentsoe.

³⁰⁵ Ho joalokaha Jesu a boletse, "Joaloka Moshe ha a fanyehile noha ea borase," A boela a re, "Molimo o ratile lefatše O bile oa le nea Mora oa Oona ea tsoetsoeng a inotši; ea lumelang ho Eēna a ke ke a timela." Moshe o otile lefika lefeelleng, ho pholosa batho ba timelang, kapa ho fana ka metsi. Molimo o otile Jesu, ho hlahisa Moea o tsoang ho Eēna, bakeng sa batho ba timelang. Mali a tsoile ho Eēna, e leng "Metsi a hlatsuo ka Lentsoe." Etsoe, Metsi a Phelisa Peō. 'Me ho hlahisoa Khanya ea Shekina; e chabang holima Lentsoe, e hlahisitseng bohobe ba pontša. 'Me bohobe ba pontša bo ne bo boloketsoe bakhethoa feela. Uh-huh. Ho joalo? [Phutheho e re, "Amen."—Mong.]

³⁰⁶ Joale ho phunya ho kena kahara lesira, ho phunyeletsa lesira, ho kena ka pela Sefahleho sa Hae, moo ho leng Lentsoe (e seng tumeloana), Lentsoe; kahare ka mono u bona Khanya ea Shekina, eona Shekina, Matla, Moea o Halalelang o chabelang holima Lentsoe, o hlahisa tšepiso, hoo ho u supa u potetse ka mora lesira. Amen!

Ke tšetse lesira le hahotsoeng moo Khanya e
sa poneng, (Uh!)

Alleluia, alleluia; ke phela Pontšeng ea
Morena.

Ke tšetse lesira le hahotsoeng moo Khanya e
sa poneng,

Ke phela Pontšeng ea Morena.

³⁰⁷ Letlalo khale la qibi, mekhatlo ea malumeli, e helelitsoe. Ke e phuntse, ho kena kahara Khanya ea Shekina, 'me ke bona Lentsoe. Ke bona khato ea Topallo ea Mollo. Ke bona ponahatso ea Lentsoe. Seo A boletseng A tla se etsa matsatsing ana a qetelo, ke se bona se hola. Ke bona bana ba jang Bohobe ba Shekina bo hlahisoang ke Lentsoe leo le butsoitseng, e leng bona ba Le lumelang. Amen! Re phela horeng e babatsehang hakakang! Ua bona, Shekina e ne e chabetsé Lentsoe; Bohobe bo ne bo beiloe katlase ka mono. 'Me Mali a leng teng, afafalitsoeng, ke oona a Le noesetsang ka metsi. Moea ke oona o Phelisang Lentsoe. 'Me eona . . .

Ba bakae ba balileng, ba utloileng teipi ea *Nyeoe Ea Lekhotla?* Kea kholoa, bongata ba lōna. Lea bona mono, e qosa . . .

Lentsoe leo le tšoanelo ho hola. Ho hola, Le tlameha ho lula mobung o motle. Ua bona? 'Me Molimo o etsa tšepiso, 'me ha e kena pelōng eo, e ke ke ea hlolleha.

³⁰⁸ Nohe o eme lilemo tse lekholo le mashome a mabeli. Abrahama o eme lilemo tse mashome a mabeli a metso e mehlano, a emetse ngoana. Molimo o itsalo, 'me ke pheto. Ua bona? Ke eng? Lentsoe le ne le nosetsoa ke tumelo, ho Le lumela, le ile la bea litholoana. Le hlahisitse moroallo; le hlahisitse pula; le hlahisitse moroallo; le hlahisitse moroetsana ea emotseng.

³⁰⁹ Moporofeta o itse, "Moroetsana o tla emola." Ha ke belaе hoba ngoanana e mong le e mong o tlohile a ea hlopha liaparo tsa lesea. Be, Esaia enoa moporofeta e ne e le moporofeta ea pakiloeng, a nètfalitsoe ke Molimo. 'Me Morena o itse, "Moroetsana o tla emola. Ke tla ba fa pontšo e phahamelang tlhaho, pontšo e khölö; moroetsana o tla emola."

³¹⁰ Mono, batho bao bohle, balumeli bao, joaloka lona bohle. 'Me ba utloile moporofeta eo a rialo, ngoanana e mong le e mong . . . Monna e mong le e mong o itse, "E tla ba morali oa ka. E, monghali." Mang le mang a tloha a ea reka libutšunyana le maleiri le ntho eohle, ba itokisa, kaha ba tsebile hore o tla le fumana. Moloko oo oa na oa feta, 'me ba nahana, "Moporofeta eo ea pakiloeng, ea nètfalitsoeng ke Molimo, ebe a ka bolela phoso joang? E tšoanelo ho etsahala!"

³¹¹ E etsahetse lilemo tse makholo a robeli hamorao, empa o ile a tsoala lesea. "Mahlolimō le lefatše li tla feta, empa Lentsoe la Ka le ke ke la feta."

³¹² “Me hoo ho tla hlaha matsatsing a qetelo,” ho itsoalo ke Molimo. Ua bona, ke rōna bana, e—e Leseli le chabetse Lentsoe. Etsoe letsatsi le fetola peō ho e tlosa khanyeng ho isa khanyeng, le rōna re eketsa—eketsa ho tšoana le Eēna ha re phela ka pela Sefahleho sa Hae; ho tšoana le Eēna, ho fetohela setšoantsong sa Hae se bokoang ha re ntse re tsamaea le Eēna.

³¹³ Shebang mosebetsi oa letsatsi. Ha u jala peō, ho etsahalang? Peō eo e a bola. Bophelo bo ahile kahara peō. Bophelo bo a hlaha ‘me bo hlahisa tlhaka. Joale, ha e tšoane le ntho ea ho qala.

Luther ke eo. E ne e le tlhaka. Ho lokile.

Tlhaka e ile ea tšoelapele, ntho ea pele u a tseba, ea hlahisa tjèllane. Ua bona, e ne e le tsoselotso ea Wesleyan; e ne e sa tšoane le e ’ngoe.

Eaba ho latela tsoselotso ea Pentekosta, ua bona, ea hlahisa kolobetso ea Moea o Halalelang. Ho lokile.

Ha etsahalang? Re fumana phori holima qoapi. E qala e shebahala e le phoso. Ntho *ena*, ntho *eane*, ha e tšoane le Lentsoe. Ha e tšoane le Lona kaofela. Ha e tšoane le Tlhaku e keng qalong.

³¹⁴ Empa Molimo o sa le teng mono ho phethisa hoo—hoo leha ho le joalo. Lemohang, e etsang? Qetellong e khutlela ho Peō ea tšimoloho hape. Mohla A ne a fihla ka sebopaho sa Martin Luther; mohla A ne a fihla ka sebopaho sa John Wesley; mohla A ne a fihla ka sebopaho sa Pentekosta; O tlameha ho Itšenola hape joaloka Peō e keneng fatše, Mora motho. O Itšenotse joaloka Mora Molimo, khabareng ea mongoaha oa tlhaka le eo e joalo, empa mongoaheng ona oa ho qetela O tlameha ho Itšenola hape joaloka Mora motho. Lea e tšoara? [Phutheho e re, “Amen.”—Mong.] Ke hantle, joaloka tšimolohong, ho bopèlla!

³¹⁵ ’Me tlhaka eo e hlasisang? E ntse e hola ka linako tsohle. Tlhakanyana eo e a hola, ha e—so tšoane le tlhaku ea tšimoloho. Le molaetsa oa Luther ha o a etsa; che, eaba ho latela e—e melaetsa e meng, Finney, Sankey, Knox, Calvin, ho theoha, ha ho le o mong hara eona. E ne e ntse e le molaetsa empa, seo e neng e le sona, ha ba fumana Tšenolo ea Eona e tletseng kaha nako e ne e—so fihle. U ke ke ua hlahisa qoapi ea koro pele nako e fihla. Ua bona? ’Me eaba, qetellong, ho khutla Peō eo ea tšimolohong e keneng mobung.

³¹⁶ Ua bona Molimo o sala tlhaho morao. Ua bona, O hlahile e le konyana, ka hona O hlahetse sejelong. Likonyana ha li hlaheli libetheng. Ua bona, O ile a *isoa* Kalvari. Konyana, linku lia tsamaisoa. Ke hantle. Lipöli li li isa hlabong, le tseba seo, moo ho hlabeloang teng. Li *isoa* teng ke pöli, empa li tlameha ho tsamaisoa. Huh! Ke hantle. Ka baka leo O isitsoe hlabong, ua bona, hobane E ne e le Konyana.

³¹⁷ Ntho eohle e iketsa setlama le Eèna tlahong. Ka baka leo O hlahile ka Hlakubele kapa 'Mesa, e seng ka Tšitoe; A ke ke a khona, lehloa nakong eo ea selemo le qhobelane maoto a mashome a mabeli. Ha se molimo-letsatsi, empa E ne e le Mora Molimo. Ua bona? Molimo-letsatsi oa Roma o ka Tšitoe oa la mashome a mabeli a metso e mehlano, mohla mahlahana a letsatsi a fapanang litseleng tsa oona 'me ba tšoara liserekisi tsa Roma, eaba ba le rea letsatsi la tsoalo ea molimo-letsatsi, 'me ba le fetola Mora oa Molimo. Che, che. E ne e le Mora oa Molimo. Letsatsi la Hae la tsoalo le khema le tlhaho eohle. Ka nèpo.

Joale elang hloko hape joale re sa khatha tema, re saletsoe ke nakoana.

³¹⁸ Joale ho fihla phetheho. Hoba tlhaka e boptjoe; hoba tjèllane e boptjoe; hoba tlhahu e hlahe holima seqo; e tlameha ho finyella phetheho, ho khutlela morao tlhakung ea tloaelo.

'Me, le hopole, tlhaku e tšoanelo ho melisoa. Ua bona? Ha e sa etse joalo, e ke ke ea phela. Ua bona? Ha ho letho le kantle ho melaetsa eo le tla tsosetsoa Bophelong. E tlameha ho tsosetsoa ho Bona. Empa, hopolang, bona Bophelo bo nong bo ahile kahara tlhaka bo kahara tlhaku. Bo mpa bo khutla bo boela bo phethetha, ua bona. O ile Itšenola, (eng?) e le Mora motho, eona tlhaku e keneng mobung. Le tšoara Molaetsa na? [Phutheho e re, "Amen."—Mong.]

Bagerike ba itse ho Eèna, "Re batla ho bona Jesu."

³¹⁹ A re, "Ekare ha tlhaku ea thoötse e sa oele mobung." Ua bona? Ke hantle.

³²⁰ Joale khetlo le latelang O Itšenotse e le eng? Ka sebopreho se fapaneng; ka tlhaka le ka tjèllane, le ka tse joalo, le ka mahlaku ohle le ka ntho eohle. O Itšenotse mohlang oo, (eng?) ke Moea o le mong, empa sebopreho se fapan. Ua bona? Empa bofèllo ba thollo eo ke bofe? E khutlela tlhakung ea tšimoloho. Na ho joalo? [Phutheho e re, "Amen."—Mong.]

³²¹ 'Me tšebetso ea Hae e a fihla, e hlaho koana lihlabollong, e khutlela Lentsoeng la mantlha hape. Lentsoe le tla ho moporofeta. 'Me O e tšepeisitse, ho Malakia 4, "'Me o tla busetsa Tumelo ea batho morao tlhakung ea mantlha." Se keneng mobung se holimo mona se a tšoana. Tlhaku e nyolohile hara tsena. E nyolohile e le Mora Molimo, joale E Itšenola mona e le Mora motho, 'me E ntano Itšenola e le Mora oa Davida holima Terone. Ua bona, bara ba bararō bao, hantle feela. Oh, khili, e boela e tšoana le ea mantlha!

³²² Joale ho finyella tšebetso ea Hae e phethehileng; ha se monna ea itseng, ha se mokhatlo o itseng oa bolumeli, joalokaha ba sebelitse ho theoha le mongoaha oo mono, ua bona; empa ke eèna ea Iponahatsang, o Iponahatsa nqa tšepeiso, ho phethisa Mohalaleli Luka 17:28, Malakia 4, le ao a joalo, Baheberu 13:8, ka nèpahalo feela. Nakong eo, e tlamehile

e be e le nako efe? Mohla Peō ea borena ea Abrahama e shebeletseng Mora oa tšepiso. Ebile lipapiso tsohle li tlameha ho tlatsoa. 'Me Molimo ka Sebele o hlahile ka sebopoho sa morabe oa motho, ho peō ea tlhaho ea Abrahama, pele ho tšenyeho, 'me Jesu o itse ho tla ba joalo ho Peō ena ea borena pele Mora oa tšepiso a khutla.

³²³ Lemohang lesira la khale le neng le patile Khanya. Matlalo a khale a qibi, a sa khahlise ka letho; ho bile joalo le ka nama ea Hae. Ka baka leo batho ba itse, "Mothakanyana oa khale ea lekokoto joalo?" A batla a le lilemo tse mashome a mararō, 'me a pulufetse, le telu tsa Hae li pulufetse, ho sa khahle hakaalo. Bibele e itse, "Ha ho botle bo re khahlisang ho Eèna." E sa ke Morena, letlalo la khale la qibi, empa, oh, se neng se le kahare!

³²⁴ 'Me sehlotšoana sa "bahalaleli-bathethehi" keha se lutse 'moho ka moahong o chesang tjena, ba ba bitsitse joalo, ba sa khahle hakaalo, empa se leng kahare! Kea kholoa e koaheletsoe lipelō tse ngata, ua bona. U a bona? Ke hantle.

³²⁵ Kastle E ne e se letho, empa ntho eohle e ne e le kahare. Hang kahara Lona, u khona ho E bona. U kena joang kahara Lona; ho tsukutla matsoho, ho ingolisa? Che. Ka ho tsoalloa ho Eona. Ho shoa, ho lahla letlalo la hao la khale la qibi, ua bona, botho ba hao ba khale, ho kena kahara le lecha lena. Ua bona? Tèla letlalo la khale la qibi.

³²⁶ Leseli la Shekina ha le... Mamelang, lōna bareri! Bareri, ke batla le mamele Sena. Hang kahare... Joale ke tlil'o tsamaea butle, le tle le etse bonnate ba ho E tšoara. Hang kahara lesira, tlasa Khanya ea Shekina, Leseli la Shekina ha le tšoare Lentsoe la Molimo le ntano senola Jesu e le "senohe-ramahlohonolo," che, joaloka mekhatlo ea malumeli ha e etsa kajeno, "palo-mohopolo, mothethehi-mohalaleli, Belsebule." Khanya ea Shekina ha e Mo senole e le seo.

³²⁷ Empa Khanya ea Shekina e butsoisa Peō e baletsoeng hora eo, ea Lentsoe, e Mo supa esale Mohalalitoe oa Phula. E hlahisa Peō eo, Mohalalitoe oa Phula, Bohobe ba Bophelo, Alfa le Omega, eèna maobane, kajeno, le kamehla. Ke Eèna kabelo ea balumeli. Khanya ea Shekina e senolela, molumeli, hore ke Eèna maobane, kajeno, le kamehla.

³²⁸ Ha se, "Matsatsi ao, O fetile khale, 'me O shoelle 'me ke phetho." Ka baka leo motsoalle, ha u lumela seo, ha u lumela seo, ha u eso chabeloe ke Khanya ea Shekina. Ebe Khanya ea Shekina e ka Mo senola joang ka batho ba bararō? Ua bona? Ebe Khanya ea Shekina e ka Mo senola joang e le ho kolobetsa, batho, ka lebitso la "Ntate, Mora, le Moea o Halalelang," athe ha ho motho ea kileng a kolobetsoa joalo kahara Bibele? Ebe Khanya ea Shekina e ka Mo theolela joang ho moapostola feela, athe ke Eèna maobane, kajeno, le kamehla? Ua bona?

³²⁹ Khanya ea Shekina e a Mo bonahatsa. E hlahisa Lentsoe la tsepiso, e le hotölla ka ho uena. Eaba O tlameha ho koahela sefahleho sa Moshe ke hona, hobane Lentsoe le ne le ahile ka ho eëna. O ile a koahela Jesu, e le Monna ea ikokobelitseng, ho ba thibela ho bona Jehova. 'Me kajeno O Ikoahela, kahara mafiso a letsopa, ka Shekina. Bokantle ekare mphi ea bahalaleli-bathethehi, matlalo a khale a qibi, empa bokahare bo patile Khanya ea Shekina.

'Me E butsoisa Bohobepontša boo re bo jang, 'me re khanna re parola naha, makholo a limaele, ua bona. Ke Lijo tsa balumeli. Ke tsa molumeli a inotši. Hopolang, Bohobepontša bo ne bo khethetsoe molumeli a inotši, ua bona, Peō Bohobepontša. Lemohang. E etsang? Khanya eo ea Shekina, ha chaba holima Bohobepontša, e Bo sireletsa ho se bole.

³³⁰ Hopolang, manna a theohileng Leholimōng, a beoa kahara Khanya ea Shekina, ho tloha molokong o mong ho isa ho o mong. Kantle, a ne a nyeunya mehatlana, ka bosiu bo le bong, a bole. Na ho joalo? [Phutheho e re, "Amen."—Mong.]

³³¹ Kantle ho Khanya ea Shekina, "Matsatsi a mehlolo a fetile. Ua bona, ntho eohle ke bohlanya." Empa kahare . . .

³³² Shebang, ba thotse peō itseng ea sonobolomo kahara moliko oa Egepeta e kentsoe matsatsing a Josefa, lilemo tse likete tse 'ne, mohlomong, tse fetileng. Josefa o ile a li boloka kahara moliko. Ba ile ba li jala. Eaba lia phela. Hobaneng? Li ne li fupile bophelo.

³³³ Kajeno Khanya ena ea Shekina ke'ng? Ho phunyeletsa lesira, ho bona hore ebe Molimo o emeng ka pela lōna ke Mang, ho bona hore ebe Molimo o emeng mona ka pela rōna ke Mang, e—e Topallo ea Mollo. O koahetsoe ka lesira ka nama ea motho. Empa ebe Shek'na e etsang, e ile ea etsang? Peō Bohobepontša, Lentsoe leo re tlamehang ho phela ka lona kajeno, ka litsepiso tsena, Khanya ea Shekina e butsoisa Bohobepontša boo, ho e etsahatsa, ho bo fetola Bohobe ho molumeli; esale bo koaletsoe kahara mahlaku a Bibele, selemo ka morao ho selemo, Lentsoe la mongoaha ona.

³³⁴ Ho mekhatlo ea malumeli, Ke kutu e khopang. Mekhatlong ea malumeli, ba khoptjoa ke Lona. Ho theoha le lilemo, Luther, Wesley, Martin Luther, le bohole, Sankey, Finney, John Smith, Knox, bohole ba khopiloe ke Lona.

³³⁵ Empa ho tla etsoa'ng matsatsing a qetelo? Ho "senola" keng? "Ho hlahisa!" Malakia 4 o tla etsang? Ke ho khutlisa batho kutung e khopang eo, ho heletsa meetlo, le ho senola Bohobe ka Khanya ea Shekina. Le E shebelle ha e butsoa e hlahisa hantle seo E boletseng E tla se etsa, oh, khili, Bohobepontša ba mongoaha ona. Ho mekhatlo ea malumeli, ke kutu e khopang, "mphi ea mahlanya." Empa, rōna ba lumelang!

³³⁶ Empa joale Tšenolo 10 e tšepeisitse, “Liphiri tsohle tsa Molimo, esale li patoa hakara maqephe ho theoha le lilemo, li tla butsoisoa, li tla hotölloa mongoaheng oa Molaetsa oa lengeloi la bosupa.” Na ho joalo? [Phutheho e re, “Amen.”—Mong.]

Ebe O itseng, selemo le likhoeli tse tšeleta tse fetileng, joale ho batla ho fetile lilemo tse peli? “Tloha o ee Tucson; ka nqa leboea ho Tucson, ho qhoma ha ho tonana,” le se neng se tla hlaha, “Litiiso li tla buloa,” tsona Litiiso tse senolang lintho tsena. Ho khutla hantle kamoo A boletseng.

Ke eng? Ea supa hoba E e ke ke ea e-ba motho. E otla botsekeng, ka kotloloho e nèpang, nako le nako. Ke eng? Ke letsoho la Molimo, ua bona, ka pela rōna. ’Me kahobane e le kahara sehlotšoana, e koahetsoe ka lesira nama ea motho, e koahelletsoe lefatše le kantle. O patetsoe lefatše le kantle. O ntse a Itšenolela masea a batlang ho ithuta. Ua bona? Ke hantle.

³³⁷ Ntho efe le efe, ua bona, setšoantšo sefe le sefe kahara Bibele, papiso efe le efe ea Bibele, e ntse e bonahatsoa hantle mona ka pela rōna. Oona Molimo oo, kahara Topallo ea Mollo, ea ngotseng Bibele, kahara Testamente ea Khale le e Ncha, o mona hantle ho E bonahatsa, ho bonahatsa hantle seo e neng e le sona, ho boela a toloka, le ho kholisa hore ke tlhaloso eo.

³³⁸ “Re tšoere tlhaloso!” Ha re e bone e etsahala. Ua bona, ke eona, tloo re e bone ha e bonahatsoa.

³³⁹ Ho bonahatsoa! Jesu o itse, “Ekare ha Ke sa etse mesebetsi ea Ntate oa Ka, le se ke la lumela ho ’Na.” Ua bona, e tlameha ho kholisoa.

³⁴⁰ Empa joale—joale, ha e pakoe joaleka Jesu, ba ile ba Mo koahela ka—ka sekatana hloohong ba Mo tlera hlooho, ha thoe, “Ha U le Moporofeta, re bolelle ea U tlerileng.” “’Me ha U le Mora Molimo, fetola tsena bohobe.” Ua bona, ke liabolosi eo. “Ha U le Mora Molimo, theoha sef....”

³⁴¹ Ke bolela, Tšenolo eo A tlamehang ho e phethisa, ke seo E leng sona. Empa joale, mohla Tšenolo 10 e senoloang, liphiri tsa Molimo lia bonahatsoa, ho tsebjoa, joaloka Buka e tšepeisitsoeng ea Tiiso-Supa.

Joale ak’u telle tumelo ea hao ho Eèna Eo e leng Lentsoe... Hobane, ho Tšenolo oa 10 e re...

³⁴² Kapa, Tšenolo 19, ke rialo. Ke ne ke e ngotse mona, Tšenolo 10, ho e finyella; empa ha se 10, ke 19. Mohla A tlang, O tla bitsoa, “Lentsoe la Molimo,” o kaletse pere e tšoeu, ’me balateli ba Leholidmō ba tla Mo sala morao.

³⁴³ Tabola lesira la thuto la mokhatlo oa bolumeli! Tabola lesira la moetlo la mokhatlo oa bolumeli! Tabola masira ao a u patelang Eèna! Tabola masira ao a boikhantšo, lōna basali. Lōna—lōna le barali ba Morena; itšoareng joaloka bona, le

phele joalo ka bona. Tabolang lesira ka leng, ho sa tsotelehe seo Ph.D. le LL.D. e se buang. Haeba e le khahlano le Bibele eo, tabola o phunye lesira leo!

Hoba, re parotse lesira le hahotsoeng. Joale re ka mose oane joale, ka mose oane. 'Me u tla bona, ha u ka etsa joalo, ua tabola meetlo eo ea khale le lintho, ua tla ho Eèna, u tla Mo bona a eme, e le Mohloli ea Matla, Lentsoe le tšepisitoeng mongoaha ona, a bonahatsoa. U tla bona Molimo o Matla o koaholotsoe, ho 'Mona hantle mona hara röna, a koaholotsoe, Molimo o Matla, o sa hloloeng ke meetlo.

³⁴⁴ Ba lekile ho Mo pata morao mono; ba e entse, ka lilemo, empa nako ea tšepiso e ile ea atamela. Eaba Molimo o hlahisa Moshe, 'me a lokolla bana linthong tseo. 'Me le joale O sa ntse a... A ke ke a hloloa. "Maholimō le lefatše li tla feta, empa Lentsoe la Ka che." Esale Eèna maobane, kajeno, le kamehla.

³⁴⁵ Ba re, "E ke ke ea etsoa." Empa e entsoe. Eare, hoba e etsoe, ba re, "Ke ea liabolosi."

³⁴⁶ Empa ha e fetole Lentsoe la Molimo, le ho leka. E sa ntse e le "Molimo," ho molumeli, "Mohloli ea Matla; eèna maobane, kajeno, le kamehla," ka tlhaho ea Hae, ka Lentsoe la Hae, Baheberu 13:8.

³⁴⁷ Ke koala, ka ho bua sena, hoba ke metsotso e mehlano pele ho leshome le metso e 'meli, ke bua sena feela. Ke tšoere maqephé a ka bang leshome, a leshome le metso e 'meli hape. Ke tla e finyella ka nako e 'ngoe, mohlomong bosius bona.

³⁴⁸ Lemoha, lemotha sena. Ho kile ha eptjoa fantisi, 'me ba kokositse thomo ea khale ea likhole. Le e utloile hangata. 'Me e le fiole ea khale; eaba rafantisi o re, "Na ebe nka rekelo ka bo kae?" Nka tsoa ke sa e hlaose ka tšoanelo, ho latela thothokiso. Ke lilemo tse ngata, tse ngata tse fetileng, empa kea e hopola. Eaba ba kokosa thomo ea khale ea likhole, keha e sa khahle hakaalo; e batla e khakhapèhile, le ntho eohle. A batla a sa khone ho e thaothela. Qetellong, kea kholoa ea bechoa ka dolara, kapa ntho e kang eo.

³⁴⁹ 'Me mono ho eme motho ea hopolang e sa tšoaneloa ke theko eo, eaba o a tloha 'me a e qotsa. A e tšohla matsohong a hae, a tšoara seqha a se hohla, 'me a letsa koma. 'Me hoba a etse, mang le mang a qala a lla. Ba eso utloe 'mino o kaalo bophelong ba bona.

Eaba rafantisi o re, "Na ebe nka rekelo ka bo kae?"

³⁵⁰ "Likete tse peli!" "Likete tse hilano!" "Likete tse leshome!" Ua bona? E ne e le eng? Letsoho la setsebi ke lona le senotseng sephiri sa seletsa sa khale.

³⁵¹ Ho a tšoana le joale! Buka ea khale, E khakhapèhile, E tšehiloe, ea chesoa, ea songoa. Empa joale ke nako ea mekhatlo

ea malumeli ho tšoara fantisi, Lekhotla la Likereke tsa Lefatše. Ba hlide ba E rekisa tlolo. Ho tlil'o tšoaroa fantisi ea mokhatlo oa bolumeli.

³⁵² Empa, le hopole, kahara Buka eo ea khale ho tšepisitsoe ntho e 'ngoe e reriloeng pele, ho tla fihla letsoho le tlotsitsoeng tsatsi le leng, le tla E qhautsa 'me le tla phethisa Lentsoe la Buka ena, ka pelō e reriloeng pele, hore Le finyelle morero oa lona, ho senola litšepiso tse kahara Eona. E ka re, oh, ke mphi ea khale ea bathethehi-bahalaleli, kapa nyee e itseng; empa e hloka letsoho la Setsebi, Lentsoe holima Eona, ho senola Lentsoe leo, 'me e fetisa le mohalaleli-mothethehi. E fetohile hoo ho mang le mango a rōna, na ha e joalo, metsoalle? Ha se khahlakhahla ea bohlanya. Ho tsoa feelsa hore seqha se kahara letsoho la mang.

Ha re rapeleng.

³⁵³ Ntata rōna oa Lehelimō, ka tumelo kajeno ke bona Setsebi sa Buka ea khale, ba e anantse ka meetlo. Ba E anantse ka mekhatlo ea malumeli. Ba lekile ho hoebisana ka Eona. Joale ba E ananya ka-ka Lekhotla la motho oa Lefatše, la likereke, la bokomonisi, la bosalumele. Ho tšeroe fantisi, Morena.

³⁵⁴ Molimo, qatsoha hle! Ruri, U tla etsa joalo. Re romelle moporofeta, Morena, ea qhautsang seqha, ea qhautsang Lentsoe lena 'me a kholisa hore Jesu Kreste esale eèna maobane, kajeno, le kamehla. Ba bangata, Morena, ba tla rekisa ka maphelo a bona, ba tla lahla meetlo ea khale, ba tla tabola masira. Ba E batla, Morena. Ba tla tèla eng feelsa, eng feelsa, ba fe Jesu feelsa.

³⁵⁵ Morena, ke hopola U ba paketse Eona joale. Ba hlaha ka makhalo ohle. Ba lefa meputso ea bona. Ba etsa tsohle, ho leka ho finyella likopano, ba etsa ka bokhoni bohole ba bona, hobane ba sibolotse Perela eo ea theko e thata. Lintho tse ling li nyenyegefsete haholo. Ba hlohonolofatse, Ntate.

³⁵⁶ Holima sefala sena, hoseng hona, Morena, ho aliloe lisakatuku. Ba bang ba ka tlameha ho tsamaea kajeno, pele ho tšebeletso ea pholiso bosiung bona. Oho Molimo Mohlolehi, sheba fatše. Kea tseba U teng mona, U koahetsoe ka lesira. 'Me ke romela masira a manyenyane ana, Morena, a bitsoang, "lisakatuku," le "liaporonenyana," le "libutšunyana" tsa maseanyana. 'Me ke li romela e le bopaki ba masira, hore Lentsoe la Hao le reriloe holima tsona hoseng hona, 'me, joaloka molumeli, ke li bea matsoho, 'mele oa ka, ho itšupa hore kea Le lumela. 'Me, ka tumelo, mang le mang ka mohahong ona o etsa joalo, Morena. Bakuli ba ke ba phekoloe.

³⁵⁷ U ka khona ho letsas e—e Lentsoe le tsoang mona, Morena, joaloka rafiole oa khale ea tšoereng fiole ea hae, etsa joalo, Morena. Ak'u e letsitse koma e tšoanetseng, seqha se letsohong la Setsebi, ke moo re tlang ho Mo bona a eme pontšeng e tletseng.

³⁵⁸ Batho ba letsatsi leo ba kile ba nahana, mohla ba sa batlang ho neela letho, ha ba sa neela letho bakeng la fiole ea khale. Ba ne ba sa e batle. Ba sa e batle tlung ea bona. Empa hang ha e qhautsoa ke ea e khonang, eaba ba rekisa ka sohle sa bona, ho e fumana. Ba kolokochana 'me ba e tseka. Nako e ne e felile lekhatheng leo.

³⁵⁹ Ho tla ba joalo mohla Terompeta ea Morena e llang, nako e tla fela. Bao ba kileng ba nyemotsoa 'me ba songoa, ba kileng ba ema mono ka pela lesira le phetliloeng 'me ba bone Lentsoe la Molimo le bonahatsoa (*ba bang* ba tla Le hooeletsa, empa, joaloka ha U boletse, "Nako e tla be e felile"), ba ile ba kena Selallong sa Lenyalo; athe *bona* ba setse kantle moo ho leng lillo, le liboko, le litsikitlano tsa meno.

³⁶⁰ Thusa motho mang le mang ho lumela, hosseng hona, Ntate; ho phunya lesira la boitšepe, lesira ka leng la ho se lumele, 'me ba bone Mohloli ea Matla a koaholotsoe ka pela balumeli. Hoba, "Bonang, 'Na ke na le lōna kamehla eohle, ho isa bofelong ba lefatše. Ho se ho se ho kae 'me lefatše ha le sa tla Mpona, empa lōna le tla Mpona." Ipontše hara rōna, Morena, etsoe esale U etsa joalo. Etsa joalo kamehla hofihlela re hlahella pontšeng ea Hao, mohla en morphe a fetotsoeng 'me U boetse u fetohile Mora motho, le Mora oa Davida. Aba sena, Morena, ka Lebitso la Jesu Kreste.

Re sa inamisitse lihlooho tsa rōna, bohle ba lutse thapelong.

³⁶¹ Kea ipotsa kajeno mona haeba ba bang ba...kahare kapa kantle. Ha ho mokhoa oa ho mema aletare holimo mona, sebaka ha se eo. Empa kea ipotsa, ka botšepehi, na le lumela sena e le 'Nete? Na lea lumela letsatsing lena leo re phelang ho lona, le tšenyeho ena eohle le mongoaha oa mahlale o kang oa litšiu tsa Nohe, le litšiu tsa Moshe, litšiu tsa Kreste, hore Molimo, e leng Ntata rōna bohle ba tsoetsoeng ka ho Eèna, o eme hara rōna kajeno?

³⁶² Topallo ena ea Mollo e pakiloe ke mahlale, lilemo tse ngata tse fetileng, ke sa le moshanyana, ea bua le 'na ea re ke tla phela mona hantle, se neng se tla hlaha. Ho le bolella ka eona, 'me eaba E...Tsatsi le leng tlase holima noka, le pele tšebetso ena e qala, tsoseletso ea pele, O ile a hlaha lipakapakeng, a Itsebahatsa 'me a ntša thomo. Esale ke e patile pelöng ea ka lilemo tsena tsohle, ho koahela Kreste ka lesira, eona Topallo ea Mollo e tolokang Lentsoe, ho latela tšepiso. Re letsatsing la ho qetela, ho setse ho Khutla ha Morena feela. 'Me ha u iphumana kantle ho lesira leo, etsoe e le lefu ho lula kantle, na ka tumelo, hosseng hona, u ka re, "Ka thuso ea Molimo. Le ka thuso ea Hao, Morena, ke batla ho phunya lesira leo. Ke batla ho fihla moo U leng teng, ho bona Lentsoe la Molimo le tletseng"?

³⁶³ U se ke ua lekisa Moshe. U se ke ua lekisa Aarone. U se ke. Eba seo u leng sona, empa u be Mokreste.

³⁶⁴ Na u ka khona, u sa inamisitse hlooho ea hao, ua phahamisetsa Molimo matsoho a hao, ua re, "Morena Molimo, nthuse ho kena kahara lesira"? Molimo a u hlohonolofatse. Molimo a u hlohonolofatse. Hoo, shebang matsoho feela!

³⁶⁵ Kantle, hopola, koana ha ke bone letsoho la hao. Ho le bona ha ka ha ho—ha ho thuse hakaalo, le hona; ke eona, Molimo. Le mpa feela, ho 'na, le nthusa ho bona moo—moo Peō e oetseng teng, 'me, empa Molimo o bona pelō ea makhonthe.

³⁶⁶ Ba sa phahamisang matsoho a bona ha ba le teng, le batla ho a phahamisa joale, phahamisa matsoho a hao 'me u hopoloe thapelong. Phahamisa matsoho a hao. Molimo a u hlohonolofatse. Ke botle. Molimo a u hlohonolofatse.

³⁶⁷ Ntate, re rapella bana kajeno, Morena, ha ba eso phunyeletse lesira leo. Ba eme kantle mane joaleka Iseraele; ba shebeletse. Baa lumela, empa le joale ha ba eso phunyeletse Sena, ho bona Leseli le leholo leo la Shekina, ka moea le ka nama, hoo leihlo la mochini oa khamera le sa phetseng ho katlatsa setšoantsšo; liveke tse peli feela tse fetileng, le Se katlatitse hape. U ntse u Itšenola, Morena, Molimo o Matla o senoletsoeng molumeli; e sa ntse e koahelletsoe mosalumele, empa e koaholotsoe ho molumeli.

Ba ke ba phunyeletse, kajeno, Morena, ho bona phatsimo ea Hae e khōlō le Khanya. Lipelō tsa bona li fetoloe le pele re khutlela kerekeng ena bosiung bona. Bohle ba tlale Moea oa Hao, Boteng ba Hao. Setsebi se qhautse tumelo eo ea bona, se e hulanye holima Lentsoe; koma e khutle e ntse e re, "U ne u reroepele, lefatše le eso theoe, ho lumela Sena. Ak'u lumele, ngoana oa Ka, 'me u bolokehe."

³⁶⁸ Ntate, Molimo, re ba laeletsa matsohong a Hao, re lemoha ho se letho leo re ka hlolang re le etsa. Ntho eohle e itšetlehile ho Uena joale, Ntate. Ke ba nehela Uena. Ka Lebitso la Jesu Kreste, Mora oa Hao. Amen.

Kea Mo rata, kea Mo rata
Hoba...nthatile pele
'Me O lefetse poloko ea ka
'Fateng sa Kalvari.

³⁶⁹ Lea Mo rata na? [Phuthetho e re, "Amen."—Mong.]

Ke setsoto, setsoto, Jesu ho 'na,
Moeletsi, Khosana Khotso, Ke Molimo o
Matla;
Oa mpholosa, o ntlosa sebe le lihlong,
Molopolli ke setsoto, ho bokoe 'Bitso la Hae!

Ne ke lahlehile, joale ke thotsoe, ke phemme
 tsuo,
 Jesu oa lokolla o tlatsa poloko;
 Oa mpholosa, o ntlosa sebe le lihlong,
 Molopolli ke setsoto, ho bokoe 'Bitso la Hae!

Oh, setsoto, setsoto, Jesu ho 'na,
 Moeletsi, Khosana Khotso, Ke Molimo o Matla;
 Oh, oa mpholosa, o ntlosa sebe le lihlong,
 Molopolli ke setsoto, ho bokoe 'Bitso la Hae!

³⁷⁰ Ba Mo bonang a eme ba ba kae, Mohloli ea Matla, Lentsoe le entsoeng nama, le koaholotsoeng pela rōna; Alfa, Omega; Ea ne a le Teng, Ea leng Teng, le Ea Tlang; Motso le Lehlomela la Davida; e ne e le Mora motho, Mora Molimo, Mora motho, 'me e tla ba Mora oa Davida? Na le E lumela ka pelō ea lona eohle? [Phutheho e re, "Amen."—Mong.] Ho Ikoaholla mongoaheng o mong le o mong, ho tlisoa ho molumeli, ho Ikoahella mosalumele ka lesira la nama ea motho. O patiloe ka morao ho lesira. Molimo a ke a tabole lesira ka leng, 'me re Mo bona kamoo A leng kateng!

Jesu o khaola tlamo eohle,
 Jesu o khaola tlamo eohle,
 Oh, Jesu o khaola tlamo eohle,
 Mohla A u lokollang!

Mose ho Jordane mane,
 Thoteng tsa Edene e monate
 Sefate sa Bophelo se thuntse,
 Teng ke tla phomola.

Jesu o roba . . .

Ha u batle ho tšela Jordane hona joale? Leeto la lehoatata ha le le lelele na? Tloong re tšeleng re eeng litsepisong!

Jesu o roba tlamo eohle,
 Jesu o roba tlamo eohle,
 Oh, mohla A u lokollang!

³⁷¹ Ha re phahamiseng letsoho la rōna joale.

Ke tla Mo roka, ka mehla eohle,
 Ke tla Mo roka, ka mehla eohle,
 Ke tla Mo roka, ka mehla eohle.
 Hoba Oa ntokolla!

³⁷² Amen! Ana ha e le thabise? [Phutheho e re, "Amen."—Mong.] Oh, ho babatseha joang! Ho babatseha joang, ha A joalo na, ke hona? Ha re tsukutlaneng ka matsoho joale, re re:

Jesu o roba tlamo eohle,
 Jesu o roba tlamo eohle,
 Oh, Jesu o roba tlamo eohle, (Molimo a u hlohonolofatse, moena.)
 Oh, 'me Oa u lokolla!

Ke tla Mo roka, ka mehla eohle, (Molimo o Matla)
 Ke . . . ("Eèna maobane, kajeno, le ka mehla," u fetotse sebopeho sa Hae feela.) . . . Mo roka,
 Ke tla Mo roka, ka mehla eohle,
 Hoba O (o ntlositse litumeloana tsohle) le ho . . . (ho lumela Lentsoe la Hae).

³⁷³ Oh, na ha le utloe Fiole ea Setsebi ha e hohla, ha seqha se pholla Lentsoe lena? Ke Eèna maobane, kajeno!

Ke tla Mo roka, ka mehla eohle,
 Ke tla Mo roka, ka mehla eohle,
 Ke . . . (Eèna, Lentsoe!) . . . mehla, ke tla Mo roka, (O entse'ng?)
 Hoba Oa (ka mora kharetene) ntokolla!

³⁷⁴ Ho bokoe Molimo! Kea Mo rata. Ha le Mo rate na? [Phutheho e re, "Amen."—Mong.] Na lena ha e ke Lehelimō? ["Amen."] Ke rata litholoana tseo tsa Lentsoe, ua bona, monate oo oa Moea o Halalelang, ka boikokobetso. Ke—ke rata Hoo feela. Oh, nahanang feela!

Mose ho Jordane mane, (Ke atamela moo joale)
 Monateng oa . . . (ho apara ho se shoe) tsa Edene, . . . (Mono ke tla fumana'ng?)
 Teng Sefate sa . . . (se neng se le tšimong ea Edene) se thuntse,
 Teng ke tla phomola.

³⁷⁵ Le batla ho tsamaea na? O roba tlamo eohle.

Jesu o roba (moetlo ofe le ofe) tlamo eohle,
 Jesu o roba tlamo eohle (malumeli ohle, litumeloana tsohle),
 Ho roba tlamo eohle,
 'Me Oa u lokolla!

³⁷⁶ Ho bokoe Molimo! Ke Mo rata feela. Ha ho makatse Esaia a itse, "Ke Moeletsi, Khosana ea Khotso, Molimo o Matla, Rabosafeleng, Ea Makatsang!"

Ke setsoto, setsoto, Jesu ho 'na,
 Moeletsi, Khosana Khotso, Ke Molimo o Matla;
 Oh, oa mpholosa, o ntlosa sebe le lihlong,
 Molopollie ke setsoto, ho bokoe 'Bitso la Hae!

³⁷⁷ Oh, khili! E fuluha pelō ea ka. O makatsa hakakang! Kea le bolella, taba Ena ha e na pheletso. Eona, ke ne ke kene ho Eona lilemo tse mashome a mararō a metso e merarō tse fetileng, ke ntse ke ikutloa tjena. Haeba A ka lieha, tsatsi le leng ke tla koala mahlo a ka, ke tla tsoa ka mokhoa o tšoanang. Amen!

Ke setsoto, setsoto, Jesu ho 'na,
 Ke Moeletsi, Khosana Khotso ho 'na, Ke
 Molimo o Matla;
 Oa mpholosa, O ntlosa sebe le lihlong,
 Molopolli, ke setsoto, ho bokoe 'Bitsa la Hae!

³⁷⁸ Nka qeta letšeare lohle, ka taba Eo. Pauluse o itse, "Ha ke bina, ke tla bina ka Moea." Uh-huh. "Ha ke rera, ke tla rera ka Moea. Ha ke tsamaea, ke tla tsamaea ka Moea. Ha ke bua, ke tla bua ka Moea." Tsohle li ke li etsoe ka Lentsoe le ka Moea. E, monghali. Amen! Ntho eohle ke 'Nete ea Molimo.

³⁷⁹ Kea Mo bona, Molimo o Matla, o koaholotsoeng. Ke Mo bona a phetla litumeloana, mekhatlo ea malumeli; ho phetla e—e babelaeli, mananeo a thuto, le ntho eohle; o tsoela pele, o ema mono. Le nahana litumeloana li ka Mo hlola? Le nahana mekhatlo ea malumeli e ka Mo hlola? Le nahana Lekhotla la Lefatše le ka Mo hlola? O hlotse sohle, o robile tlamo eohle, ho tabola lihele a li phetla; a tabola tiiso, a kena Sehalalelisong; a Ikoahollela rōna, eèna e leng Lentsoe, maobane, kajeno, le kamehla. Amen. Kea Mo rata.

³⁸⁰ Joale, hofihlela re kopana thapama ena, re batla ho etsa ntho e le 'ngoe feela, eona ke ena:

Inkele 'Bitsa la Jesu,
 Ngoana masobi le tllokotsi;
 Le tla u thabise le u tselise,
 Oh, Le nke hohle moo u eang teng.
 'Bitsa le ratoang, oho le monate!
 Tšepo ea lefatše le thabo ea Leholidō;
 'Bitsa le ratoang... (Yaa, ke se ke li fumane,
 le joale...) oho le monate!
 Tšepo ea lefatše le... .

[Moena Branham o bua le motho kalaneng—Mong.]

³⁸¹ Ha Satane a leka ho u kenya molekong, a re ha u a talima ntho e nèpahetseng, mo supise Lentsoe u etsise Jesu. Ua bona? Ua bona? Amen!

'Bitsong la Jesu ba inama,
 Ba namalla maotong a Hae,
 Khosi ea likhosi 'Holidōng re Mo tlota,
 Ha leeto la rōna le felile.
 'Bitsa le ratoang, 'Bitsa le ratoang!
 Tšepo ea lefatše le thabo ea Leholidō;
 'Bitsa le ratoang, oho le monate!
 Tšepo ea lefatše le thabo ea Leholidō.

³⁸² Billy o tla kena, ha e batlile ho ba hora ea botšeleta, ho abela ba batlang ho kena moleng oa thapelo litlankana tsa thapelo. Kea kholoa re ka mpa ra e etsa. Re ne re sa tl'o e etsa, empa, ka baka la letšoelie, re mpe re e etse, le a bona.

³⁸³ Joale le hopole Eèna! Le Mo hopole mehopolong ea lōna kamehla, pelōng tsa lōna. Hohle moo le eang teng, ua bona, u hopole Jesu kelellong ea hao.

Inkele 'Bitso la Jesu (joale mamelang) uena,
E le thebe sefing ka seng; (ho etsahala'ng?)
Ha meleko e likanyetsa, (u tšoanelā ho
etsa'ng?)
Bolela 'Bitso le bokoang leo thapelong.
'Bitso le ratoang, 'Bitso le ratoang, oho le
monate!
Tšepo ea lefatše le thabo ea Leholidō;
'Bitso le ratoang, oho le monate!
Tšepo ea lefatše le thabo ea Leholidō.

³⁸⁴ Ha re inamiseng lihlooho tsa rōna joale. Ke tla kopa molisa ho tla tla qhala letšoele. Moena Neville, Molimo a u hlohonolofatse, Moena Neville. 

KOAHOLLO EA MOLIMO SST64-0614M
(The Unveiling Of God)

Molaetsa wona, ka Moena William Marrion Branham, o rerilwe sethatong ka Senyesemane Sontaha hoseng, Phupjane 14, 1964, Tabernakele ea Branham, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org